



7-2-1


m

A V c 120 f 3a

PAVLI IOSEPHI
DE ARRIAGA,
SOCIETATIS IESV,
RHETORIS
CHRISTIANI

PARTES SEPTEM,
Exemplis cū sacris, tum Philo-
sophicis, illustratæ.

Nunc primum in lucem prodeunt.



LVGDVNI,
Sumptibus Horatij Cardon.

M. DC. XIX.

Cum Privilegio Regis.



227 p 40

PAVILION
OF AGRICULTURE
SOCIETY
R H T O
CHRISTIAN
PARTS

Example of
the high
value of the
work



THE
LIBRARY
OF THE
SOCIETY
OF THE
CITY OF
NEW YORK



PROLOGVS
AD COLLEGIVM
D. MARTINI LIMÆ
in Peru.

REDEO, cū videbar
emeritus, ad aciem,
& dicendi artem,
quam ante triginta sex annos
docere cœpi adolescens, sapius-
que docui, iam senex repeto.
Orator tunc mihi Christianus
Caroli REGII è Societate no-
stra in manus venit felicissi-
mè, legi, & perlegi incundis-
simè, & Rhetoricam lectu-
rus, eius quasi vestigiis insi-

stans, multaque ex ipso decerpens, Rhetor esse Christianus volui, & Rhetores etiam Christianos formare, & instituere, & sic huius artis precepta disponere, ut ad maiora & grauiora Oratoris Christiani viam aperirem. Ex Rhetore enim Christiano Declamator Christianus, ex Declamatore Christiano Orator Christianus perficietur. In tradendis preceptis, dum brevis esse laboro, conabor ne obscurus fiam. Ex sacratioribus diuinarum literarum adytis deprompta exempla inseram, non ut misceam sacra prophanis, sed ut, primis labris delibatâ illarum suauitate, adolescentes, ex quibus plures Ecclesiastici aliquando futuri sunt,

sunt, Deo auspice, Concionato-
res, ita capiantur, ut illas sem-
per sitiant, semper appetant: &
quo semel imbuta est, non diu,
sed semper seruet odorem te-
sta. Hæc enim rudimenta Con-
cionatorum erunt, sacrorum
nempe oratorum: nec contem-
nenda hæc parua sunt, sine qui-
bus illa non possunt constare
magna grauissimi, & sanctis-
simi muneris officia. Nec vide-
bor extra chorum psallere, si re-
ligiosus fratribus etiam nostris
religiosis obsequens concionan-
di præceptum breuiter perstrin-
xero. Et cum mihi, non tam ora-
tor instituendus sit forensis,
quàm ut à Quintiliano suus,
ab ipsis propè incunabulis Ec-
clesiasticus erudiendus; illa,

quæ ad genus iudiciale, cuius antiqua ratio apud nos exoleuit, pertinent, consultò prætermittam. Quæ ad sacras conciones spectant, latius persequar. In septem libros, seu partes opusculum diuidetur. Prima Rhetoricæ prolegomena continebit, quinque subsequentes de totidem Rhetoricæ partibus agent, septima, quasi epitomen & coronidem totius operis, perfecti oratoris imaginem describet: quid illi faciendum, quid fugiendum sit, paucis, quasi quibusdam aphorismis, ex CAROLO REGIO magna ex parte desumptis, præcipiet, & docebit. Hæc dicendi artis præcepta iuniores discant, fortè aliquando meminisse iuuabit, grandiores

legant, nec fortè legisse pænite-
bit. Si autem sint aliqui, quibus
hec probata non fuerint, æqui
bonique & placendi omnibus,
& proficiendi consulant volun-
tatem. Mihi huius laboris, qua-
liscunque ille sit, non minimus
erit fructus, si meum erga vos
Adolescentes integerrimi amo-
rem, beneuolentiam, & studium
testatum omnibus esse voluero;
cùm lucubrationes ista in ve-
stro nomine appareant, vobis &
placeant & proficiant. Quibus
à primo vestri Collegij funda-
mento, ante annos triginta
quatuor mea non tam opera
quàm opera, & labores ingrata
non fuerunt. Nec alij cuiquam,
aut quibusquam aliis quàm
vobis singulis, vestroque Colle-

gio aequius ; aut iustius mea
omnia, atque adeò meipsum de-
beo, qui primo, & primus ve-
stro huic Collegio, sæpius inter-
rupto aliis occupationibus mu-
neri, per plures annos Rector
quintò etiam præfui. Meos ipse
labores in extruendis parie-
tibus, in componendis mori-
bus, in promouendis literis, in
tribus præsertim instituendis
congregationibus, prima ac
maxima sacrosancta Virginis
Lauretane in eius sacello ad
prototypi formam effecto, An-
geli custodis secunda, tertia non
reliquis inferiori sanctissima
Eucharistia vidistis, laudastis,
admirati estis aliquando, ego
tògè maiores fructus vidi, lau-
davi, admiratus sum, Deoque

primo

*primo ac maximo bonorum
omnium auctori, acceptos refe-
ro. Nam neque qui plantat,
est aliquid, neque qui rigat,
sed qui incrementum dat,
Deus. Quis enim non admire-
tur, si meminerit unum ac so-
lum in hoc Collegio non multos
ante annos scholasticum se vi-
disse, quasi conseruatam in
vno atque minimo indiuiduo
nobilissimam speciem, nunc
ducentos propè scholasticos flo-
rem totius Hispanica nobili-
tatis, magna expectationis
adolescentes, plures Philoso-
phica, & Theologica laurea
insignes, aliquos sacerdotio
initiatos intueatur? Prodie-
runt ex hoc vestro Collegio,
tanquam ex equo Troiano ad*

diuerſa munera & officia
principes in primis viri , &
ad diuerſas Religioſorum fa-
milias quamplurimi , qui eas
nunc illuſtrant maxima com-
mendatione omnium. Ex uno
reliquos annos coniectemur , ut
ex unguibus leonem. Ulti-
mo mei muneris anno plu-
res numero triginta nomen
religioni dederunt , ſuperio-
ribus annis aliquando etiam
plures , nec minor in poſte-
rum fructus ſperatur. Sed
hæc pauca de multis , quæ
longiorem poſtulant hiſtoriam,
texendam fortasse , ubi tanta
eſt rerum ſeges , & materia:
ſi vos præſertim acceptam à
prioribus gloriam conſeruetis
atque etiam augeatis. V A-

LETE, & hoc opusculum mei
amoris certum pignus & mo-
numentum capite sempiter-
num. Kalendis Aprilis, Chri-
stiane salutis anno 1618.

Omniū ac singulorū ve-
strū in Christo seruus

PAVLVS IOSEPH.

*Facultas R. P. Prouincialis So-
cietatis I E S V, in Prouin-
cia Peruana.*

EGO Iacobus ALVAREZ de
Paz, Præpositus Prouincia-
lis Societatis I E S V, in Prouin-
cia Peruana, facultate ad id mihi
factâ à R. P. Mutio VITEL-
LESCO Præposito nostro Ge-
nerali ; facultatem concedo (si
ita iis, ad quos pertinet, videbi-
tur) vt typis manderetur liber, qui
RHETOR CHRISTIANVS
inscribitur, auctore Paulo IO-
SEPHO de Arriaga eiusdem
Societatis I E S V ; à nonnullis
nostræ Societatis Theologis re-
cognitus. Data LIMÆ, Kalen-
dis Aprilis. 1618.

IACOBVS ALVAREZ
DE PAZ.

Appro

Approbatio.

IOANNES Claudius Deville,
in sacra Theologia Magister,
& diuini verbi Prædicator; in S.
Pauli huiusce Ciuitatis Canoni-
cus, & in hac Lugdunensi Dice-
cesi à Dn. Dionysio Simone de
Marquemont, Illustrissimo &
Reuerendiss. Archiepiscopo, in
Librorum censuram incumbere
iussi: fidem facimus, Nos hunc
librum, cui inscriptio est, *Pauli
Iosephi de Arriaga, Soc. IESV,
Rhetoris Christiani Partes VII.* vi-
disse & legisse, nihilque in eo à
Catholica Apostolica & Roma-
na fide contineri alienum. LVG-
DVNI apud S. Paulum V. No-
uemb. 1619.

C. DEVILLE.

Permissio.

THOMAS de Meschatin la Faye, Comes Canonicus & Camerarius Ecclesiæ Lugdunensis, in suprema Dombarum Parlamenti Curia Consiliarius, Galliarum Primatiæ Officialis, & in Archiepiscopatu Lugdunensi Vicarius generalis, librum inscriptum *Pauli Iosephi de Arriaga, Soc. IESV, Rhetoris Christiani Partes VII.* & à Theologis recognitum, typis mandari permittimus. LVGDVNI S. No- uembr. 1619.

MESCH, LA FAYE.

SVM

*SVMMMA PRIVILEGII
à Christianissimo Gallia-
rum Rege concessi.*

LUDOVICI XIII.
Galliæ & Nauarræ Re-
gis auctoritate sanc-
tum est, atque patentibus literis
cautum, ne quis in Regno suo,
aliisve locis ditioni suæ subie-
ctis, intra proximos annos de-
cem, à die impressionis primæ
inchoandos, ac numerandos ex-
cudat, vendat, excudendum,
vendendumque quouis modo,
& ratione curet librum, qui in-
scribitur, *Pauli Iosephi de Ar-
riaga, Soc. IESV, Rhetoris Chri-
stiani Partes VII.* præter HO-
RATIVM CARDON Bibliop-
olam Lugdunensem, aut illos,
quibus ipsemet concesserit. Pro-
hibitum insuper eâdem auctori-
tate Regiâ omnibus suis subdi-
tis,

tis, eundem librum extra Regni
sui limites imprimendum cura-
re, vel quempiam, vbicunque
fuerit, ad id agendum impelle-
re, ac instigare sine consensu
dicti HORATII CARDON.
Idque omne sub confiscatione
librorum, aliisque poenis origi-
nali Diplomate contra delin-
quentes expressis. Datum Pari-
siis die 7. Decembris 1618.

De mandato Regis,

Signatum

BRVLART.

IN



INDEX
PARTIVM
SINGILLATIM,
ET CAPITVM.

PARS I.

De PROLOGOMENIS
Rhetoricæ.

CAP. I.



Vid sit Rhetorica, quod eius officium, finis, &

materia.

pag. 1

2. *Quotuplex sit. Quæstio.* 2
3. *Finita & infinita Quæstio quotuplex sit.* 3
4. *Quot & quæ sint partes Rhetoricæ.* 5
5. *Quomodo comparetur Rhetorica, & ad quos spectet.* 6

PARS

Index-Partium,

P A R S II.

De INVENTIONE.

1. **Q**uid sit Inuentio. 9
2. **Q**uid sit Argumentum,
Argumentatio, & Amplifi-
cario. 10
3. De Definitione. 11
4. De Notatione. 1
5. De Coniugatis. 14
6. De partium Distributione. 15
7. De Genere & Forma. 16
8. De Similitudine. 19
9. De Dissimilitudine. 21
10. De Contrariis. 22
11. De Repugnantibus. 27
12. De Subiectis & adiunctis. 28
13. De Causis. 31
14. De Effectis. 42
15. De Comparatis. 44
16. De Argumentis assumptis. 50
17. De aliis locis assumptis. 57
18. De Inventionem in genere exor-
natio. 59
19. De genere deliberatio. 64

20. De

& Caputum.

10. De genere reprehensorio.	67
11. De genere consolatorio.	69
12. De Oratione funebri.	72
13. De genere didascalico & institutino.	73
14. De Affectibus mouendis. secunda pars inuentionis.	75
15. Affectus quid sit, ubi, & quatuorplex.	77
16. Affectus quānam ratione mouendi.	81
17. De I. amplificandi ratione.	83
18. De II. amplificandi ratione.	85
19. De III. amplificandi ratione.	87
20. De IV. amplificandi ratione.	88
21. De V. amplificandi ratione.	89
22. De VI. amplificandi ratione.	90
23. De VII. amplificandi ratione.	91
24. De VIII. amplificandi ratione.	93
25. De aliis amplificandi generibus.	97
26. Quæ sint in amplificatione seruanda.	102
27. De amore & odio.	105
28. De desiderio & spe, fuga & de-	

spera

Index Partium,

<i>sp̄ratione.</i>	109
39. <i>De timore & audacia.</i>	113
40. <i>De gaudio & tristitia.</i>	117
41. <i>De Ira.</i>	119
42. <i>De reliquis affectibus, qui ex primis undecim proueniunt.</i>	122
43. <i>Quid potissimum sit ad mouen- dos affectus.</i>	127

P A R S I I I.

D E D I S P O S I T I O N E.

I. Q <i>Vid sit Dispositio.</i>	131
2. Q <i>Quot & qua sint partes Orationis.</i>	132
3. <i>De Exordio.</i>	133
4. <i>De exordiendi ratione in diuersis causis.</i>	137
5. <i>De vitiis Exordij.</i>	140
6. <i>De exordiendi ratione sacris oratoribus seruanda.</i>	142
7. <i>De Narratione.</i>	147
8. <i>De Narratione sacrorum orato- rum propria.</i>	151

9. *De*

& Caputum.

9. De Confirmatione.	155
10. Quid sit argumentatio, & quod- tuplex.	160
11. De Syllogismo.	161
12. De Enthymemate.	163
13. De Dilemmate.	165
14. De Sorite.	166
15. De Inductione.	168
16. De Epicheiremate, Enumera- tione, subiectione.	170
17. De Collectione.	172
18. Quae & quomodo sint confir- manda & refellenda.	177
19. De Epilogo.	179
20. De Dispositione in singulis cau- sarum generibus, & in pri- mis deliberatio.	185
21. De Dispositione in genere exor- natio.	189
22. De genere didascalico, & aliis.	193
23. De variis Evangelij tractandi rationibus.	197
24. De Dispositione in aliis concio- nibus.	205

25. De

Index Partium,

25. De triplici alia disp[ositione] con-
cionis. 212

P A R S IV.

De E L O Q V V T I O N E.

1. **Q**uid sit Eloquentio, & qua
eius virtutes. 219
2. De Proprietate. 220
3. De perspicuitate orationis. 223
4. De ornatu orationis. 225
5. Quid & quotuplex sit Tropus. 229
6. De Metaphora. 231
7. De Synecdoche. 233
8. De Metonymia. 236
9. De Antonomasia. 238
10. De tribus aliis Tropis, qui fiunt
in uno verbo. 240
11. De Tropis, qui fiunt in oratione. 244
12. Quid & quotuplex sit figura. 250
13. De figuris qua fiunt per adiectio-
nem. 251
14. De figuris qua fiunt per detra-
ctionem. 256
15. De figuris qua fiunt per simili-

tudi

& Capitulum.

- itudinem. 258
16. De figuris quæ fiunt per diffi-
militudinem. 261
17. De figuris sententiarum. 262
18. De figuris quæ ex locis topicis di-
manant. 282
19. De figuris quæ ex variis affecti-
bus dimanant. 288
20. De quarta orationis virtute,
nempe congruitate. 291
21. De Tribus dicendi generibus. 301

P A R S V.

De Memoria.

1. **Q**uid sit Memoria, & quo-
tuplex. 305
2. De Memoria naturali adiu-
uanda. 308
3. De Memoria artificiali. 319

P A R S VI.

De Pronunciatione.

1. **Q**uid sit Pronunciatio, &
quæ eius partes 331

2. De

Ind. Part. & Cap.

2. De voce moderanda. 333
3. De motu & gestu corporis. 341
4. Praxis praeceptorum pro sacris oratoribus. 349

P A R S VII. & vltima.

E L E N C H V S eorum, quæ optimo oratori Ecclesiastico seruanda; quæ item fugienda.

S E R V A N D A.

1. **C**irca seipsum. 357
2. **C**irca ipsam orationem. 361
3. Circa prudentiam & industriam oratoris. 367

F U G I E N D A.

4. Circa suam personam. 373
5. Circa ipsum opus. 378
6. Contra prudentiam peccat. 385



R H E T O R I S

CHRISTIANI

P A R S P R I M A.

De PROLEGOMENIS
Rhetoricæ.

CAPVT I.

Quid sit RHETORICA,
quod eius OFFICIUM,
FINIS, & MATERIA.

RHETORICA nomen
est Græcum, nec est vl-
lum Latinum, quo red-
di possit: & deducitur à
verbo *ῥέω*, i. *disco, loquor*. Definitur
autem Ars, vel doctrina dicen-
di, hoc est, grauiter, copiosè &
ornatè loquendi. Eius OFFI-

A

CIVM

CIVM est dicere appositè ad persuasionem: FINIS, persuadere dictione. Persuadere autem voco, vnâ cum motu animorum facere in dicendo fidem. Eius MATERIA, vel subiectum, aut obiectum, circa quod illa versatur, est quacunque de re, quæ in deliberationem cadat, vel laudari possit, aut vituperari, proposita quæstio.

CAPVT II.

Quotuplex sit QVÆSTIO.

QVÆSTIO est duplex, finita, quæ Græcè *ὑπόθεσις*, Latinè *causa*, siue *controuersia* dicitur; altera infinita, quæ Græcè *ῥησις*, Latinè *propositum* appellatur. Infinita, in qua aliquid generaliter quæritur: vt, an respublica à Rege, vel à iudicibus, vt quondam Israëlitica, administranda

fit.

lit. FINITA, in qua aliquid peculiare disputatur: ut, utrùm oporteat, ut Roboamus plebem beneuolentiâ, & amore, in officio contineat, vel rursus nimia seueritate coërceat. Quæstio finita transit in infinitam, remotis circumstantiis, quibus quasi finibus continebatur. Infinita autem, compressa circumstantiarum terminis, reducitur ad finitam: circumstantiæ autem, celebri hoc carmine comprehenduntur:

3. Reg.
2.

*Quis, quid, ubi, quibus auxiliis,
cur, quomodo, quando?*

D. Th.
1. 2. q.
7. A. 3.

CAPVT III.

FINITA & INFINITA
Quæstio quotuplex sit.

FINITÆ quæstionis tria sunt genera, Exornatiuum, Deliberatiuum, & Iudiciale: omnia

enim, quæ tractantur à quouis oratore, vel sunt præterita, vel futura. Si præterita, laudatur, vel vituperantur; si extra iudicium, constituitur genus exornatiuum, cuius duæ sunt partes, laus, & vituperatio; si in iudicio, genus iudiciale, quod diuiditur in accusationem, & defensionem; si futura tractantur ab oratore, suadetur, vel dissuadentur, & est genus deliberatiuum, cuius duæ sunt partes, suasio, & dissuasio.

3 *Esd.*
c. 5.

Eccli.
3.

INFINITA quæstio est duplex, cognitionis vna, cuius finis est scientia: vt, an vinum fortius sit muliere, vel Rege. Actionis altera, cuius finis est actio: vt, an adollescentes flagris sint coercendi, vel alliciendi amore. Quæstio cognitionis, in qua quæri solet, an sit, quid sit, quale sit, ad Philosophos pertinet: actionis ad oratores, cum remotis circumstantiis hypothesis ad thesim reuoca-

tur.

tur, vt patentiorem habeat campum, quo se oratio diffundat, vt suprà dictum est.

C A P V T IV.

Quot & quæ sint PARTES Rhetoricæ.

HÆc de officio, fine, & materia Rhetoricę dicta sufficiant. Cuius quinque sunt partes, Inuentio, Dispositio, Elocutio, Memoria, Pronunciatio. **I**NVENTIO est rerum verarum, aut verisimilium excogitatio, quæ quæstionem probabilem reddant, nec non illarum rerum, quæ motum faciât auditoribus. **D**ISPOSITIO est rerum inuentarum in ordinem distributio. **E**LOCUTIO est idoneorum verborum, & sententiarum ad inuentionem accommodatio. **M**EMORIA est

firma orationis perceptio. **P R O -
N V N C I A T I O** est corporis , &
vocis, ex rerum & verborum di-
gnitate moderatio.

C A P V T . V .

*Quomodo COMPARETVR
Rhetorica , & ad quos
S P E C T E T .*

D I C E N D I doctrina , quæ
supradictis quinque par-
tibus constat , naturâ , arte ,
& exercitatione **C O M P A R A -
T V R**. Natura linguæ solutio-
nem , vocis suauitatem , & en-
ergiam , firma latera , in inue-
niendo acumen , in disponen-
do prudentiam , in eloquendo
venustatem , tenacem eorum ,
quæ dicuntur , memoriam ; in
motu corporis dexteritatem , &
omnia reliqua tam animi ,
quàm corporis dona concedit.
Ars , quam notatio naturæ pe-

perit,

perit, & quæ dant rationes, & præcepta faciendi aliquid, ea quæ à natura concessa sunt, limat & excolit; si qua desunt, addit; si qua supersunt, & luxuriant in oratione, amputat. Exercitatio ea, quæ à natura concessa sunt, & arte excultra, consummat, & ad perfectionem ducit. Ad sacros & ecclesiasticos oratores, (sic enim appello Concionatores) ars bene dicendi maximè spectat; quorum officium est dicere appositè ad persuasionem; finis persuadere dictione. Quorum munus cum in Dei Ecclesia sit maximum, & in primis necessarium, ita eius facultas, quæ naturâ, arte, & exercitatione comparata sit, debilis & frigida erit, nisi eam vis diuina confirmârit, cælestisque ignis incenderit: expectanda est summa animi demis-

8 *Rhetoris Chr. Pars I. Cap. V.*

1ac. 1. sione, petenda obnixis precibus à Deo, à quo *omne datum optimum, & omne donum perfectum.* Fuit quondam hæc facultas Oratorum, Declamatorum, & Rhetorum. **O R A T O R** est qui causas graues, & serias ad plebem agit: **D E C L A M A T O R**, qui fictis causis se ad grauiores exercet:

R H E T O R, qui hanc artem, vel docet, vel discit.



P A R S II.

De INVENTIONE.

CAPVT I.

Quid sit INVENTIO.

INVENTIO est rerum verarum, aut verissimum excogitatio, quæ quæstionem probabilem reddant, nec non illarum rerum, quæ motum faciant auditoribus. Bimembris est hæc definitio, nam & res exquirendas dicit, ad fidem faciendam auditoribus, & ad illorum animos permouendos; vtrumque enim includit verbum *persuadere*, quem finem esse Rhetoricæ diximus. Fidem facimus argumentis & argumentatione, mouemus ampli-

ficatione.

CAPVT II.

*Quid sit ARGVMENTVM,
ARGVMENTATIO, &
AMPLIFICATIO.*

ARGVMENTVM est ratio rei dubiæ faciens fidem argumentatione. ARGVMENTATIO est argumenti explicatio, vel methodus argumentandi. AMPLIFICATIO est gravior quædam argumentatio, quæ motu animorum conciliat in dicendo fidem. De Argumentatione agetur in secunda Rhetoricæ parte, ad quam illa spectat. Nunc de Argumentis, postea de Amplificatione. Argumenta sunt duplicia, insita, & assumpta: insita sunt, quæ rei ipsi inhærent; assumpta, quæ etiam remota dicantur, quæ assumuntur extrinsecus, de quibus

post

pòst. Nunc de inſitis, quę ex ſedecim locis petuntur, quos argumentorum ſedes appellat Ariſto-teleſ.

CAPVT III.

De DEFINITIONE.

PRIMVS locus ex tōpicis eſt à Definitione, quę eſt oratio, quę id, quod definitur, explicat quid ſit. Eſt autem vera, & propria Definitio, quę genere conſtat, & differentia. Genus eſt, quod prædicatur de pluribus differentibꝫ ſpecie. Hęc autem ſpecies, quę differentia, proprietas, vel forma appellatur, rem diſtinguit ab aliis: vt, templum eſt domus orationis; homo eſt animal rationale, quę Definitio appellatur eſſentialis, vel quidditatiua. Altera eſt deſcriptiua, res notis ſuis, quaſi quibuſ-

Iob

13.

dam coloribus describens, quæ
vel res per translationem depin-
git: vt illa, *Contra folium, quod ven-*
to rapitur, ostendis potentiam, & sti-
pulam siccam persequeris. Aut rem
per suas causas, & effecta, adiun-
ctaque describit, loco propriæ
differentiæ: vt illa apud eundem,

Cap.

14.

Homo natus de muliere, breui viuens
tempore, repletur multis miseriis. Qui
quasi flos egreditur, &c. Hinc apud
Virgilium 1. *Æneid*, 4. Fama defi-
nitur,

Fama malum, quo non aliud ve-
locius vllum

Mobilitate viget, virésque acqui-
rit cundo

Parua metu primo, &c.

Hic locus à definitione omni-
bus rebus, & causis conuenire
potest.

CAPVT IV.

De NOTATIONE.

SECUNDVS locus est ab etymologia, seu notatione, quæ verborum originem inquirat, & est quædam velut definitio nominis: vt illa, *Iuste vocatum est nomen eius Iacob, supplantauit enim me en altera vice.* Et Ouidius in Fastis lib. I, victimam à vincendo, hostiam ab hoste dicit.

Gen.
27.

Victima quæ dextrâ cecidit victrice vocatur,

Hostibus à domitis hostia nomen habet.

NOTATIO ad irrisiones, & iocos valet, cū interpretatio nominis rebus ipsis conuenit. Vnde Cicero Verrem nunc à verrendo, nunc à verre dicit. In sacris literis magnam sæpe vim habet nominis etymologia, plurima enim nomina imposita sunt à

Deo

Mat. 16. Deo: vt illud, *Tues Petrus, & super hanc petram*, &c. Sæpe etiam latentem & mysticam habent significationem: vt illud, *Filius accrescens Ioseph, filius accrescens*. Et hac de causa apud sanctos Patres hic locus sæpe in usu est. Vnde Hieronymus ad Heliod. *Interpretare vocabulum monachi, quid facis in turba, qui solus es.*

CAPUT V.

De CONIUGATIS.

CONIUGATA sunt, quæ sunt ex verbis generis eiusdem, & ex eodem fonte dimanant, ac vno quasi iugo continentur: vt sapiens, sapienter, sapientia. Hinc illud, *Primus homo de terra terrenus, secundus homo de celo, celestis*. Inde Propertius lib. 2. Eleg. 23.

Libertas quoniam nulli iam restat amanti,

Nullus

Nullus liber erit, si quis amare velit.

Magnus usus est huius loci, cū aliis multis in rebus, tum sæpe in iocis & agnominatione. Vnde Cicero in Verrem, *Nonus Astrologus, qui non tam rationem calī, quā calati argenti duceret.*

C A P V T VI.

De partium DISTRIBVTIONE.

QUARTVS locus est à partium DISTRIBVTIONE, quando totum in plures partes distribuitur. Vt illud, *Quò ibo à spiritu tuo? & quò à facie tua fugiam? Si ascendero in cælum, tu illic es; si descendero in infernum, ades, &c.* A partibus, vel laudamus, vel vituperamus totum, nec tunc necesse est omnes partes percurrere: si verò hic locus ad proba-

Psal
138.

tionem

tionem affertur, nulla est pars
prætermittenda. Vt illud Martia-
lis lib. 1. Epig. 20.

*Si memini, fuerant tibi quattuor
Elia dentes,*

*Expuit una duos, tussis & una
duos.*

*Iā secura potes totis tussire diebus,
Nil isthic quod agat tertia
tussis habet.*

C A P U T VII.

De G E N E R E & F O R M A.

G E N U S est, vt definitur à
Cicer. de Oratore 1. quod
suiipsius communione quadam
similes, specie autem differentes,
duas vel plures complectitur par-
tes, quæ formæ dicuntur: vt vir-
tus prudentiam, iustitiam, &c.
Genus apud Rhetores latissimè
sumitur: nam quidquid sub se ra-
tione aliqua partes continet, ge-

neris

neris nomine potest appellari: vt homo, respectu Petri & Pauli, quanuis ille sit species, isti sint indiuidua. A genere laudamus, vel vituperamus suas species, & econtra. Argumentum à genere valet ad destruendam FORMAM: vt, si arbor non est, neque laurus. non ad confirmandam, nisi adsit nota generis vniuersi, nullus, omnis, &c. Nullus piscis respirat; ergo nec delphinus. Argumentum ab specie valet ad probandum genus: vt, est iustitia; ergo virtus. non ad negandum, nisi remoucantur omnes species: vt, non est homo, nec brutum; ergo nec animal. Ex hoc loco sumitur vis illa argumenti, quo D. Paulus se non aliis inferiorem esse demonstrat: *Hebraei sunt? & ego. Israelitae sunt? & ego. Semen Abrahamae sunt? & ego. Ministri Christi sunt? & ego.* Vbi Hebraei, Israelitae, &c. sunt loco generis, ego, speciei.

2. Cor
II.

Psal
111.

speciei. Hinc etiam illud, *Disper-*
sit, dedit pauperibus; ergo iustitia
eius manet in saculum seculi. Hinc
etiam illud Martialis lib. 7. E-
pig. 91.

Si quid opus fuerit, scis me non esse
rogandum,

Bis nobis dicis, Bacchara, tér-
que die.

Appellat rigidâ tristis me. voce
Secundus.

Audis, sed nescis, Bacchara,
quid sit opus.

Pensio te coram petitur, clarêque,
palâmque.

Audis, sed nescis, Bacchara,
quid sit opus.

Esse queror gelidâsque mihi, tri-
tâsque lacernas:

Audis, sed nescis, Bacchara,
quid sit opus.

Hoc opus est, subito fias ut sydere
mutus,

Dicere ne possis, Bacchara, quid
sit opus.

Vbi

Vbi opus est genus , reliqua
quę Martiali desiderabantur, eius
species.

CAPVT VIII.

De SIMILITVDINE.

SIMILITUDO est, quę tra-
ducit aliquid simile ex re
quapiam dispari. Vt mundus,
mare; ille calamitatibus, hoc flu-
ctibus perturbatur. Hęc simili-
tudo dupliciter sumitur, & pro-
bationis gratiā, & ornatus, cuius-
modi sunt poëticae similitudines;
præclarè enim ad inferendam
rebus lucem inuentæ sunt. Vt
Virgil. Ecloga 2.

*O formose puer, nimium ne crede
colori.*

*Alba ligustræ cadunt, vaccinia
nigra leguntur.*

Et elegantior, & illustrior illa I-
saia, *Omnis caro fœnum, & omnis*

Cap.
40.

gloria

gloria eius, quasi flos agri. Similitudo, quæ probationis causa sumitur, duabus constat partibus, prothesi, idest, propositione, quæ his aduerbiis, quemadmodum, non secus, ut, & aliis huiusmodi ostenditur; apodosi, idest, redditione, quæ, ita, sic, non aliter, & similibus significatur: ut illa, *Sicut sagitta infixæ femori canis, ita verbum in corde stulti.* Et illa Ouidij lib. 1. Eleg. 4. Tristium,

Eccli.
19.

Scilicet ut fuluum spectatur in ignibus aurum,

Tempore sic duro est inspicienda fides.

Aliquando particulæ, & notæ propositionis, & redditionis supprimuntur: ut,

Verba ligant homines, taurorum cornua funes.

Prou.
11.

Et illa, *Circulus aureus in naribus suis, mulier pulchra & fatua.*

CAPVT IX.

De DISSIMILI-
TV DINE.

DISSIMILITVDO est, quæ traducit aliquid dissimile Prou. 4.
ex re quapiam dispari: vt, *In-*
storum semita quasi lux splendens,
via impiorum tenebrosa. Et illud
Catulli ad Lesbiam 5.

Soles occidere, & redire possunt:

Nobis cùm semel occidit brevis
lux,

Nox est perpetua una dormien-
da.

Sic D. Basilius contra diuites:
Mare nouit terminos suos, non trans-
greditur antiquam termini descri-
ptionem: sed auarus non veretur tem-
pus, non statuit terminum, sed ignis
violentiam imitatur, omnia corripit,
omnia depascitur.



CAPVT X.

De CONTRARIIS.

CONTRARIORVM genera sunt quatuor, Aduersa, Relata, Priuantia, & Contradictoria. Aduersa sunt, quæ sub eadem communione generis plurimum inter se differunt: vt homo, & bellua, sub animali. Relata sunt, quæ inter se conferuntur, & alterum sine altero esse non potest: vt Magister, discipulus. Priuantia sunt, quæ defectum & priuationem alicuius rei significant in eo, quod eam habuit, aut habere potuit: vt mors, & vita. Contradictoria sunt, quorum vnum ait, alterum negat. In laude, vel vituperatione communis contrariorum vsus est, cùm hoc laudamus, aut alterum vituperamus; quamuis in relatis, quia non habent oppositam contradictionem, sed mutuam conse-

sequen

quentiam, ab vno relatiuo aliud commendatur. Ex quo profectò intelligi potest (inquit Cicero pro Marcello) quanta in dato beneficio sit laus, cùm in accepta tanta sit gloria. In probationibus verò singulorum vsum inquiramus. Aduersariorum duo sunt genera, vnum eorum, quæ aliquid intermedium habent: vt candor, nigror. nam inter eos viridis, purpureus & alij colores medij sunt. Alterum est eorum, quæ nihil habet intermedium: vt alus, morbus, sapiens, stultus. In primo genere, ex affirmatione vnus negatio alterius concluditur, non econtra: vt, album est; non igitur nigrum. In altero ex affirmatione negatio, & ex negatione affirmatio conequitur: vt, sapiens est; non igitur stultus. Hinc illud Martialis lib. 8. Epig. 13.

Morio dictus erat, viginti milli-

bis

*bus emi,
Redde mihi nummos Gargalia-
ne; sapit.*

10. 10. Hinc est vis illa argumenti, Ego
sum pastor bonus; bonus pastor ani-
mā suam ponit pro ouibus suis: mer-
cenarius autem, & qui non est pastor,
videt lupum venientem, & fugit, &
dimittit oues, &c.

In Relatiuis ad probationem
petitur argumentum ab affirma-
tione vnius ad affirmationem al-
terius: vt illud Martialis lib. 1. E-
pig. 82.

*Tum seruum scis te genitum, blan-
dēque fateris,*

*Dum dicis dominum Sosibiane
patrem.*

Et à negatione ad negationem:
vt, non est pater; non igitur ha-
bet filium. & ab affirmatione ad
negationem: vt Tibullus Eleg. 1.
lib. 1.

*At vos exiguo pecori furēsque, lu-
pique,*

Parcite;

Parcite; de magno est præda petenda grege.

Et rursus à negatione ad affirmationem : vt. non de paruo grege lupis prædandum est; igitur de magno. In his duobus modis latet semper dilemma: vt, vel de paruo, vel de magno grege prædandum est lupis. Hinc petitur vis illa argumenti, *Filius Mal. honorat patrem, & seruus dominum suum: si ergo Pater ego sum, ubi est honor meus? Et si Dominus ego sum, ubi est timor meus?*

In priuantibus & contradicentibus sumitur argumentum ab affirmatione vnius ad negationem alterius; & è contrario: vt illud Martialis lib. 2. Epig. 16.

Ebrius es; nec enim faceres id sobrius vnumquam.

Et illud etiam Martialis lib. 5. Epig. 83.

Semper eris pauper, si pauper es, Æmiliane;

*Dantur opes nulli nunc, nisi
diuitibus.*

Ebrius, & pauper significant
priuationem; sobrius, & diues
habitum.

In Contradicentibus aduer-
tendum est negationem semper
casuram super verbum oratio-
nis, quod coniungit extrema
propositionis: vt, Milo insidia-
tus est Clodio, Milo non insidia-
tus est Clodio. & Ouidius lib. 1.
de arte amandi,

*Iuppiter ex alto periuria ridet
amantum,*

*Et iubet Aëlios irrita ferre
notos.*

Negat Propertius lib. 2. Eleg. 16.

*Non semper placidus periuros
ridet amantes*

*Iuppiter, & surdâ negligit
aure preces.*

CAPVT XI.

De REPUGNANTIBVS.

REPUGNANTIA vel Dissentanea sunt, quæ nec certa lege, nec numero inter se dissident. In superioribus Contrariis ad docendum, & ad fidem faciendam, plus est lucis, in Repugnantibus plus aliquando ad ad-mouendum roboris; sic enim interdum deprauata sunt hominum ingenia, vt magis agitata, quàm docta assentiantur. Hinc Isaias veritati & pietati illos non studere probauit, qui ludis, & comessationibus se dederent.

Ve qui consurgitis manè ad ebrietatem sectandam, & potandum vsque ad vesperam, vt viro astuetis. Cithara, & lyra, & tympanum, & tibia, & vinum in conuiujs vestris, & opus Domini non respicitis. Hinc Virgilianus Æneas lib. 1. Vene-

Cap.
5.

rem Deam esse concludit Spartanæ Virginis habitum simulantem,

*O quàm te memorem virgo! nam-
que haud tibi vultus
Mortalis, nec vox hominum so-
nat, ô Dea certè.*

C A P U T XII.

De S V B I E C T I S & A D I V N C T I S.

SVBIECTA & ADIVNCTA, nomine sunt mutuae relationis. Subiecta sunt, quæ Adiunctis subiiciuntur; Adiuncta quæ Subiectis adiunguntur. Adiuncta sunt triplicia, antecedentia, quæ rem antecedunt: comitantia, quæ propriè vocantur Adiuncta; & consequentia, quæ rem consequuntur. Item Adiunctorum tripartita est distinctio: nam aut sunt in re ipsa, & dicuntur Adia-

cen

centia: aut circa rem verſantur, & vocantur obiecta: aut rem ipſam circumſtant, quæ circumſtantiæ poſſunt appellari.

Item Adiacentium alia ſunt natiua; & propria, quæ à ſubiecto remoueri non poſſunt: vt, in igne calor; in homine, eſſe riſibilem. quædam accidunt, & abeſſe poſſunt à ſubiecto, vt in aqua calor, in homine pulchritudo, prudentia, &c. Antecedentia, & conſequentia item ſunt duplicia: quædam quæ rem neceſſariò antecedunt, & ſubſequentur; vt ſol diem: quædam quæ poſſunt, vel non poſſunt rem antecedere, vt eadem comminatio, odium occiſionem. Ex antecedentibus & conſequentibus neceſſariis, & ex adiunctis adiacentibus natiuis, & propriis maximum & fortiffimum argumentum ſumitur ad fidem faciendam: vt, dies eſt; iam igitur ortus eſt ſol.

& è contrario, de antecedenti ad consequens: ortus est sol; iam igitur dies est; latrat, canis igitur est. Sed ex reliquis Adiunctis magnæ confirmationes & graues petuntur. Nam etsi singula non multum ponderis habeant, multa tamen si coniunxeris, plerunque magnam vim sunt habitura: quemadmodum de huiusmodi signis ait Ouidius lib. 2. de rem. amor.

*Forſitan hæc aliquis, nam ſunt
quoque, parua vocabit;
Sed quæ non poſſunt ſingula,
multa iuuant.*

*Tuque tamen numero pugna, præ
ceptaque in unum
Contrahæ; de multis grandis
aceruus erit.*

In describendis, laudandis, & vituperandis rebus egregium locum habent Adiuncta. Hinc Leuiathan à S. Iob depingitur, *Corpus illius quasi scuta fusilia, compa-*

Cap.
41.

Etum

Etum squamis se prementibus, &c.
Et equus describitur, gloria nariū
eius terror, terram ungula fodit, e-
xultat audacter, ubi audierit bucci-
nam, dicit vah! procul odoratur bel-
lum, &c. Hinc elegāter Ovidius,
famam, somnūmq; depinxit, &
Martialis Zoilū lib. 12. Epig. 54.

Cap.
39.

*Crine ruber, niger ore, brevis pe-
do, lumine luscus.*

*Rem magnam præstas Zoile,
si bonus es.*

C A P V T XIII.

De C A V S I S.

CA V S A est, quæ sua vi effi-
cit id cuius est causa. Sunt
autem quatuor causarum gene-
ra. Efficiens, à qua res fit: Finis,
propter quam fit: Materia, ex qua
fit: Forma, per quam est; de qui-
bus sigillatim agemus.

Efficientium duplex est condi-

tio, alia natura agunt & necessitate quadam, qualia sunt, quæ iudicio carent, ut sol, ignis; alia delectus, & consilio, ut homines. Atque eorum quæ necessitate agunt, quædam externa vi, quædam propria & nativa virtute.

Item efficiens causa ad clariorem cognitionem diuidi solet in absolutam, adiuuantem, procreantem, & conseruantem. Absoluta est, quæ sola rem efficit, ut ignis calorem. Adiuuans est, quæ aliam adiuuat, ut ministri, & instrumenta omnia, quod etiam modus, locus, & tempus referuntur. Procreans causa est, quæ primò rem efficit, ut pater filium, sic rerum inuentores, & artifices, (procreandi enim verbum de rebus omnibus, quæ ex sese aliquid efficiunt, est intelligendum.) Cōseruantes sunt, quæ statum iam rei factæ tuentur, ut leges iudices, magistratus Remp.

Præ

Præterea humanarum actionum multiplex causa consideratur. Quæcunque enim homines faciunt, aut faciunt per se, aut non per se: si per se, aut ex consuetudine, aut propter appetitum; qui appetitus, aut est rationis compos, & dicitur voluntas: aut rationis expers, cuius duæ sunt partes, ira & cupiditas.

Rursus cū per se homines non faciunt, fortuna interueniente, aut necessitate faciunt; & necessitatis vis duplex est, interna, vt natura; externa, vt violentia.

Septem igitur sunt causæ humanarum actionum, consuetudo, voluntas, ira, cupiditas, fortuna, siue casus, natura, violentia.

Efficientium causarum maximus est vsus, tum ad fidem faciendam, tum ad motum animorum. Frequenter enim, vt negetur effectus, remouetur causa,

psal.
118.
psal.
93.
 & ut concedatur effectus, proponitur causa: ut, *Manus tue Domine fecerunt me, & plasmauerunt me.* hinc infert, *Da mihi intellectum, ut discam mandata tua.* Concella item causa, præcipuè si necessaria sit, concedendus est item effectus. *Qui plantauit aurem, non audiet? & qui finxit oculum, non considerat?* Ad coniecturas item valent plurimum plures adiunctæ causæ. Hinc etiam excusamus factum alicuius, quia non voluntate, sed casu, vel violentia, vel ratione aliqua grauiore commotus fecerit, ut Noe nuditatem, Lot incestum, Iacob simulationem.

In laude & vituperatione præcipuum locum habent causæ & effecta. Hinc enim artificem ab operibus, inuentorem à rebus inuentis, & quemuis à rebus gestis laudamus, vel vituperamus. Causas beatæ vitæ ad eius commen-

datio

dationem collegit Mart. lib. 10.

Epig. 47.

*Vitam quæ faciunt beatiorem,
Incundissime Martialis, hæc
sunt:*

*Res non parva labore, sed relicta;
Non ingratus ager, focus per-
ennis;*

*Lis nunquam, toga rara, mens
quieta;*

*Vires ingenuæ, salubre corpus;
Prudens simplicitas, pares amici;
Conuictus facilis, sine arte mēsa;
Nox non ebria, sed soluta curis;
Somnus qui faciat breues tene-
bras;*

*Quod sis, esse velis, nihilque
malis;*

*Somnum nec metuas, diem ne-
que optes.*

Hinc ille amicis solum donan-
dum esse probavit lib. 5. Epig. 44.

*Callidus effractâ nummos fur
auferet arca;*

Prosternet patrios impia flam-

ma Lares.

Debitor usuram pariter, sortem-
que negabit,

Non reddet sterilis semina
iacta seges.

Dispensatorem fallax spoliabit
amica:

Mercibus exstructas obruet
unda rates.

Extra fortunam est, quidquid
donatur amicis.

Quas dederis, solas semper
habebis opes.

Hinc illud Ouidij lib. 1. de rem.
amor.

Quaritur, Egisthus quare sit
factus adulter;

In promptu causa est, desidio-
sus erat.

Idem lib. 2. tristium, eleg. 1. à ca-
su & imprudentia scelus suum
excusat.

Cur aliquid vidi? cur noxia lu-
mina feci?

Cur imprudenti cognita culpa

mibi

mihi est?

Inscius Actæon vidit sine veste

Dianam,

Præda suis canibus non minus

ille fuit.

*Scilicet in superis etiam fortuna
tuenda est:*

*Nec veniam læso numine ca-
jus habet.*

Finis est, cuius gratia aliquid fit, quæ prima intentionis causa dici solet, & ad quã reliquæ causæ referuntur: vt, hominis beata vita, domus habitatio. Hinc il-

lud, *Quid mihi est in calo, & à te* *Psal.*
quid volui super terram? Deus cor- *72.*
dis mei, & pars mea Deus in æter-
num. Et illud D. August. *Fecisti*
nos Domine ad te, & inquietum est
cor nostrum, donec requiescat in
te. Hinc Martialis lib. 9. Epist.
23. Pastorem, vt sibi pecunias
daret, persuadet.

*Credis ab hoc me Pastor, opes for-
tasse rogare,*

Pro

*Propter quod vulgus, crassa-
que turba rogat.*

*Vt setina meos consumat gleba
ligones,*

*Et sonet innumera compede
Tuscius ager:*

*Nec labris nisi magna meis cri-
stalla terantur,*

*Et faciant nigras nostra Fa-
lerna nives,*

*Ut lutulenta linat Tyrias mihi
mula lacernas,*

*Et Massylaum virga guber-
net equum.*

*Est nihil ex istis; superos, & syde-
ra testor.*

*Ergo quid? ut donem Pastor,
& aedificem.*

Forma est, per quam res est, id
quod est, vnde Proprietas appel-
latur, & à rebus aliis distingui-
tur, vnde Differentia dicitur. Est
autem duplex, interna, & natu-
ralis, vt hominis, ignis: externa
& artificiosa, vt domus, nauis; i

la sæpe tam abstrusa est, & recondita, vt vix mente concipi possit, necdum oratione explicari, vt canem esse latrabilem: hæc autem tam perspicua, & clara, vt oculis melius conspiciatur, quàm verbis explicetur. In Definitione præcipuum habet locum Forma: à qua item laudamus, vel vituperamus, remque describimus. ex hoc loco sumpta est vis argumenti illius, *Quicumque effuderit humanum sanguinem, effundetur sanguis eius; ad imaginem enim Dei factus est homo.* A remotione huius causæ describit Ouidius Chaos, i. Met.

Ante mare, & terras, & (quod tegit omnia) calum,

Vnus erat toto natura vultus in orbe.

Quem dixere Chaos: rudis, indigestaque moles,

Nec quicquam nisi pondus iners, congestaque eodem

Non

*Non bene iunctarum discordia
semina rerum.*

Materia est, ex qua res fit; res autem natura comparata materia constant, & forma. Materia enim recipit formam, forma autem materiam in hoc, vel illo genere rei constituit. Materia præterea per Catachresim appellatur, cuius vis artis, vel facultatis obiectum, ut diximus in Adiunctis. A materia laudamus, vel vituperamus. Hinc Ovidius 2. Met. Solis regiam describit, & commendat.

*Regia Solis erat sublimibus alta
columnis,*

*Clara micante auro, flammâsque
imitante pyropo,*

*Cuius ebur nitidum fastigia
summa tegebat,*

*Argenti bifores radiabant lu-
mine valvæ.*

Hinc Virgilius lib. 6. Tartarum descripsit:

Porta

*Porta aduersa ingens ; solidoque
adamante columna.*

*Vis ut nulla virum , non ipsi ex-
cindere ferro*

*Calicola valeant , stat ferrea tur-
ris ad auras.*

Ab hoc loco petitur illud argu-
mentum , quo Daniel probauit
Deum Bel non comedere. Iste
enim intrinsecus luteus est , &
forinsecus æreus , neque come-
dit aliquando. Hinc etiam illud,
Misertus est Dominus timentibus se,
quoniam ipse cognouit figmentum
nostrum. Et illud ; *In sudore vul-*
tus tui vixeris pane tuo, donec re-
uertaris in terram , de qua sumptus
es , quia pulvis es , & in puluerem
revertéris. A quatuor his causis
commendari potest celeberrim-
um illud Hierosolymitanum
templum. Efficiens causa erit sa-
pientissimus , & ditissimus Salo-
mon , & alij summæ peritiæ ar-
tifices , qui in eo elaborarunt.

Cap.

14.

Psal.

102.

Gen.

3.

2 Reg.

6.

Forma

Formalis, ipsa structura, & pulchritudo templi. Materialis, pretiosi lapides, ligna cedrina, & aureæ laminæ, quibus compactum erat. Finalis, summi Dei cultus, in cuius honorem constructum est.

CAPUT XIV.

De EFFECTIS.

EFFECTA sunt orta de causis, (effecta effectus, euenta euentus, eadem significatione usurpantur.) Totidémque sunt effectorum genera, quot causarum: nam causæ & effecta nomina sunt relatiua, & cognita causa, effectus cognoscitur, & e contrario.

Præterea effectus tribus temporibus tractantur, quid fecerit, dixerit; quid illi acciderit, quid faciat, dicat; quid illi accidat;

quid,

quid sit factururus, dicturus; quid illi casurum.

In probationibus, remoto effectu, remouetur etiam causa: vt, *Quis ex vobis arguet me de peccato?* Et illud, *Qui peccatum non fecit, nec inuenius est dolus in ore eius, &c.* Io. 8.
1. Pet. 2.

Præcipuum habent locum effecta in laude, & vituperatione. Hinc rerum opifices, & inuentores commendantur: vt Iabel, quod pastoritiam inuenerit artem, Tubal, quod Musicam, Tubalcain, quod fabrilem, & ferrariam, Enos, quod modum & rationem orandi Deum. Hinc Horatius Ebrietatem vituperat lib. 1. Epistol. 5. ad Torquatum: Gen. 4.

*Quid non ebrietas designat, o-
perta recludit;*

*Spes iubet esse ratas, in praelia
trudit inermem:*

*Sollicitis animis onus eximit: ad-
docet arteis.*

*Fœcundi calices, quem non fecere
disertum?*

*Contractâ quem non in pauper-
tate solutum?*

CAPVT XV.

De COMPARATIS.

COMPARATIO est, cùm
duæ, pluresve res in re a-
lia tertia conferuntur. Illius tria
sunt genera, à pari ad par, à
maiori ad minus, à minore ad
maius.

Primum est quando conten-
dimus, vt quod in re vna valet,
valeat etiam in pari. Hinc illud
D. Pauli, *Sicut exhibuistis membra
vestra seruire immunditia, & ini-
quitati ad iniquitatem; ita nunc ex-
hibete membra vestra seruire iusti-
tiae in sanctificationem.* Hinc Mart.
se Maximo parem esse probauit
à paribus effectis, lib. 2. Epig. 18.

Rom.
6.

Capto

*Capto tuam, pudet heu ! sed capto
Maxime coenam:*

*Tu captas aliam ; iam sumus
ergo pares.*

*Manè salutatum venio, tu dice-
ris iste.*

*Antè salutatum ; iam sumus
ergo pares.*

*Sum comes ipse tuus, tumidique
ante ambulo regis:*

*Tu comes alterius ; iam sumus
ergo pares.*

Hinc Ovidius plurimis se malis
affici probavit, lib. 5. Trist. E-
leg. 2.

*Littora quot conchas, quot amœ-
na rosaria flores,*

*Quotve soporiferum grana
papaver habes,*

*Sylva feras quot alit, quot pisci-
bus unda natatur,*

*Quot tenerum pennis aera
pulsat avis:*

*Tot premor aduersis, quæ si com-
prehendere coner,*

*Icare a numerum dicere coner
aqua.*

Secundum Comparationis ge-
nus est, à maiori ad minus, cùm
contendimus, vt quod in maiori
re valet, valeat etiam in minori.
Hinc est illud, *Si iustus vix salua-
bitur, impius & peccator, ubi appa-
rebit.* Et illud, *Si ego Dominus &
Magister vester laui pedes vestros,
& vos debetis alter alterius lavare
pedes.* Hinc etiam illud Terentij,
*Parentem si non fert suum, neminem
feret.*

1. Pet.

4.

Ioan.

13.

Mat.

6.

Ioan.

3.

Tertium Comparationis ge-
nus à minori ad maius, cùm con-
tendimus, vt quod in minori re
valet, valeat etiam in maiori: vt
illud, *Si fœnum agri, quod hodie est,
& cras in clibanum mittitur, Deu
sic vestit, quanto magis vos, &c.* Et
illud, *Si terrena dixi vobis, & non
creditis, quomodo si dixero vobis ca-
lestia credetis.* Hinc etiam illud
Horatij lib. 1. Epist. 2. ad Lolliũ,

Vi

*Vt iugulent homines surgunt de
nocte latrones:*

*Vt teipsum serues, non expergi-
sces. —*

Ad hoc caput reducitur E-
X E M P L V M. Est autem Exem-
plum alicuius facti, aut dicti præ-
teriti, cū certi authoris nomine
positio. Differt à Comparatione:
nam quidquid est exemplum, est
comparatio; sed non quidquid
est comparatio, est exemplum.
Differt etiam à similitudine, vt
facile constat ex vtriusque defi-
nitione. Est triplex, vt Comparatio.
Ab exemplo sumitur vis illa
argumenti, *Viri Niniuita surgent* Mar.
in iudicio cum generatione hac, 12.
*& condemnabunt eam, quia pæ-
nitentiam egerunt ad prædicatio-
nem Iona, & ecce plusquam Ionas
hic.* Et in Actis ab exemplo ar-
gumentatus est Gamaliel. *An-* Cap.
te hos dies extitit Theodas, &c. 5.
Hinc est illud Virgilij lib. i.

—Tallas ne exurere classem
 Arginum, atque ipsos potuit sub-
 mergere ponto,
 Vnius ob noxam, & furias Aia-
 cis Oilei?
 Ipsa Iouis rapidum iaculata è
 nubibus ignem
 Dissecitque rates, eueritque æquo-
 ra ventis,
 Ast ego quæ Diuum incedo Re-
 gina, Iouisque;
 Et soror, & coniux, unà cum gen-
 te tot annos
 Bella gero.

Huc etiam spectat P. A. R. A.
 B. O. L. A., Latine collatio, vel
 comparatio. Quæ est fictum ali-
 quod exemplum, sine loci, aut
 temporis, aut rei alicuius specia-
 lis enunciatione. Quæ dicendi
 ratio in sacris litteris est fre-
 quentissima. Vnde D. Paulus per
 parabolam figuli probat Deum
 nō posse accusari in reprobatio-
 ne, *An non habet potestatem figu-*

Rom.
 9.

lus ex eadem massa, &c. Hinc per parabolam filij Prodigii diuina clementia, per decem Virginum hominum vigilantia, per iniqui Villici iniuriarum remissio commendatur.

Ad hoc caput spectat Apologus, qui & fabula, narratio ficta similitudinem exprimens veritatis. Vt illa de arboribus, quæ voluerunt sibi regem eligere; quo argumento vsus est Ioatham apud Sichimitas, contra fratrem suum Abimelech. Apologum etiam membrorum corporis attulit D. Paulus ad vniōnem, & mutuū obsequium ministrorum Ecclesiæ probandum.

Iud.

9.

1. Cor.

12.

Huc etiam accedit ARGUMENTVM sumptum ab impossibili. Vt illud Virgilij Ecl. 1.

Antè leues ergo pascentur in

athere cerni,

Et freta destituent nudos in lit-

tore pisces:

C

An

*Antè pererratis amborum fini-
bus exul*

*Aut Ararim Parthus bibet,
aut Germania Tigrim:*

*Quàm nostro illius labatur pe-
ctore vultus.*

Hinc etiam Ovidianum illud
lib.4. Trist. Eleg. 1.

*Vere prius flores, æstu numerabis
aristas;*

*Poma per autumnum, frigo-
ribusque nives,*

Quàm mala, quæ patior.

Luc.
21.

Hinc etiam illud, *Calum & terra
transibunt, verba autem mea non
transibunt.*

CAPVT XVI.

De ARGUMENTIS ASSUMPTIS.

ARGUMENTA diximus
esse duplicia, Inrita, &
assumpta. Illa **SUMUNTUR**

ex locis Topicis, quos hactenus explicuimus; hæc, quæ appellantur etiam remota & inartificialia, extrinsecus. A S S V M. V. N. T V R, nempe ab aliorum testimonio & auctoritate. Hæc est duplex, diuina, quæ Dei Opt. Max. veritati, & majestati innititur; & humana, quæ in hominum testimonio, & dignitate consistit. Hæc argumenta ab auctoritate deprompta maximo in vsu sunt sacris oratoribus: quorum fontes & locos breuiter aperiemus.

Primus est testimonium Scripturæ sacræ, quæ est auctoritas Dei, qui cum sit summa sapientia, & bonitas summa, nec falli, nec fallere potest. Habent autem diuinę litterę duplicem sensum, mysticum, & historicum. Ille, quia occultus (id enim significat mysticus) & latens est sub ipsa verborum cortice, va-

Cap.
25.
1. Cor.
o.

rius ac multiplex, valet plurimum ad instituendum, ad corrigendum, ad mouendum; non tamen ita ad docendum, ad confirmandum aliquod fidei dogma est accommodatus vt historicus; nisi certò constet ex alio Scripturæ loco, sensum illum mysticum à Spiritu sancto intentum esse. Vt illud Deuteronomij, *Non alligabis os boni trituranti*, explicuit D. Paulus de ministris Euangelij. At ex historico, si Ecclesiæ, vel sanctorum Patrum interpretationi cōsonus sit, firmissimum sumitur argumentum. Cuius vim capiat orator aliquando ex vocibus, & phrasibus sacrę Scripturæ, sæpe ex antecedentibus & consequentibus verbis, & rebus ipsis circumstantibus.

Secundus locus est traditionis vniuersalis Ecclesiæ, quæ traditio propè parem habet auctoritatem cum litteris sacris.

Multa

Multa enim Apostoli à Christo acceperunt, vt quæ ad Sacramenta pertinent, alia ipsi à se traderunt, vt quadragesimale ieiunium, &c. Hinc D. Paulus, cum rationibus probasset, foeminam non debere in Ecclesia orare aperto capite, subdit, *Si quis videtur contentiosus esse: nos talem consuetudinem non habemus, neque Ecclesia Dei.* 1. Cor. 11.

Tertius locus est auctoritas & consensus vniuersalis Ecclesiæ, quæ est columna & firmamentum veritatis, vt asserit D. Paulus. 1. Tim. 3.

Quartus locus est auctoritas summi ac Romani Pontificis, qui cum ex munere suo aliquid statuit, ac definit, siue ad fidem pertineat, siue ad mores, errare non potest. Atque hac de causa ex Pontificum summorum decretis, ad omnes causas sumuntur fortissima argumenta.

Quintus locus auctoritas sacrorum Conciliorum, præcipuè vniuersalium, in quibus multa inueniuntur argumenta, tum ad explicanda, & confirmanda fidei nostræ mysteria, tum ad mores corrigendos & informandos.

Sextus locus est auctoritas sanctorum Patrū, quorum plurimi Apostolorum temporibus proximi, ipsa antiquitate venerandi, multi Pontificali dignitate conspieui, alij martyrij gloriā celebres, Conciliorum approbatione, aliorum laudibus, & totius orbis consensu insignes, solida eruditione, maxima in studiis diligentia, vitæ Christianæ admiranda perfectione, & integerrima morum sanctitate illustrissimi vixerunt. Nec necesse semper erit eorum sententias Latine proferre: si autem in ipsis verbis aliquid sit, aut forte, aut acutum, aut venustum, quod

ipsam

ipsam sententiam illustret magis, ipsa quoque verba afferantur, ac tunc quidem cum insigni laude, & iucunda auctoris commendatione: nec multus sit incitandis minutis numeris, nisi urgeat specialis aliqua causa; satis sit librum citare.

Septimus sit cum argumentum ducitur ex testimonio doctorum Scholasticorum, hi enim non solum auctoritate pugnāt, sed omnium rerum, & rationum momenta expendunt, & examinant.

Octavus potest esse, cum argumenta ex eorum auctoritate sumimus, qui ius Pontificium explicant, qui multa persæpe afferunt ad Christianæ disciplinæ institutionem maximè necessaria. Atque huc etiam spectant legum civilium peritorum testimonia, qui imperiales ac regnorum leges exponunt, quantum plurimæ cum ad ciues in

officio continendos spectent, si loco, & tempore afferantur, suum etiam robur, & ornamentum orationi afferent.

Nonus ex historiis ecclesiasticis; cum enim historia magistra vitæ sit, multa docet ad hominum mores instituendos utilissima. Humana & prophana historia suam etiam habet laudem, præcipue cum ad comparationem affertur: ut si velis Scæuolam cum D. Laurentio comparare, improbationibus, exhortationibus, &c.

Decimus, ex Philosophis, iis præsertim, qui egregie de virtutibus scripserunt: aliorum autem Ethnicorum testimonia, maxime Poëtarum, rarissime à sacro oratore adhibeantur, ac tunc suppresso illorum nomine, ne illa Philosophorum adeo frequenter; quid enim externa queramus, cum testimoniis in Chri-

stiana

stiana Religione domesticis abundemus.

CAPVT XVII.

De aliis locis ASSUMPTIS.

ALII etiam loci frequentes sunt sacris oratoribus, qui licet vel ad Topicos, vel ad superiores assumptos referri possent, perspicuitatis gratiâ distinguuntur.

Primus est Dei promissio, cum aliquid factum esse, vel futurum dicimus, quia Deus promisit, qui cum verax, & potens sit, nec faller, nec deficiet. Vnde ad spem veniæ excitari potest peccator illis verbis, *Si fuerint peccata vestra* Isa. I.
ut coccinum, quasi nix dealbabuntur; & si fuerint rubra, quasi vermiculus, velut lana alba erunt.

Secundus est comminatio Dei, qua deterreri potest pecca-

tor: vt illa ex eodem loco, *Si me ad iracundiam provocaueritis, gladius deuorabit vos.*

Mat.

2.

Isai.

7.

Tertius est predictio prophetica, & vaticinium, quo argumento sacri Euangelistæ, & sancti Patres sæpius vtuntur; valet enim plurimum, tum ad fidem, tum ad mores. Vt illud, *Ecce virgo concipiet.* Oraculum Sibyllarum, de quibus multa tam apud nostros, quàm externos scriptores, plurimum vsi sunt primi Patres aduersus Gentiles pro Christiana religione pugnantes. Lege Tertullianum, Lactantium, Arnobium, & alios.

Ioan.

3.

Quartus est figura, siue typus, qui differt à vaticinio: nam hoc in verbis, figura in factis consistit. Vnde Christus Dominus se in Crucem efferendum esse probauit. *Sicut Moyses exaltauit serpentem in deserto, &c.*

Quintus est signum sacrum,

vel

vel sacramentum, quod est ceremonia sacra externa, ad aliquid significandum à Deo instituta. Vnde ex Baptismo argumentatur D. Paulus, baptizatos debere cum sanctitate viuere. *Rom. 6.*

CAPVT XVIII.

De INVENTIONE in genere EXORNATIVO.

QUANTUMVIS ex supradictis locis tam internis, quam externis ad omnia causarum genera argumenta peti possunt, diuersa causarum genera proprias habent, & peculiare argumentorum sedes, quas breuiter etiam attingemus.

In genere EXORNATIVO laus hominis à tribus ducitur temporibus, (vt dictum est in progymnasmatibus) ante natiuita-

tem, in vita, & post mortem. Ante natiuitatem, à maioribus, parentibus, patria, genere, si quid mirabile, si quod oraculum, aut vaticinium præcessit: vt in natiuitate D. Ioannis Baptiste. In vita, à bonis, quæ triplicia sunt, fortunæ, vt amici, honores, opes, potentia, & alia huiusmodi; bonâ corporis sunt valetudo, forma, robur. Hæc bona corporis, & fortunæ, si quis habuerit, laudandus sit, si iis modeste vsus fuerit, si illis caruerit, quod patienter tulerit, vel liberaliter reliquerit, quæ maior laus esse solet. Bona animi sunt siue à natura, vt ingenium, memoria, eloquentia, facilitas, &c. siue ab industria, vt scientiæ, artes; siue à diuina gratia, vt virtutes, prudentia, iustitia, fortitudo, temperantia, ad quas multæ virtutum species referuntur; sed maior laus ex Christianis virtu-

ribus

ibus dimanant, ut sunt, fides, pes, charitas, gratia, dona Spiritus sancti; laudantur etiam facta, licetque egregia, officia cum aude administrata, &c. Post mortem laudatur a populari luctu, & laude, a pompa funeris, a miraculis, ab iis, quæ gesta, vel scripta reliquit, &c.

Omnes autem laudationes debent ad aliquam persuasionem referri. *Primo* ad admirationem gratiæ Dei, ac virtutis, & divinæ liberalitatis in Sanctos, præcipue Christi Domini gloriam. *Secundo* ad ipsius, qui celebratur, amorem, & benevolentiam. *Tertio* ad imitationem, ostendendo virtutis facilitatem ex propositis exemplis. Nec solum personæ laudantur, sed etiam earum res gestæ, ac virtutes, quod est præcipuum caput ad laudandas personas. Hinc David mansuetudo, patientia Iob, Ioseph castitas commenda-

tur.

tur. Ad quas laudes magna est in locis Topicis, & remotis materia. Maximè autem ad Dei laudes ex eius attributis, multis, & maximis, & ab effectis, quæ sunt opera eius. Ad beatissimæ Virginis commendationem, præter communes Sanctorum laudes, quæ in illa sunt excellentissimæ, spectant illa mirabilia, & magna, quæ fecit illi, qui potens est. Ad Angelorum laudes insignes virtutes, & dotes maximæ, muneraque diuina, quæ in illos idem summus rerum artifex contulit.

Factum aliquod potest amplificari ab honesto, utili, iucundo, pio, sed maximè à circumstantiis: vt si quis Christi cruciatus exaggeret, annotet circumstantias: Quis patitur, quàm acerba, pro quibus, à quibus, quomodo, quando, vbi, cur. Laudantur etiam speciales ipsæ virtutes, & hominum status, vt patientia à

Cypria

Cypriano, virginitas ab Ambrosio, sacerdotium à Chrysostomo, vita solitaria à Bâsilio, religiosus status à nostro Plato excellentissimè. Ad quæ omnia valent præter communes locos, nota illa capita persuasionis utile, iucundum, honestum. Urbes similiter atque homines laudantur à tribus illis temporibus; post mortem enim per coniecturas inquiritur, quantum detrimenti regnum caperet, si vrbs, quæ commendatur, casu aliquo euerteretur: bona præterea animi, ex quibus præcipua laus hominis petitur, considerantur in ciuibus, qui sunt velut animus ciuitatis. Ad res alias laudandas, vt tempora, loca, & alia huiusmodi amplè argumentorum seges est in locis Topicis.

CAPVT XIX.

*De genere DELIBE-**RATIVO.*

HVIVIS generis loci ad duo capita referuntur, scilicet verum, & bonum. Illud est obiectum intellectus, qui prius debet informari, hoc voluntatis, quæ post fidem intellectui factam, est allicienda.

Ad probandum aliquid esse verum præter rationes ex Topicis assumendas, valent argumenta ex locis externis petenda, maxime ex testimoniis sacrarum litterarum, Conciliorum sanctorum Patrum: valent etiam naturæ lux, conscientia nostra testimonium, quod plurius est quam mille testes, lex humana, consuetudo, experientia, sensus etiam ipsi.

Ad ostendendum aliquid esse bonum, probabitur esse hone-

stum,

stum, piū, æquū, vtile, iucundum, laudabile, necessarium, sub honesto continentur omnes virtutes, & inquirendum singulatim id quod suadetur, quā sit cum prudentia, cum charitate, & aliis virtutibus coniunctum.

Honestum etiam continet omnia, quæ cum virtute coniuncta sunt, eāque consequuntur, nempe pax, tranquillitas mentis, tuta conscientia, honor, fama, gloria, &c.

Sub honesto itidem intellige iustum & æquū, sub quo sunt facta, merita, officia, quæ debemus Deo, & hominibus.

Sub iucundo est lætum, suaue gratulatorium, quod mœrorem auferat, & corpori aliquam, animæ verò maximam afferat voluptatem.

Vtile est, quod bonis, siue fortunæ, siue corporis, siue animi deferuit.

Necessarium est, sine quo vivere, & salui, & tuti esse non possumus.

Putatur etiam esse necessarium, sine quo priuamur maximis commodis; quod enim est maximè vtile, pro necessario habetur.

Facile est quod breui tempore, minimo labore, exiguis expensis fieri potest; quod etiam probatur ex causis efficientibus, & adiuantibus, quas si ostendamus suppetere, rem factu facilem concludimus.

Præter hos locos seruiunt etiam alij extrinseci, si ostendamus Dei esse voluntatem, præceptum, promissionem, præmia, mercedem, & contra non facientes, minas Dei, spem boni successus, vtilitatem in plurimos redundaturam, Dei auxilium non defuturum. Si autem aliquid dissuadendum est, contraria his,

quæ

quæ diximus, afferenda sunt.

Sæpe etiam contingit honestatem cum utilitate pugnare, necessitatem cum facilitate, & aliis opponi, & tunc amplificanda sunt ea, quæ insunt in re, de qua deliberatur, minuenda ea, quæ desunt, & probandum etiam diligenter maiora semper anteponenda minoribus, & honestatem præferendam utilitati.

C A P U T X X .

De genere REPREHEN- *SORIO.*

HOc genus partim spectat ad suasionem, partim ad vitiorum, & personarum vituperationem; qui enim reprehendit, dehortatur alios ab ipsis rebus, quas vituperat, & contrarium suadere nititur. Loci, ex quibus omnis correctio, & roborari, &

ampli

Necessarium est, sine quo vivere, & salui, & tuti esse non possumus.

Putatur etiam esse necessarium, sine quo priuamur maximis commodis; quod enim est maximè vtile, pro necessario habetur.

Facile est quod breui tempore, minimo labore, exiguis expensis fieri potest; quod etiam probatur ex causis efficientibus, & adiuantibus, quas si ostendamus suppetere, rem factu facilem concludimus.

Præter hos locos seruiunt etiam alij extrinseci, si ostendamus Dei esse voluntatem, præceptum, promissionem, præmia, mercedem, & contra non facientes minas Dei, spem boni successus, vtilitatem in plurimos redundaturam, Dei auxilium non defuturum. Si autem aliquid dissuadendum est, contraria his,

quæ

quæ diximus, afferenda sunt.

Sæpe etiam contingit honestatem cum utilitate pugnare, necessitatem cum facilitate, & aliis opponi, & tunc amplificanda sunt ea, quæ insunt in re, de qua deliberatur, minuenda ea, quæ desunt, & probandum etiam diligenter maiora semper anteponenda minoribus, & honestatem præferendam utilitati.

C A P V T X X.

De genere R E P R E H E N - S O R I O.

HOc genus partim spectat ad suasionem, partim ad vitiorum, & personarum vituperationem; qui enim reprehendit, dehortatur alios ab ipsis rebus, quas vituperat, & contrarium suadere nititur. Loci, ex quibus omnis correctio, & roborari, &

ampli

amplificari potest, sunt omnes illi, ex quibus argumenta ad dissuadendum sumuntur, dum ostendimus, quàm sit illa res turpis, contra omne decorum, contra ius, & fas diuinum & humanum; quanta secum adducat detrimenta & animæ, & corporis, & externis aliis bonis; quantis sit inuoluta difficultatibus, & referta periculis, quàm ignominiosa, quantus sequatur conscientie cruciatus, quanta poena.

Ex locis extrinsecis multa colligi possunt, sed nihil sic corrigendum vrget, ac sacrarum litterarum testimonium, quarum non solum sententiæ, sed singula verba expendantur, quibus si addantur exempla, Patrum auctoritas, rationum efficacia, non poterit reprehensio non esse efficax, præsertim si addantur affectus vehementes, de quibus postea. Et quemadmodum rarò to-

ta oratio in reprehensionibus posita est, ita ex altera parte nullum est orationis genus, quod non admittat aliquid ex hoc genere reprehensionis.

CAPVT XXI.

De genere CONSOLATORIO.

HOc genus ad deliberatium etiam spectat, atque inde plura argumenta sumenda. *Primo* ab honesto, quàm gloriosum, & cum virtute coniunctum sit mala fortiter tolerare. *Secundò* à iusto, nempe dignum inflictum supplicium commissis esse peccatis. *Tertiò* ab ipsa rerum natura, nempe quòd talia, quæ vulgò mala dicuntur, non sint verè mala, tum quia à Deo authore proueniunt, tum quòd multa bona pariunt. *Quartò*

sicut

sicūt contra bona temporalia, quorum plerūque amissio ne dolemus, non sunt verè bona, quibus sæpe optimi carent, pessimi abundant, nec iis meliores fiunt. *Quintò*, illa commodata esse, & repetenda à Deo, qui dedit, cūm voluerit. *Sextò*, nihil sine summo Dei consilio, ac prouidentia accidere, atque ideo euentus causæ inquirendi. *Septimò*, à fine, ob quem diuina prouidentia voluit nos calamitatibus affligi, quæ est eius gloria, & vtilitas nostra. Aduersis enim rebus boni illustrantur, mali persæpe corriguntur, atque, vt inquit S. Augustin. *Tam bonus Deus est, vt nisi potens esset ex nostris malis bona facere, nullo modo permetteret mala.* *Octauò*, ex eo quòd omnes pios, & iustos velit aduersa tolerare, & neminem immunem esse. *Nonò*, à certo, & præsenti Dei auxilio, qui inquit, cum ipso

sum

sum in tribulatione, eripiam eum,
& glorificabo eum. Præsertim cum
ipse sit pater, pastor, medicus
noster, defensor, murus, scutum,
refugium, umbraculum ab æstu;
videmur itò fiducia quædam fi-
liorum nascitur, quia ipsi est cu-
ra de nobis. *Decimò*, à temporis
breuitate, quo malum durat, &
à spe futuræ mercedis. Id enim
quod in præsentī est, momenta-
neum, ac leue tribulationis no-
stræ, supra modum in sublimita-
te æternæ gloriæ pondus ope-
ratur in nobis, vt inquit Paulus.
Vndecimò, exempla proponenda
sunt, & præcipuè Sanctorum. Ex-
citandus est maximè, qui mœ-
ret, ad amorem Dei; nihil enim
æquè ac ille laborem, & tristi-
tiam minuit.

2. Cor
4.

CAPVT XXII.

De ORATIONE

FVNEBRI.

HIVS orationis genus mixtum solet esse ex sua oratio, & exornatiuo. Nam defunctus commendatur, amicorum animus lenitur, auditor ad imitationem excitatur, pro defunctorum animabus suadetur suffragium. Ad quæ omnia, ex iis quæ in locis omnibus, & in causarum generibus dicta sunt, satis amplè supererit argumentorû seges; sed ad defunctorum animas, quæ purgatorio igne cruciantur, precibus adiuuandas valebit. *Primò*, si proponatur, quanta sit laus humanitatis, & miserationis. *Secundò*, quòd erga animas purgatorij præcipuè exercenda sit. *Primò*, propter summam earum necessitatem. *Se-*

cundo,

cundo, propter ipsarum merita.
Tertiò, propter beneficij magnitudinem. *Quartò*, propter suffragij conferendi facilitatem. *Quintò*, propter spem mercedis propriæ; nullus enim ita gratus accepto beneficio, ac anima beata, cui est agnitio beneficij clarissima, voluntas promptissima, facultas ad remunerandum maxima.

C A P V T X X I I I .

De genere DIDASCALICO & INSTITUTIVO.

IN hoc genere, siue tractetur, ut aliquando contingit, simplex quæstio, quæ ad cognitionem pertinet, ut de purgatorio, de cælesti gloria; siue composita, quæ ad mores etiam spectat: ut, an castitas præferenda matri-

D monio

monio, argumenta sumenda sunt ex locis, tam infitis, quàm remotis. Consideranda item sunt quatuor illa vulgata quæstionum capita, An sit, quid sit, quale sit, & propter quid sit: & singula suis rationibus, & argumentis comprobanda, non solum ad eliciendam veritatem, sed ad animos etiam audientium permouendos. Non est multum dissimile genus dicendi institutum, continens vitæ recte agendæ institutionem, & actionum Christianarum disciplinam. Quo in genere aliquando tota versabitur oratio, frequentius pars aliqua illius; nec enim auditores solum mouendi sunt ad præclare vitam instituendam, sed etiam ducendi in viam, & docendi rationes, quibus bene uiuant.

Huius autem generis præcipua sunt capita. Explicauit in

primis

primis ipsius præcepti, vel consilij, vel virtutis, vel rei, quam docet, vis in quo consistat. Nec solum hoc, sed praxis item aperiat in præcepti executione seruanda; modus præscribatur paucis, & dilucidis verbis. Tollendæ sunt difficultates, quæ solent occurrere; docenda adiumenta, & remedia, quæ rei executionem faciliorem reddant; capita deinde generis deliberatiui percurrenda.

C A P U T X X I V .

*De AFFECTIBVS MO-
VENDIS.*

SECUNDA PARS

Inventionis.

CVm finis Rhetoricę sit persuadere dictione, id est, fidem facere auditoribus, atque

eorum animos permouere: quæ duo Inuentionis præceptis fiunt; ac de fide facienda hætenus dixerimus, restat, vt secundam Inuentionis partem de mouendis affectibus explicemus, in quo maxima vis consistit oratoris præcipuè Ecclesiastici. Nam, vt inquit, Ciceronem & Quintilianum secutus, D. August. 4. de doct. Christ. cap. 13. *Probet orator, vt instruat, delectet, vt teneat, moueat, vt vincat.* Huc, inquit Quintilianus, lib. 6. cap. 2. *incumbat orator, hoc opus eius, hic labor est, sine quo cætera nuda, ieiuna, infirma, & ingrata sunt: adeò velut spiritus operis huius, & anima est in affectibus.*

CAPVT XXV.

AFFECTVS *quid sit, ubi,
& quotuplex.*

AFFECTVS est animę senti-
entis ex alicuius rei bo-
næ, vel malæ opinione nata
commotio. Vnde constat eius
obiectum esse vel bonum, quod
sequimur, vel malum, quod fu-
gimus. Nam, vt inquit Aristot.
*quod est in cogitatione affirmatio, &
negatio, est in appetitu prosecutio, &
fuga.*

Eius subiectum est appetitus
sentiens, qui est duplex, concu-
piscibilis, & irascibilis. Nam bo-
num vel malum apprehendi po-
test, vt tale & facile, aut vt arduū
& difficile ad consequendum,
vel fugiendum; si priore modo
obiicitur, ad illud fertur concu-
piscibilis; si posteriore, irascibi-
lis. Cū species aliqua boni

eorum animos permouere: quæ duo Inuentionis præceptis fiunt; ac de fide facienda hætenus dixerimus, restat, vt secundam Inuentionis partem de mouendis affectibus explicemus, in quo maxima vis consistit oratoris præcipuè Ecclesiastici. Nam, vt inquit, Ciceronem & Quintilianum secutus, D. August. 4. de doct. Christ. cap. 13. *Probet orator, vt instruat, delectet, vt teneat, moueat, vt vincat.* Huc, inquit Quintilianus, lib. 6. cap. 2. *incumbat orator, hoc opus eius, hic labor est, sine quo cætera nuda, ieiuna, infirma, & ingrata sunt: adeo velut spiritus operis huius, & anima est in affectibus.*

CAPVT XXV.

AFFECTVS quid sit, ubi,
& quotuplex.

AFFECTVS est animę senti-
entis ex alicuius rei bo-
næ, vel malæ opinione nata
commotio. Vnde constat eius
obiectum esse vel bonum, quod
sequimur, vel malum, quod fu-
gimus. Nam, vt inquit Aristot.
*quod est in cogitatione affirmatio, &
negatio, est in appetitu prosecutio, &
fuga.*

Eius subiectum est appetitus
sentiens, qui est duplex, concu-
scibilis, & irascibilis. Nam bo-
um vel malum apprehendi po-
est, vt tale & facile, aut vt arduū
& difficile ad consequendum,
vel fugiendum; si priore modo
obiicitur, ad illud fertur concu-
scibilis; si posteriore, irascibi-
s. Cū species aliqua boni

obiicitur, motus in ipso appetitu incipit ab amore & complacentia quadam obiecti boni. Ad hoc si est absens, fertur per desiderium, quod nascitur ex opinione boni futurî; si bonum est præsens, afficitur animus lætitia & gaudio, quod nascitur ex opinione boni præsentis. Si species aliqua mali obiiciatur, statim gignitur odium, & auersio, quæ sunt contraria amoris & complacentiæ: si malum sit absens, mouetur animus ad fugam: si sit præsens, ad dolorem, & tristitiam. Si autem in bono appetendo, vel fugiendo malo appareat difficultas, alij mouentur affectus: si difficultas ex eo nascatur, quod aliquis impedimento sit ad bonum consequendum, exurgit in illum ira: si autem bonum ipsum, & malum sua natura difficile, & arduum sit, illud ut acquiratur, hoc ut fugiatur; si

hæc

hæc difficultas in bono compa-
rando superari potest, nascitur
spes; si non potest, desperatio. Si
res mala sit, & vix euitari possit,
nascitur timor; si potest euitari,
existit audacia, siue confidentia.

Vndecim igitur sunt præcipui
affectus, sex in concupiscibili,
Amor, odium, desiderium, fuga,
gaudium, & tristitia. Quinque in
irascibili, Ira, spes, desperatio, ti-
mor, audacia.

Ad affectus referuntur alij mi-
nüs principales, ad amorem
mansuetudo, seu lenitas, gratia,
vel gratitudo; desiderio ambi-
tio, & superbia; odio inuidia,
iræ indignatio, excandescencia;
fugæ inimicitia, timori pudor,
seu verecundia; spei fiducia adia-
cet. Ad tristitiam refertur pœni-
tentia, item accidia.

Affectus etiam diuiduntur in
lenes, quos Ethicos appellant
Græci, & concitados, & vehe-

mentes, quos patheticos dicunt. Primi suauiter inclinant animum, secundi etiam obluſtantem impellunt. Hi autem affectus ſunt Eccleſiaſtico oratori maximè mouendi, amor Dei, & Chriſti Domini; amor rerum ſpiritualium, odium peccati, deſiderium & ſpes futuræ vitæ, ſollicitudo eius acquirendæ, contemptus ſæcularis vanitatis, opum, voluptatum, honorum, dignitatum; gaudium ſpirituale, timor iudiciorum Dei, ac poenarum, ſpes diuinæ miſericordiæ, pudor rerum turpium, commiſeratio, zelus gloriæ Dei, & ſalutis animarum, indignatio, & ira bona, admiratio, gratitudo, imitatio, & ſi qui ſunt alij.

Ex altera parte affectus compescendi ſunt, amor ſui, amor laſciuius, concupiſcentia inordinata opum, dignitatum, delectatio peruerſa, lætitia diſſoluta, tristi-

tia,

tia inordinata, timor vanus, desperatio, audacia immodica, ira effrænis, vltionis libido.

C A P V T X X V I.

A F F E C T V S *quânam ratione* M O V E N D I.

S V M M A (vt inquit Quintilianus) circa mouendos affectus in hoc posita est, vt moueamur ipsi, & à tali animo proficiscatur oratio, qualem facere auditorem volet: commotus autem, & bene affectus orator ad dicendum accedet, si prius ipse secum rerum momenta, & circumstantias omnes expendit, & decoxerit: si rerum absentium imagines ita repræsententur eius animo, vt eas cernere oculis, ac præsentibus habere videatur: si rem seriò agat, nec vt à se alienam, sed vt suam, & propriam. Quî

enim fieri potest, ut Ecclesiasticus orator non ita ardeat, ut incendat auditores, si illum Christi charitas urgeat, si periclitâtes de aeterna salute fratres suos proponat, si Christum pro eis morientem intueatur? Aegrè autem poterit voluntas commoveri, nisi priùs intellectus bene doceatur. Sit autem doctrina non valde difficilis, nec quæ in speculationibus sita sit; hæc enim potius extinguit motum, quàm adiuvat. Et quanvis in fine orationis magis mouendi sint affectus, certum tamen Rhetoricæ præceptum est, per totam orationem esse spargendos. Videat tamen orator, cum auditores cœperint commoueri, ne aliquid intermisceat, quo tepescat affectus, ut est expositio alicuius loci obscurioris, vel quæstio aliqua scholastica, vel, quod peius esset, aliquid indeco-

rum

rum, aut ridiculum.

Ipsa oratio, quos paritura est, debet affectus concipere, & sese in varias figuras transformare, vt dicetur in sexta Rhetoricæ parte.

Ipse etiam pronunciandi modus multum adiuuat motum; in lenibus affectibus debet esse vox lenta, potius quàm nimis accelerata; in grauioribus concitata, & vehemens. Ad mouendos autem audientium animos valent plurimum amplificationes; quapropter de variis illarum generibus agemus.

C A P V T X X V I I .

*De prima AMPLIFICAN-
DI ratione.*

AMPLIFICATIO est grauior quædam argumentatio, quæ motu animorum conci-

liat in dicendo fidem.

Ea p̄tetur ex iisdem locis, ex quibus argumenta dimanant, non tamen ex omnibus, sed ex illis, qui vberiore dicendi segetem præstare possunt.

Prima sumitur à definitionibus conglobatis. Fit autem cum plures definitiones, seu descriptivæ, seu metaphoricæ congregantur, nam definitio essentialis, vna tantum est & simplex: ut illa Ciceronis Amplificatio, *Tibi ne vilis est illa doctrina Rhetorica, quæ sit orandi facultas, ars bene dicendi, scientia graviter, & copiose differendi, inveniendi magistra, atque disponendi, cum eloquutione, memoria, atque pronuntiatione, quæ dicit accommodatè ad persuadendum, quæ docet, movet, atque delectat?* Et illa beati Iudæ Apostoli de Hæreticis, & sceleratis hominibus, *Hi sunt nubes sine aqua, quæ à ventis circumse-*

run

runtur , arbores autumnales , infructuosa , bis mortua , eradicata : fluctus feri maris , spumantes suas confusiones , sydera errantia , &c.

CAPVT XXVIII.

De secunda AMPLIFICAN-
DI ratione.

SECUNDA AMPLIFICAN-
DI ratio sumitur à distributione, vel totius in partes, vel generis in species, quando id quod summam dici potest, latius per partes explicatur, quamvis illas omnes necesse non sit enumerare. Hinc Persius varia hominum studia amplificauit, satyra 5.

Mille hominum species , & rerum discolor usus,

Velle suum cuique est , nec voto vivitur vno.

Mer

*Mercibus hic Italis mutat sub
sole recenti*

*Rugosum piper, & pallentis gra-
na cymini;*

*Hic satur irriguo mauult tur-
gescere somno;*

*Hic campo indulget, hunc alea
decoquit; ille*

In Venerem est putris, &c.

1. Cor. 6. Hinc D. Paulus mirificè amplifi-
cavit malos ex cælesti regno ex-
cludendos esse. *An nescitis, quia
iniqui regnum Dei non posside-
bunt? Nolite errare, neque forni-
cari, neque idolis seruientes, ne-
que adulteri, neque molles, neque
masculorum concubitores, neque fu-
res, neque auari, neque ebriosi, ne-
que maledici, neque rapaces regnum
Dei possidebunt.*

CAPVT XXIX.

De tertia AMPLIFICAN-
DI ratione.

SIMILITVDINES, si fre-
quententur, non parum au-
gent orationem, ex quibus ag-
gregatis tertia sumitur AM-
PLIFICANDI ratio, vt illa
Claudiani de 4. Honorij consu-
latu,

*Vile latens virtus, quid enim
submersa tenebris*

*Proderit? obscura veluti sine re-
mige puppis,*

*Vel lyra, quæ reticet, vel, qui non
tenditur, arcus.*

Et illa, *Quid nobis profuit superbia; sap.*
aut diuitiarum iactantia quid con- s.
tulit nobis? Transierunt omnia illa
tanquam umbra, & tanquam nun-
tius percurrentes, & tanquam naui,
quæ pertransit fluctuantem aquam,
aut tanquam auis, quæ transuolat in

aëre,

*aëre , aut tanquam sagitta immissa
in locum destinatum.*

C A P V T X X X .

De quarta A M P L I F I C A N - D I r a t i o n e .

HÆ c sumitur ex dissimili-
um , repugnantium , &
contrariarum rerum conflictio-
ne. Vt illa Ciceronis in Catili-
nam orat. 2. *Hoc verò quis ferre
poterit inertes homines fortissimis
insidiari , stultissimos prudentissi-
mis , ebrios sobriis , dormientes vi-
gilantibus.* Et illa Quidij de
Chao. 1. Met.

*Obstabátque aliis aliud , quia
corpore in uno*

*Frigida pugnabant calidis , hu-
mentia siccis ,*

*Mollia cum duris , sine pondere
habentia pondus.*

Hinc feruens illa Diui Pauli

oratio

oratio, Nos stulti propter Christi-
tum, vos autem prudentes in Chri-
sto; nos infirmi, vos autem fortes;
vos nobiles, nos autem ignobiles. Et
paulo post, Maledicimur, & be-
nedicimus; persecutionem patimur,
& sustinemus; blasphemamur, &
obsecramus, &c.

1. Cor.
4.

CAPVT XXXI.

De quinta AMPLIFICAN-
DI ratione.

HÆc petitur ab Adiunctis,
quoties rem non simplici-
ter exponimus, sed seu coloribus
expressam in tabula spectan-
dam proponimus. Hinc invidia
describitur ab Ouidio 2. Met.
Fab. 12.

*Pallor in ore sedet, macies in cor-
pore toto;*

*Nusquam recta acies, liuent ru-
bigine dentes;*

Pectō

*Pectora felle virent: lingua est
 suffusa veneno;
 Risus abest, nisi quem visi mo-
 uere dolores,
 Nec fruitur somno vigilantibus
 excita curis;
 Sed videt ingratos, intabescitque
 videndo
 Successus hominum, carpūque, &
 carpiunt una,
 Suppliciumque suum est.*

Esth.

1.

Ex hoc loco opiparum illud
 conuiuium Assueri regis, & con-
 uiuij locus depingitur.

C A P U T X X X I I .

*De sexta AMPLIFICAN-
 DI ratione.*

CA V S Æ plurimum amplifi-
 cant orationem, cū vnus
 rei plures rationes aggregamus.
 Hinc Virgilius Æneæ tempesta-
 tem exaggerauit, lib. 1.

venti

— venti velut agmine facto.

Qua data porta ruunt, & terras
turbine perflant,

Incubere muri, totumque à sedi-
bus imis

Vna Eurúsque, Notúsque ruunt,
crebérque procellis

Africus, & vastos voluunt ad
littora fluctus.

Insequitur clamórque virum, stri-
dórque rudentum,

Eripiunt subito nubes calúmque
diémque, &c.

Hinc Rex Antiochus tristitiæ,
& languoris, in quem deciderat,
plures adiungit causas, cum se
iam morti proximum intueretur.

In quantam, inquit, tribulatio-
nem deveni, & in quos fluctus tri-
stitia, in qua nunc sum, qui incun-
tus eram, & dilectus in potestate
nea: nunc verò recordor malorum,
quæ feci in Hierusalem, unde abstuli
omnia spolia aurea, & argentea, &c.

I.

Mach

6.

CAPVT XXXIII.

De septima AMPLIFICAN-
DI ratione.

AB effectibus, & euentibus illa assumitur, cum vnus rei plures affectus, & euentus adiunguntur, qui fuerint, vel esse possint. Vt Cicero contra Verrē, act. 7. *Constituē nihil opis esse in hac voce, Ciuis Romanus sum. Iam omnes prouincias, iam omnia regna, iam omnes liberas ciuitates, iam omnem terrarum orbem, qui semper nostris hominibus maximè patuit, ciuibz Romanis ista defensione percluseris.* Hinc Samuel Israelitas à Rege petendo deterrebat, mala plurima, quæ illis essent euentura, recensens. Hinc Moyses bona plurima, quæ euentura essent, diuinam legem obseruantibus, & mala, quæ violentibus, oratione grauissima proposuit.

1. Reg.
8.Deu.
28.

CAPVT XX XIV.

De octava AMPLIFICAN-
DI ratione.

GRAVISSIMA est illa
Amplificatio, quæ è rerum
diuersarum comparatione fit.
Sic Cicero Imperatorem Iurif-
consulto comparat. *Quipotes du-*
itari, quin ad Consulatum adipi-
endum multo plus dignitatis affe-
at rei militaris, quàm iuris civilis
gloria? Vigilas tu de nocte, ut tuis
consultoribus respondeas; ille, ut eò
quò intendit maturè cum exercitu
perueniat: te gallorum, illum buc-
inarum cantus exuscitat: tu actio-
em instituis, ille aciem instruit: tu
caues, ne tui consultores, ille ne vr-
es, aut castra capiantur: ille tenet
se, ut hostium copia, tu ut aqua
uiuæ arceantur: ille exercitatus
in propagandis finibus, tu in re-
ndis. Hinc est vehemens illa

Pro

*Ier. 2.**Cap.**35.*

Prophetæ oratio, qua populi
 Israëliti perfidia describitur, &
 idem exemplo Rechabitarum
 eiusdem inobedientiam, & in-
 temperantiam amplificat. Augu-
 sti laudes Ovidius collatione
 Romuli amplificat, 2. Fast.

*Romule concedas, facit hic tua
 magna tuendo*

*Moenia, tu dederas transi-
 lienda Remo.*

*Te Tatius, parvique Cures, Cani-
 taque sensit;*

*Hoc duce Romanum est solis
 utrumque latus.*

*Tu breue, nescio quid, victa tellu-
 ris habebas:*

*Quodcunque est alto sub Ioue,
 Cesar habet.*

*Tu rapis, hic castas duce se iubet
 esse maritas;*

*Tu recipis luco, reppulit ille
 nefas.*

*Vis tibi grata fuit: florent sub
 Cesare leges;*

Tu

*Tu Domini nomen, Principis
ille tenet.*

*Te Remus incusat, veniam dedit
hostibus ille.*

*Celestem fecit te pater, ille
patrem.*

Ad hunc locum spectat plurium
exemplorum inductio, ex qua
gravis sumitur amplificatio, qua-
lis est illa, qua morti proximus
Mathathias filios ad legis, & pa-
triæ defensionem pluribus ap-
positis exemplis adhortatur. Et
qua Æneas Sibyllam alloquitur;
si potuit manes, &c. lib. 6. Virg. Po-
test etiam fieri vt exemplorum,
sic etiam comparisonum indu-
ctio, vt elegans illa Ouidij, qua
difficillima quæque tempore su-
perari probare contendit, lib. 4.
Trist. Eleg. 6.

1.
Mach
2.

*Tempore ruricola patiens fit tau-
rus aratri,*

*Præbet & incuruo colla pre-
menda iugo.*

Tem

Tempore paret equus lentis ani-
mosus habenis,

Et placido duros accipit ore
lupos.

Tempore Panorum compescitur
ira leonum,

Nec feritas animo, qua fuit
ante, manet.

Quaque sui iussis obtemperat In-
da magistri

Bellua, servitium tempore ve-
sta subit.

Tempus, ut extentis tumeat facie
vua racemis,

Vixque merum capiant gra-
na, quod intus habent.

Tempus & in canas semen pro-
ducit aristas,

Et ne sint tristi poma sapore,
facit.

Hoc dentem tenuat terram sin-
dentis aratri,

Hoc rigidos silices, hoc ada-
manta terit.

Hoc etiam senas paulatim miti-

gat

gat iras,

Hoc minuit luctus, mœstaque
corda lenat.

Cuncta potest igitur tacito pede
lapsa vetustas

Præterquam curas attenuare
meas.

CAPVT XXXV.

De aliis AMPLIFICAN-
DI generibus.

PRÆTER hæc Amplifica-
tionum genera, quæ ex locis
petuntur, quatuor alia afferun-
tur ab authoribus.

Prima amplificandi, vel mi-
nuendi species est in ipso rei no-
mine, cum affertur verbum aliud
significantius, pro minus signi-
ficanti: ut occisus pro cæsus, dis-
cerptus pro vulneratus, quod
manifestius fit cum verba verbis
comparantur. Ut Cicero in Ver-

E rem,

rem, *Non furem, sed raptorem, non adulterum, sed expugnatorem pudicitiae, non sacrilegum, sed hostem sacrorum, religionumque, non sicarium, sed crudelissimum carnificem, cinium sociorumque in iudicium adduximus.*

Dent.
32.

Hinc grauis illa Domini comminatio, *Leuabo ad calum manum meam, & dicam: Vivo ego in aeternum. Si acvero ut fulgur gladium meum, & arripuerit iudicium manus mea, reddam ultionem hostibus meis, & iis, qui oderunt me, retribuam. Inebriabo sagittas meas sanguine, & gladius meus deuorabit carnes.* Quibus verbis nescio quæ poterant inueniri acriora ad diuinam iram explicandam in sceleratos.

Fit etiam Amplificatio per incrementum, cum paulatim crescit oratio, & ea quæ inferiora sunt, magna esse ostendimus, donec veniatur ad summum. Vt

Cice

Cicero, in Verrem, *Facinus est vincire ciuem Romanum, scelus verberare, prope parricidium necare, quid dicam, in crucem tollere. Sic diuinus Propheta Ieremias plura Dei beneficia recensuit, vt acrius oratio ad summum illud perueniret. Scito & vide, quia malum & amarum est reliquisse te Dominum Deum tuum. Aliquando ad id non per gradus itur, sed vno verbo, id quod est maximum, statim dicitur, vt ostendatur tantum esse, quantum augeri necesse non sit. Hinc illud, Matrem tuam occidisti, quid dicam amplius? Matrem tuam occidisti. Et illud Isaia, A planta pedis usque ad verticem capitis non est in eo sanitas.*

Cap.
2.

Cap.
I.

Alius amplificandi modus fit per ratiocinationem: cum amplificatio alibi posita alibi valet, & vt aliud crescat, aliud augetur, atque hinc ad illud quod

extolli volumus, ratio deducitur. Hinc Polyphemi proceritas extollitur apud Virgilium lib. 3. *Æneid.*

Trunca manum pinus regit.

Et Ovidius 13. *Metamorphoseos* Fab. 8. de eodem,

Huc ferus ascendit Cyclops, mediūque recedit.

Lanigera pecudes nullo ducente secuta.

Cui postquam pinus baculi quæ præbuit usum,

Ante pedes posita est, antennis apta ferendis,

Sumptaque arundinibus compacta est fistula cæcum,

Senferunt toti pastoris sibila montes:

Senferunt unda.

1. Reg
17.

Hinc, ut David pueri victoria maior compareat, Philisthæi arma describuntur: Erat Goliath altitudinis sex cubitorum, & palmi, & cassis area super capite eius, & lori-

ca squamata induebatur; porro pondus lorica eius, quinque milia scilorum aris erat: & ocreas areas habebat in cruribus: & clypeus areus tegebat humeros eius: hastile autem haste eius erat quasi liciatorium texentium: ipsum autem ferrum haste eius sexcentos scielos habebat ferri. *luxo. iv. di. or. p. ii. cap. i.*

Alius amplificandi modus fit per congeriem, vel verborum, vel sententiarum idem significantium. Vt Cicero pro Ligario, *Quid tunc ille Tubero in acie Pharsalica gladius agebat? cuius latus ille mucro petebat? qui sensus erat armorum tuorum? que tua mens, oculi, manus, ardor animi, quid cupiebas? quid optabas?* Hinc illud Prophetae, *Ve genti peccatrici, populo gravi iniquitate, semini nequam, filiis sceleratis, dereliquerunt Dominum, blasphemaerunt sanctum Israel, ab alienati sunt reor-*

Isa. i.

CAPVT XXXVI.

*Quæ sint in AMPLIFICATIONE
seruanda.*

IN AMPLIFICATIONE NI-
hil debet esse imminutum, ni-
hil concisum, omnia debent esse
magna, atque ita, vt exuberet, &
redundet (si fas est dicere) ora-
tio.

Magna sunt aut natura, aut
usu. Natura, vt caelestia, tonitrua,
imbres, tempestates, siderum,
stellarumque mutationes. Diui-
na, vt oracula, vaticinia, ea et-
iam, quorum obscuræ causæ la-
tent, quæ in terris, mundoque
admirabilia sunt: vt Cometes,
cali ardor, terræ motus, Solis ac
Lunæ defectiones, & alia huius-
modi, quæ à vulgi cognitione
remota sunt, usu & consuetudi-
ne magna sunt, quæ possunt ho-
minibus vel obesse, vel prodesse

vehe

vehementiùs : vt charitas in Deum , patriam , & parentes ; amor in fratres , coniuges, liberos, & familiares ; honestas in omni genere virtutum, & omnia reliqua, quæ magni ab hominibus æstimantur.

Duo autem sunt hominum genera, vnum nobile, & ingenuum, quod honestis rebus magis impellitur, & virtutem & gloriam aliis rebus præfert : alterum est agreste, & ignobile, quod rebus omnibus utilitatem & vitæ commoda anteponit. Et videndum est, quæ apud hos magna, quæ apud illos sint, & sua singulis proponenda, quibus maximè commoueri sciamus.

Exornant plurimum Amplificationem vehementiores, incitatioresque figuræ, vt Hypotyposis, Prosopopœia, Ethopœia, Exclamatio, Apostrophe, Hyperbole, Interrogatio, Obsecra-

tio, Adiuratio, Optatio, Imprecatio, Admiratio, & alia similes, quæ, ut ardentiores animi affectus in oratore exprimunt, sic in auditore imprimunt.

Egimus hæcenus de motu ad affectus in communi, sed quoniam vel tota, vel maxima orationis virtus in iis concitandis insit, speciales etiam locos assignabimus ad singulos affectus commouendos, ut hæc singulæ, & illa communia præcepta orator obseruans suo muneri facilius satisfaciat, cui plerique deesse solent, cum vel nesciant, vel contemnant certum sibi finem, terminumque præscribere, ad quem ducendi, mouendi, & impellendi sint auditores.

Agemus prius de primis illis, ac præcipuis undecim affectibus, de quibus supra, deinde de aliis, qui ad illos referuntur.

CAPVT XXXVII.

De AMORE & O D I O.

TRI A sunt, ex sententia Aristotelis, quæ latè de his in Rhetoricis egit, in singulis affectibus obseruanda: Qui sint, qui illo affectu moueantur, ad quas res, vel personas illi moueantur, & ob quas causas moueantur. Quæ tria orator in affectu, ad quem cõpellere vult auditores, animaduertens, curabit ita auditores disponere, vt dispositi esse solent; qui maximè illo affectu commoti sunt: deinde in rebus & personis illa inesse, quæ ille affectus potissimum intendat: postremò congeret causas huius commotionis, & affectus, vt qui sunt, qui ament, qui sint amandi, ob quas causas amandi, si de amore agitur.

Est autem Amor, affectus,

E s quo

quo alicui bona cupimus & curamus sola ipsius causa. Duo enim comprehendit Amor, beneuolentiam, & conatum bene faciendi. Qui cum est mutus, dicitur Amicitia. Unde cum Amor sit complacentia appetitus in obiecto amabili, potest esse bonus, si verae rationes amoris sint, & malus, si falsae, quapropter ille incendiendus, hic extinguendus est amor.

Primum principium Amoris, & bonum, & pulchrum, unde amamus eos, quos aliqua virtute insignes esse cognoscimus ea praecipue, quae profit aliis, ut beneficentia, liberalitate; & quo maius est bonum, nempe quod honestius, quod utilius, quod iucundius, quod tutius, quod stabilius, quod perfectius, eo est illud amabilius.

Alterum principium amoris est similitudo inter amantem &

ama

amatum. Vnde amamus similes,
& pares nobis sanguine, ætate,
conditione, exercitatione, modò
illi non impédiant: nam tunc in-
uidia nascitur.

Tertium Amoris principium
est amari ab alio, vnde dixit Se-
neca, *Monstrabo tibi amatorium
sine medicamento, sine ullius vene-
fica carmine: si vis amari, ama.* Is
igitur amabit aliud, qui rationes
boni in amabili inuenerit, illud
amabitur, in quo illæ fuerint, &
tunc amor debet esse maior, quo
illæ plures & excellentiores fue-
rint: cum autem in Deo omnes
sint, & excellentissimæ, ideo est
super omnia summè diligen-
dus.

Affectus Odij, omnino con-
trariè persuadendo, concitabi-
tur: nam contrariorum eadem
est disciplina. Persæpe autem
continget in vna atque eadem re
causas esse amoris, & causas etiã

quo alicui bona cupimus & curamus sola ipsius causa. Duo enim comprehendit Amor, beneuolentiam, & conatum bene faciendi. Qui cum est mutus, dicitur Amicitia. Unde cum Amor sit complacentia appetitus in obiecto amabili, potest esse bonus, si verae rationes amoris sint, & malus, si falsae; quapropter ille incendiendus, hic extinguendus est amor.

Primum principium Amoris, & bonum, & pulchrum, unde amamus eos, quos aliqua virtute insignes esse cognoscimus ea praecipue, quae profit aliis, ut beneficentia, liberalitate; & quo maius est bonum, nempe quod honestius, quod utilius, quod iucundius, quod tutius, quod stabilius, quod perfectius, eo est illud amabilius.

Alterum principium amoris est similitudo inter amantem &

amatum. Vnde amamus similes,
& pares nobis sanguine, ætate,
conditione, exercitatione, modò
illi non impediunt: nam tunc in-
vidia nascitur.

Tertium Amoris principium
est amari ab alio, vnde dixit Se-
neca, *Monstrabo tibi amatorium*
sine medicamento, sine ullius vene-
ricæ carmine: si vis amari, ama. Is
igitur amabit aliud, qui rationes
boni in amabili inuenerit; illud
amabitur, in quo illæ fuerint, &
tunc amor debet esse maior, quo
illæ plures & excellentiores fue-
rint: cum autem in Deo omnes
sint, & excellentissimæ, ideo est
super omnia summè diligen-
dus.

Affectus Odij, omnino con-
trariè persuadendo, concitabi-
tur: nam contrariorum eadem
est disciplina. Persæpe autem
continget in vna atque eadem re
causas esse amoris, & causas etiã

Odij reperiri, vt in seipſo amando, & inimicis diligendis. Tunc minuendę sunt rationes vnius, & augendę alterius. Odium enim ſuiipſius homini ſuadent, & amorem proprium diſſuadent bona, quę ex illo odio, & mala, quę ex hoc amore proueniunt.

Ad inimicorum amorem impelletur, qui conſideret, quàm id cum omni virtute, cum honore, cum Dei voluntate, præcipientis inimicos diligere, coniunctum, & qui reliqua bona, nempe vtile, iucundum, &c. in hoc amore latere intellexerit, nec tot, nec tantas eſſe rationes odij, quot, & quantę ſeſe primo intuenti offerunt.

CAPVT XXXVIII.

De DESIDERO & SPE,
FUGA & DESPE-
RATIONE.

AMOR bonum respicit nul-
la habita ratione tempo-
ris : sed Desiderium , appetitus
est boni futuri, & absentis, quod
bonum si facile haberi potest,
exurgit Desiderium, quod ad
bonum absens, vt ad finem fer-
tur : si autem difficile haberi po-
test, qua de causa est timor ali-
quis illud amittendi, est Spes,
quæ ad media boni acquirendi,
deinde ad bonum tendit. Ille au-
tem desiderat, qui rationes boni
in re absentis, quam appetit, co-
gnoscit: illa res desideratur, quæ
& bona & absens esse cognosci-
tur : eo autem est ardentius desi-
derium, quo res absens melior
esse videtur, cuius boni absentis

plures,

plures, & maiores rationes congerit, qui ad illud desiderandum aliquem veller impellere.

Idem dicendum est de Spe, quæ tunc eo maior erit, quo plures & maiores causæ spei & confidentiæ ad bonum acquirendum reperiantur. Ut ad excitandam in

Eccle.
2.

Deum fiduciam, maxima & frequentissima sacrarum litterarum testimonia, ut illud, *Qui speravit in Domino, & confusus est.*

Psal.
26.

Excellentia huius virtutis, quæ fortes, & alacres animos facit, ut illud, *Dominus illuminatio mea, & salus mea, quem timebo? Dominus protector vite mee, à quo trepidabo?*

Io. 6.

Tertio proponenda summa Dei bonitas, cui inniti debet nostra fiducia. Quarto Dei potentia, cui nihil potest resistere. Quinto providentia eius summa, cui est cura de nobis. Sexto promissiones eius plurimæ. *Porite & accipietis, &c.* Septimo, fiducia maxima in-

nititur

nititur Christo Domino Saluatore, Redemptori, Aduocato, Mediatori, Sacerdoti, sacrificio nostro. Octauo, accepta beneficia nobis ad alia accipienda fiduciam praebeant. Nono, auxilia & intercessionem beatissimae Virginis, & Angelorum, & Sanctorum, qui nobis reddunt propitium ipsum Deum.

Ad Spem veniae peccatorum excitandam, haec erunt argumenta. Primo, Deus ipse peccatores inuitat, vt redeant ad se, vt illud, *Nolo mortem morientis*, dicit Dominus Deus, reuertimini & uiuite. Quorsum igitur vocaret, inuitaret, vrgeret, si non paratus esset veniam dare accedentibus. Secundo, promittit Deus torques & tam clare veniam petenti, quam nisi concederet, mendax esset, quod absit suspicari de diuina veritate, & bonitate. Tercio, conuertat oculos peccator ad pe-

Eze.
18.

gus diuinæ misericordiæ, cuius
comparatione omnia peccata
mundi, sunt multo minus, quàm
vna guttula aquæ Oceano colla-
ta. *Quarto*, consideret merita
Christi infiniti esse valoris, & tã-
tam eius bonitatem, ut paratus sit
pro singulis iterum mori, si opus
esset. *Quinto*, reliquit sacramen-
tum Confessionis, remedium in
Ecclesia tam facile, & efficax.
Sexto, habemus plurima, & ma-
xima exempla poenitentium, &c.
Sic etiam ad spem æternæ vi-
tæ pluribus rationibus excitari
potest quicuis quantunvis pessi-
mus, si valet respicere.

E contrariò reuocandi sunt
auditores, ne in se, & in caducis
rebus fiduciam collocent, quàm
fragiles & caducæ sint eius ra-
tiones ostendendo, vnde proue-
niet earum rerum desperatio.
Eadem ratione coercendi sunt à
desiderio & concupiscentia vo-

lupta

luptatum, diuitiarum, honorum,
si fortissimis argumentis com-
probetur, quid in iis boni appa-
ret, cuius falsa imagine homines
falluntur, quàm sit fragile, & ca-
lucum, ac indignum bonitatis
nomine, & quanta in illis mala,
& verè pessima venena lateant.
Inde enim fiet, vt bene doctus ti-
neat potius, & fugiat, quæ mala
se intellexerit, quàm deceptus
cupiat, quæ bona esse putabat.

CAPVT XXXIX.

De TIMORE & AV- DACIA.

VT desiderium & spes sunt
animi affectiones enatæ ex
obiecta specie absentis boni; ita
timor est animi commotio, quæ
scitur ex obiecta specie eius
quæ nobis malum aliquod
ferre potest. Orator igitur si
velit

velit ad timorem impellere, illa tria, quæ in reliquis affectibus, in timore exquiret, qui sint, qui timeant; quid sit timendum, quæ rationes timoris. Timent enim qui se obnoxios malis, atque illis dignos, debiles ad ferendum, imbecillos ad resistendum, auxiliis destitutos ad depellendum esse intelligunt. Timentur autem ea, quæ nobis damnum aliquod inferre possunt, & eorum indicia etiam formidamus, ut signa tempestatum nauigantes, timemus iniuria aliqua à nobis læsos, si potetiores, & superiores sint, & eos, quos ab aliis melioribus, & firmitioribus reformidari videmus. Timemus omnia mala, quæ in aliis agnoscimus, & nobis evenire similiter possunt. Timoris autem rationes, & causæ eo erunt maiores, quo maius malum imminens representatur, atque ideo pluribus amplifican-

dum

dum rationibus. Ex quibus locis
argumenta plurima sumi pote-
runt ad timorem mortis, iudicii
diuini, & supplicij æterni, at-
que adeò ipsius diuinæ Maiesta-
tis hominibus incutiendum. In-
ducet enim Dei timorem attenta
ipsius perfectissimæ essentia, in-
finitæ potentia, & certissimæ
præsentia, omnia videntis con-
sideratio. *Secundo*, ipsius incom-
prehensibilis iustitia, qui adeò
peccatum odit, ut poena æterna
puniat. *Tertio* proponenda irro-
gata supplicia peccantibus, ut
Angelis, primis parentibus, &c.
Quarto admirabilia eius iudicia,
licet occulta, iusta tamen. *Quinto*
quàm illum metuant, & reue-
reantur ipsi etiam Angeli, &
Sancti, &c.

Quemadmodum autem bo-
num diximus esse desiderium,
quo verbum bonum expetitur,
& malum, quo fictum & appa-

rens

rens bonum desideratur: ita duplex est timor, verus & bonus, quo verè malum timemus: & timor vanus, & malus, quo malum apparens, nec quod iure malum dici potest, reformidamus: ille incutiendus est auditoribus, hic amouendus augendo, quas habemus, ad resistendum, & repellendum, vires; minuendo, quod imminet malum, & si quid boni in illo lateat, ostendendo; timoris etiam rationes diluendo. Inde nascetur audacia contraria timori, quæ est commotio appetitus irascibilis ad prosequendum bonum arduum cum contemptu imminentis mali, atque difficultatis. Vt si quis velit aliquem ad paruipendendos labores, & contemnendam mortem excitare, plurima, & maxima ex his capitibus argumenta depromet.

CAPVT XL.

De GAUDIO & TRISTITIA.

GAUDIVM est animi motus in bonum, ut iam est præsens, vel quasi præsens: quod si verè bonum sit, & nulla ex parte malum, lætitia erit etiam vera, non fucata & mala.

Lætantur ij, qui sui desiderij, & voti compotes fiunt, & eo præsenti gaudent, quod absens appetebant. Illud autem lætificat, quod arridet sensibus, quod præsens malum, & dolorem expellit, quod potentiis item gratissimum, ut cognitio alicuius veritatis intellectui, oblectio alicuius boni voluntati.

Lætitiæ autē causa, & rationes tanto erunt vehemēiores, & efficaciores, quanto plures, & maio-

res rationes bonitatis in obiecto
præsenti ostendantur. Vtrumque
enim explicandum est, & esse, &
adesse bonum: & omnes eius
partes & species percurrenda de
quibus sæpius egimus.

Ostendetur autem esse præ-
sens, si velut sensibus obiecti &
quasi digito possit demonstrari.
Si autem auditor reuocandus est
à lætitia, & voluptate, quia turpis
est & mala, quàm sit malum,
quod illi affert voluptatem, do-
cendus est, & sic à lætitia trans-
feretur ad tristitiam. Quæ est pas-
sio, per quam detestamur ma-
lum, quod vel re, vel opinione
sit præsens.

Ad tristitiam verò in au-
dientibus concitandam, con-
trariis præceptis, ac ad lætitiã
commouendam procedendum
est. Et à tristitia ad gaudium
traducentur, si malum, quo mœ-
rent, & dolent, non solum mi-

nuatur, sed, quæ in eo rationes
insint boni, explicentur.

CAPVT XLI.

De IRA.

IR A est appetitus vindictæ ad-
uersus eum, à quo quis se læ-
sum esse putat.

Differt ab odio, quia hoc ten-
dit in malum & exitium rei
quam odit, ira solum respicit
vindictam contemptus, & pro-
pulsionem oppositi impedi-
menti, sed facile transit in
odium.

Excitatur hoc modo, cum
quispiam per imaginationem
apprehendit impedimentum ali-
quod circa id quod concupiscit,
excitatur bilis, ex cuius euapora-
tione feruet sanguis, maxime
circa cor, & ex calore sanguinis
sumit animæ vires, irascuntur,

qui

qui se existimant contemni, qui aliquo incómodo impediri, qui contumelia affici: vnde fit vt sint proni ad iram, qui vehementer aliquid desiderant, & amant, qui molestia aliqua, vel ægritudine pressi sunt, qui malum aliquod recipiunt, vnde bonum expectabant, qui natura sunt biliosi, iuvenes etiam, ob cupiditates effervescentes, & sanguinem ebullientem, senes etiam ob confectam ætatem morosi, & qui tempore incommodo interpellantur, vel in loco publico iniuria afficiuntur. Irascimur autem in illos, à quibus hæc incommoda, & impedimenta accipimus.

Iræ autem causæ & rationes eo sunt plures, & maiores, quo plura & maiora sint damna, quæ inferuntur, & impedimenta, quæ obiciuntur, & indignior & vilior, qui infert, & obicit; dignior, & maior is, cui inferun-

tur,

tur, & obiiciuntur. Atque in his tribus augendis & amplificandis elaborabit is, qui alios velit ad iracundiam pronocare, vel e contrario in minuendis iis, & diluendis si velit iratos animos lenire, & mitigare.

Mitescimus etiam erga eos, qui nos nequaquam læserunt, vel inuiti fecerunt, vel sese submitunt, & lapsos esse cognoscunt, & veniam petunt, & beneficia conferunt. Sicut res aduersæ ad iram, ita prosperæ ad mansuetudinem disponunt, si longum tempus elapsum est ab accepta iniuria, si is, in quem irascimur, in maximam devenit miseriam; facile enim abiectis parcimus, vel si rursus ad aliquem altiorem gradum euectus sit, ut potius timendus sit; ubi enim est timor, non est ira.

Laudis & clementiæ, ac iræ vituperationes iratos sedant ani-

mos. *Primo*, quòd ira sit animi perturbatio ex pluribus aliis mixta, odio, amore, tristitia, &c. *Secundo*, turbat tam interiorem, quàm exteriorem hominem. *Tertiò*, impedit omnem rationem, & ad maxima flagitia impellit.

Remedia sunt ad iram compescendam pessimam, quæ diximus.

Est etiam ira bona, vt quæ in hæreticos, apostatas & alios flagitiosos, ita tamen, vt ira feratur contra vitium, non contra personas.

CAPVT XLII.

*De reliquis AFFECTIBVS,
qui ex primis undecim
proveniunt.*

AD reliquos AFFECTVS commouendos ex assignatis locis argumenta peti possunt

sunt. Si prius cognoscatur cuiusque affectus natura, ex quo fonte dimanat, videnda etiam illa tria quæ in singulis annotanda dixit Aristoteles, qui sint qui afficiantur, erga quæ afficiantur, quæ sint affectus rationes & causæ.

Inspiciendus item est contrarius affectus, ex quibus omnibus tum ad commouendum, tum ad amouendum affectum non difficile erit plura argumenta desumere, vt de mansuetudine, & lenitate, quæ est mitigatio iræ, diximus, quæ cum ad amorem refertur, omnia quæ amore commouent, valent ad excitandam lenitatem. Idem dicendum de gratia, qui est affectus, per quem gratis inclinamur ad benefaciendum alicui, non nostro commodo, sed eius, cui fit. Idem de gratitudine, quæ est remuneratio accepti beneficii.

Ad desiderium spectant tres illæ pestes, quarum afflatu infectum terrarum orbem Ioannes Euangelista dixit, concupiscentia carnis, concupiscentia oculorum, superbia vitæ, & alia monstra, ex istis progenita.

Tristitiæ adiacent, Misericordia, quæ est mœror de alieno malo tanquam proprio; Nemesis, siue indignatio, quæ est dolor de alieno bono, quo aliquem indignum iudico; Invidia, quæ est tristitia de alieno bono, non quia is, qui habet, sit indignus, sed quia mihi æqualis, vnde Invidia in malum sumitur, non tamen Nemesis. Zelus & æmulatio, est dolor de alieno bono, non quia alius habeat, sed quia mihi deest; Pœnitentia, quæ est tristitia de peccato commisso; Accedia, quæ est tædium in opere bono; Angustia, cum aliquo malo ita con-

strin

tringimur, vt non appareat euadendi locus.

Sub timore numerantur, Piritia, vel desidia, quæ est timor laboris molesti, ideoque fuimus, vel differimus. Erubescencia, verecundia, vel pudor, quæ est commotio vel ægritudo nata ex iis malis, quæ ignominiam videntur inurere, siue sint mala præterita, præsentia, vel futura: sicut inuerecundia est, non tangi his rebus, nec animo commoueri. Admiratio, quæ est timor alicuius mali magni, in quo difficile sit ferre iudicium, vel, vt inquit Arist. suspensio animi cupientis scire causam rei, quam nescit. Stupor, qui est timor alicuius mali noui, & cuius nullam habeamus experientiam. Agonia, quæ est timor magni alicuius mali, cuius non apparet modus euadendi. Terror, qui est timor magni mali, minis

ab aliquo incussis. Audacia verò contraria timori, & est contemptus imminentis mali.

Irae tres species ponuntur. Prima dicitur fel, id est, ira subito exardescens. Secunda mania, quæ est diuturna, & perseverans, ob diuturnam iniuriæ memoriam. Tertia furor nunquam quiescens, donec vindictam sumat. Qui primâ capiuntur dicuntur celeres biliosi, acuti; qui secundâ, amari & acerbi; qui tertiâ, difficiles & morosi.

Ad iram bonam spectat, cum aliis indignamur correctionis gratia, ob eorum delicta, quæ in Deum fiunt: & in nos ipsos etiam irascimur ob parvos habitus, inordinatos affectus, ut vitia nostra, & est zelus gloriæ Dei. Atque hæc de Affectibus.

CAPVT XLIII.

Quid potissimum sit ad mouen-
dos AFFECTVS.

AD fidem faciendam, affe-
ctusque mouendos, quibus
duobus persuasio continetur,
quæ finis orationis est, spectant
ea omnia, quæ hætenus dicta
sunt de Inventionem, quæ prima
pars est Rhetoricæ. Illud vnum
superest, qualis futurus esse de-
bet orator, qui velit persuadere.
Et licet multa de suo oratore
huius artis magistri Aristoteles,
Cicero & Quintilianus tradi-
derunt, plura tamen de nostro
veteres Ecclesiæ Patres, & longè
præstantiora scripta reliquerunt.
Hæc oportet breuiter enumera-
re, & illa non omittere.

Primum ergo opinio bona
concepta de virtutibus, ac fan-
tate concionatoris maximam

vim habet ad persuadendum. Hanc non fucata virtus, sed vera & solida efficit, maximè animi demissio, quapropter non solum fugiat ostentationem, & suarum laudum commemorationem, sed quanuis aliam, vel vanæ gloriæ, vel inuidiæ, vel impatientiæ, vel cuiusvis alius vitij significationem; vigeat tamen in ipso, re ipsa & exemplo ostensa pietas, & religio in Deum, à quo omne datum optimum petat, & speret. Sinceritas mentis, & zelus gloriæ Dei, ut appareat, eum nihil aliud quærere, quàm Dei solum honorem, & auditorum salutem. Charitas & benevolentia in auditores, quam ipsi, dum sese res offert, etiam experiantur. Libertas in dicendo, zelusque Iustitiæ cum discretione coniunctus, ut omnes pungat, neminem tamen lædat, in vitia, non in personas inuehatur. Tem-

peran

perantia, & honestas, vt nihil in illo indecorum suspicari, nedum conspiciere quis possit. Modestia, & submissio animi, de aliis honorificè, de se modestè loquendo, modò nec laus appareat affectata, nec humilitas ficta. Moderatio animi in rerum omnium contemptu. Fortitudo in rebus aduersis perferendis. Et, quod caput est, prudentia maxima huius muneris erit eorum, apud quos sermo fit, mores, & studia optimè callere, aliter enim ad iuvenes, aliter ad senes, hoc modo ad rusticos & agrestes, illo ad doctos, ita ad nobiles, sic ad infimam plebem dicendum est.

Orator autem Christianus sapientibus & insipientibus sese existimet debitorem: aliis lac potum det, aliis panem frangat, omnibus suas escas apponat, quibus maximè capiantur, & delectentur, & alantur. Promet suo

loco, ac tempore, vt fidelis seruus
& prudens, quem constituit Do-
minus super familiam suam, vt
det illis cibum, quæ longo labo-
re, & multo studio apud se con-
diderit. Nec poterit victoriam
non ferre, quæ in motu animo-
rum consistit, si, quos diximus,
virtutum armis instructus pu-
gnet, ita tamen illa frequens, &
feruens ad Deum oratio exacue-
rit, & maceratio corporis ieiu-
niis, ciliciis, verberationibus,
& aliis huiusmodi affli-
ctionibus tempe-
rarit.



PARS III.

De DISPOSITIONE.

CAPUT I.

Quid sit DISPOSITIO.

INVENTIONEM sequitur DISPOSITIO, quæ est rerum inventarum in ordinem distributio. Quanta autem sit dispositionis virtus, vel ex eo videre cæcus poterit, quòd neque domum temere congesta materia, neque exercitum confusa, & promiscua hominum multitudo, nec speciosum hominis corpus efficit membrorum varietas, quanvis singula sint alioquin perfectissima: sed ordo & dispo-

litio domui formam, exercitui robur, corpori tribuit pulchritudinem; sic oratio carēs hac virtute tumultuatur necesse est, multa repetat, multa permisceat, casum potius, quàm consilium sequens. Cùm verò res inuentæ fuerint, tum ad faciendam fidem, tum ad mouendos auditores, constat, ita disponenda esse inuenta, ut vtrumque consequi possimus oratione. Cuius partes explicandæ nobis sint, ac de singulis præcepta tradenda, ut videamus, quæ ad confirmationem causæ, quæ ad motum valeant animorum.

CAPVT II.

Quæ, & quæ sint PARTES
ORATIONIS.

PARTES ORATIONIS
Rhetoricæ sunt quatuor,

Exor.

Exordium, Narratio, Confirmatio, & Epilogus. Nonnulli sex perfectæ, & absolutæ orationis partes constituerunt, subiiciunt enim exordio propositionem, seu partitionem, confirmationem, refutationem; sed istæ ad alias, ut post dicemus, referuntur.

Prima pars ad conciliandos animos, vltima ad permouendos valet, duæ mediæ ad causæ probationem spectant. Quid verò vnaquæque earum exigat exponemus.

CAPVT III.

De EXORDIO.

EXORDIUM est prima orationis pars, animum auditoris comparans ad reliquam ditionem. Quod tribus maximè rebus fieri, inter authores plurimos constat, si beneuolos, si at-

tentos, si dociles auditores fecerimus. Multa hîc ab huius artis magistris solent præcepta congeri, nos ea tantum afferemus, quæ nobis pro rerum & temporum varietate vsui esse possint.

Amicè, & beneuolè vt audiamur, exordiri possumus, à modesta, vel auditorum, vel nostrum commendatione, si res fert, sine vlla tamen, vel ostentationis, vel assentationis suspitione. Tum si ostendamus nos gratificandi voluntate, studio in rem publicam, beneuolentia in auditores ad agendum descendisse: conciliat sibi orator auditores, si crimina illata, & aliquas minus honestas suspiciones iniectas diluat, si prece, ac supplicatione humili vtatur.

In genere iudiciali captabatur beneuolentia auditorum, à persona aduersariorum, eos in odium, aut inuidiam, aut con-

temptum

temptum adducendo.

A iudicum etiam persona, eorum bene gesta, & quanta eius iudicij expectatio esset, enumerando.

Postremò ab ipsa causa, quàm cum ratione, bono publico, & æquitate coniuncta sit, exponendo, & aduersæ causæ obiiciendo contraria.

Exempla peti possunt ex Ciceronis orationibus, sed fugienda in iis arrogantia, inuidia, & odij ostentatio, quæ longè à bono, nedum à Christiano oratore esse debet; sed ut paucis multa dicamus, omnia, quæ ad concitandum amorem in affectibus valere diximus, ad excitandam benevolentiam spectant. Egregiè observatum est hoc à summo nostro oratore D. Paulo, qui ad Romanos, & Corinthios scribens, illorum fidem commendans, exorditur. Ad Philipenses, &

Theſſa

Theſſalonicenſes à beneuolentia, & amore, quo illos proſequabatur. Apud Regem Agrippam proſe dicturus, ita exorſus eſt: *De omnibus, quibus accuſor à Iudeis, Rex Agrippa, æſtimo me beatum, apud te cum ſim deſenſurus me hodie, maximè te ſciente, &c.*

Intelligenter audiemur, ſi ſummam, & ſcopum cauſæ breuiter exponamus, ſi definiamus, ſi diuidamus, non tamen in plures, quàm duas, vel tres partes, ne memoriā auditorum confundamus. Inde exorſus eſt Eccleſiaſtes; *Vanitas vanitatum, & omnia vanitas.* Dociles nos facit, cū ſuæ orationis finem proponat.

Cap.
I.

Attentus erit auditor ſi à rebus ipsis ordiamur, ſi magna quædam proponamus, ſi noua, ſi incredibilia, ſi coniuncta cum iis, apud quos agimus; vnde D. Ioannes primæ ſuæ epiſtolæ ini-

tium

tium fecit, *Quod fuit ab initio, quod audiuimus, quod vidimus oculis nostris, quod perspeximus, & manus nostræ contrectauerunt, de verbo vita annunciamus vobis.*

CAPVT IV.

De EXORDIENDI RATIONE *in diuersis causis.*

NON quæuis causa omnia hæc exordiendi præcepta postulat, sed alia aliud. Vnde quinque causarum genera omnes huius artis præceptores constituerunt.

Honestum, id est, quod probatur ab auditoribus, nec illis displicet; causa enim alioquin per se turpis, apud turpes habetur honesta: hæc satis per se ad conciliationem valet, non ibi opus est captare beneuolentiam,

sed

sed aut attentionem, si res sit humilis, aut docilitatem, si obscura.

E contrario turpe genus causæ dicitur, quod ab auditoribus improbatur, ut si de castitate agas apud turpissimos, de labore apud desides & otiosos, in quo opus est benevolentia.

Humile est, cum contempta res tractatur; attentione opus est in illo, quod egregie observavit Homerus in Batrachomyomachia, & Hieronymus Vidas de schacchia ludo.

Ludimus effigiem belli, simulataque veris

Pralia, buxo acies fictas, & ludicra regna,

Vt gemini inter se reges, albisque, nigræque

Pro laude oppositi certent bicoloribus armis.

Obscurum genus causæ est,

quod

quod satis non intelligitur, in quo dociles reddendi sunt auditores.

Dubium est, quod partem habet turpitudinis, partem honestatis, hinc enim probatur ab auditoribus; hinc rejicitur; potest enim res, quæ agitur, esse grata, non tamen persona, vel contrario, vel ipsa res hinc placere, hinc displicere; & tunc ommissa parte, quæ displicet, ab ea quæ placet, concilianda est benevolentia.

In turpi, quod etiam dicitur admirabile, à quo alienatus est auditorum animus, non recto vendum est principio, sed insinuatione.

Est autem principium oratio perspicuè, & apertè faciens auditorem beneuolum, docilem, & attentum.

Insinuatio est oratio, quadam dissimulatione, & circuitione

obscu

obscurè subiens auditoris animum, & in illum, tanquam aliud agens, tacitus se insinuans, & irrepens. Qua item utemur, si auditores defatigati fuerint, quod fit pollicendo breuitatem, vel, si res fert, re aliqua exhilarando auditores. Fit etiam insinuatio, cùm relictis rebus omnibus, quæ molestiam aliquam & offensionem afferre possint auditoribus, ea tantùm assumimus, quæ nobis pro re, & tempore fuerint opportuna.

CAPUT V.
De VITIIS EXORDII.

SEPTEM sunt EXORDIORVM VITIA, vulgare, commune, commutabile, longum, separatum, translatum, contra præcepta. Vulgare est, quod in plures causas potest accommodari,

passimque ab omnibus vsurpatur. Commune est, quod mihi, & aduersario esse potest vsui. Commutabile est, quod paucis mutatis, facile erit in plures partes flectere. Longum est, quod pluribus verbis aut sententiis, ultra, quàm satis est, producit, tollitque debitam corporis symmetriam. Separatum est, quod longissimè sumitur, nec eius est causæ, de qua agitur. Translatum est, cùm ignorato genere causæ, aut dociles pro attentis, aut attentos pro beneuolis faciendos auditorum animos putamus. Contra præcepta, quod nullo modo auditorum animos sibi comparat, interdum etiam alienos, & infestos facit, nec quidquam eorum efficit, quorum causa de exordiis præcepta traduntur. Quæ vt fugiamus, obseruanda sunt hæc Ciceronis præcepta lib. 2. de Oratore.

His

Hiscæ omnibus rebus consideratum denique id, quod primum est dicendum, postremò solco cogitare, quæ utar exordio. Nam si quando i primum inuenire volui, nullum mihi occurrit, nisi aut exile, aut nugatorium, aut vulgare, aut commune.

CAPVT VI.

De EXORDIENDI RATIONE sacris oratoribus seruanda.

EX iis quæ diximus, potest ad quamvis causam tam sacram, quàm profanam exordien- di ratio institui. Sed cùm faci- oratores longè pluribus, ac me- lioribus partibus profanos, pri- scosque superent, æquior multa- atque honestior plerumque cau- sa sit, melius ferè semper anima- ti, atque dispositi auditores, non admodum multa, eorum quæ di-

et

ita sunt, ab illis observanda erunt. Quapropter eo modo apparatus exordium persæpe omittent, quod suum etiam oratorem facturum Aristoteles, & Cicero docuerunt.

Exordium illis debet esse breve, cuius prolixitas & attentioni & benevolentia multum officit. Debet esse proprium, hoc est, bene coherens, materiae tractandae, natumque ex ipsis causae visceribus. Debet esse graue, modestum, ac verecundum: nam quod, vel audacem, vel arrogantem ostendit oratorem, ab aliena auditores. Et quanuis inornatum non esse debet, fugiat tamen speciosam ostentationem, & apparatiorem diligentiam. Præstituat scopum, qui sibi & populo spectandus sit, quem aliquando etiam inter orandum opportunè commodèque in memoriam reuocabit.

Loci

Loci, ex quibus exordia sumi possunt, hi maxime erunt, res ipsa, de qua agendum est, ostendendo eius dignitatem, & necessitatem; ratio temporis, quo habetur oratio; loci, in quo; personarum, apud quas dicitur; persona etiam ipsa dicentis.

Chrysostomus summus oratorum Græciæ nunc exorditur à laude auditorum, quod alacriter ad audiendum accederent, nunc à laude sacræ Scripturæ, quam epistolam Dei docet esse, vel pretiosum thesaurum, vel spirituale convivium. Aliquando tacitæ objectioni respondet, ut in homil. Quod nemo læditur nisi à se ipso, ita exorsus est: Scio, quod *crassioribus quibusque, & præsentis vitæ illecebris inbiantibus novus videatur hic sermo noster, ac mirus, & deridebunt nos fortasse, si tamen paululum nobis patientia tri-*

buant,

buant, hi quibus absurda videntur, quæ loquimur, ipsi postmodum palinodiam canent.

Potest exordium capi ab aliquo euentu, & renoua, vt D. Petrus ad plebem tumultuantem, *Viri Iudei, & qui habitatis Hierusalem vniuersi, hoc vobis notum sit, & auribus percipite verba mea. Non enim, sicut vos existimatis, hi, &c.*

Act.
2.

Aliquando aliqua prophetia, seu figura veteris Testamenti breuiter accommodata potest exordij locum habere: aut aliquod axioma, aut communis aliqua Theologorum doctrina, vel grauis Sanctorum sententia, aut aliqua similitudo, quæ ad rei tractandæ faciat explicationem, vel aliqua parabola, exemplum, vel historia.

Poterit nonnunquam in re graui, & tragica exordium sumi ex abrupto. Sic Isaias à contesta-

G

tion e

Cap.
I.

tione cæli, & terræ orditur, *An-
dite celi, & auribus percipe terra.*

Locum exordij habere solet simplex propositio thematis, vel diuisio futuræ concionis, maxime apud viros graues, & eruditos. Breuis etiam narratio, nec tamen nuda, & expositio dilucida, sed non longa Euangelica historiæ, si de ea est sermo, vnum, vel duo capita seligendo, quæ fusiùs tractentur, vel statim fructum sibi finemque in illa proponendo, quem assequi velit orator.

Si exordium, vt sæpe solet, clausit ad beatissimam Virginem precatio, vt eius interuentu cæleste numen imploretur, illud, quàm obnixè possit, deprecetur: caueat autem, ne post aliud texat exordium, sed ipsam statim causam aggrediatur.

CAPVT VII.

De NARRATIONE.

VB post exordium, vt sa-
pius contingit, non sit nar-
ratio subiicienda, locum habet
propositio, quæ rei summam, vel
scopum paucis comprehendat;
si ea simplex esse non possit, ad-
ditur partitio, vel diuisio, quæ
propositionis partes enumeret,
quæque docilem reddat audito-
rem. Nam, quauis hoc ad exor-
dium, vt diximus, pertinere vi-
deatur, per totam tamen oratio-
nem, data occasione, docilitas,
attentio, & benivolentia redin-
tegranda est. Si nec causæ pro-
positione, aut diuisione, nec nar-
ratione opus est: subiiciunt alij
exordio introductionem, quæ
est brevis tractatio alicuius rei,
quæ licet non pertineat ad argu-
mentum præcipuum, est tamen

ita connexa ei, vt inde ferè ducatur præcipua ratio ad causæ confirmationem; vt si quis de mundi contemptu, & æternæ vitæ desiderio agat, poterit introduci, & permitti quæstio, in quo consistat vera hominis felicitas.

Hæc introductio sumi potest vel à thesi, & loco aliquo communi, quæ sit velut propositio, vel, vt logici dicunt, Maior; ex qua assumptio causæ, quæ tractanda, quæ est Minor, robur assumit. Vt si quis acturus de inimicis diligendis, priùs dicat, & amplificet hanc quæstionem: Quidquid à Christo præceptum est, seruari debet, hinc assumat, verbo præcipit, exemplo docet, morte confirmat inimicos diligendos. Hinc concludat, quis, si verè Christianus est, inimicos non diligit? Nec semper eadem introductionis forma seruanda,

sed

ed nunc hoc, nunc illo modo
procedendum.

Narratio, ubicunque contin-
gat, ut dictum est in progymna-
smatis, debet esse brevis, aperta,
probabilis, & suavis. Erit brevis,
si non longa, & ut dicitur, à ge-
nino ouo petatur historia; si
constat ubi res postulat, nec ul-
rà producat; si simplici, & eo,
quo decet, orationis stylo enu-
neretur; si nullæ digressiones,
nec ea, quæ ad rem non spectant,
interponantur. Aperta erit, & di-
lucida, si ordine temporum con-
seruato, si distincto, si non inter-
rupto narrabitur, si uero immo-
dè, quod breuitati etiam fauet,
verba ipsa coateruentur. Erit
probabilis, si res consentiat cum
tempore, loco, modo, causis, effe-
ctis, ac reliquis circumstantiis; si
non dissentiat à personis, quæ in
narrationem incidunt; si histori-
ci, ex quo deprompta est, autho-

eritas, vel communis affirman-
 tiam consensus afferatur. Erit
 facinus, si adhibeantur admira-
 tiones nata ex rebus magnifi-
 cis, ac nouis, si narrando sus-
 pendamus animos auditorum
 ad saniditatem. Reliqua perci-
 piendi, si referantur exitus in-
 opinati, si fiant descriptiones
 quæ rem oculis subiiciant, si
 inducantur colloquia persona-
 rum, si varij motus & affe-
 ctus exprimantur. Aristoteles
 addit narrationem debere esse
 moratam, hoc est, vt expriman-
 tur mores, & affectus personis ac
 rebus conuenientes, & animi
 proposita, atque consilia, & ser-
 mo, vultus, & actio tota iis con-
 sentiat, vt lata iucundè, tristia
 dolenter, seria grauitè expri-
 mantur. Inuizio simplici narratio
 in sup. et in loq. s. in modis non
 profund. quibuslibet personis
 et in rebus et in loq. s. in modis

CAPVT VIII.

De NARRATIONE sacrorum oratorum propria.

SACRIS oratoribus quatuor assignari possunt narrationis genera; quibus omnibus oratoria praecepta conveniunt.

Primum, quod res gestas, & quae praecesserant exempla commemorat. Sic a fratribus Ioseph venditi, Absalonis & quereu suspensi, & aliorum historiae per saepe in conciones incidunt narranda, non tamen ieiune & exiliter, sed leuiter animorum motus incitando, suis etiam coloribus adhibitis, qui narrationem iucundam reddant.

Secundum narrationis genus est, quod amplificandi causa sumitur, cum egregia Sanctorum facta, vel detestanda malorum exempla volumus amplificare,

cui omnia deferuiunt, quæ superius de amplificandi ratione sunt tradita. Potest ad huiusmodi rationem via præmuniri per thesaurum aliquam, & locum communem suis rationibus explicandum, ad quem veluti præbandum exemplum illud afferatur. Ut si quis narrare vellet egregiam Iudith fortitudinem, qua Holofernem interfecit, poterit à laudibus temperantiæ, vel vituperatione ebrietatis, vel à commendatione magnæ in Deum fiduciæ, vel foeminei sexus, vel detestatione superbiæ exordiri, &c. Nam ad hæc omnia, & alia plurima potest hæc afferri narratio. Poterit etiam conciliare animos auditorum iis præceptis, quæ de exordiendi ratione suprâ tradita sunt.

Tertium narrationis genus, quod allegoriæ mysticisque sacræ paginae sensibus conuenit:

hæc

hæc enim est sacrarum literarum excellentia, & dignitas, ut præter eum, quem nuda ipsa verba sensum primò legentibus ostendunt, mysticos habent sensus, ac reconditas significatioes. Horum sensus Primus est literalis, & historicus, quem verba ipsa primò legentibus manifestant. Secundus qui ad mores formando hominum, & vitæ institutionem spectat, dicitur Tropologicus, vel moralis. Tertius, qui ad Christi & fidei nostræ mysteria explicanda pertinet, vocatur Allegoricus. Quartus pedagogicus, quo ad celestem patriam, & Dei amorem, & unioem aspiramus. Hi tres ultimi mystici sensus nomine comprehenduntur, qui semper in sacris literis inquirendus est, ibi maxime, ubi primo legenti otiosum aliquid, vel minutum, ac luti superuacaneum occurrit.

Quis negat altissimum ibi inesse mysterium, cum Christus Dominus, ut videndi potestatem, qua semper caruerat, caeco redderet, lutum ex salina fecerit, illius oculos liniuerit, & ad natatoriam Siloe miserit? Hi tamen mystici sensus & reconditi, non ex cuiusvis imprudenti iudicio, sed ex sanctorum Patrum, qui in ea re elaborarunt, sententia erudiendi sunt. Quatuor autem maximae Latinae Ecclesiae doctores, cum in hac schola excellentissimi fuerint magistri, singuli tamen in singulis excelluerunt. Hieronymus literalis, Ambrosius moralis, Gregorius Allegorico, Augustinus Anagogico. Nactus igitur huiusmodi narrationem Ecclesiasticus orator, ubi ostenderit occultam aliquam ibi inesse significationem, quo attentos sibi faciat auditores, alicuius sacri scriptoris (si fieri potest) explana-

tionem

tionem afferet, deinde, ut in
comparatione dictum est, singu-
las eius partes, singulis historiæ
partibus accommodabit, tropis
& figuris appositis rem ipsam
exornans, nec opus erit minuta
quæque percurrere, sed ea tan-
tum, quæ suo facere proposito
videbuntur.

Quartum est narrationis ge-
nus, quod in Evangelicæ lectio-
nis explanatione versatur, sed
eius vim & rationem paulo post
suo loco explicabimus.

CAPVT IX.

De CONFIRMATIONE.

NARRATIONEM, vel
propositionem subsequi-
tur CONFIRMATIO, quæ
duas partes habet, & nostræ cau-
sæ probationem, & aduersariæ
refutationem. Huc omnis vis

oratoriæ facultatis spectat : hîc sunt omnes nerui eloquentiæ adhibendi, cum ibi victoria oratoris consistat.

Vt autem confirmari nostra causa, & aduersa refutari possit facilius, constitutio siue status causa prius cognosci debet. Est autem status in quo causa potissimum consistit, & in quo res maximè innititur, qui ex confirmatione orationis, & ex prima depulsione aduersarij nascitur.

Tria autem quæri possunt, in dubiûmque vocari, An sit, Quid sit, Quale sit. Vnde tres nascuntur status. Nam si rem non constat esse, quæritur an sit, & vocatur status coniecturalis : si constat, aut quid sit quæritur, & est finitionis status, aut qualis sit, & est qualitas.

Ex prima autem confirmatione causæ, & refutatione aduersarij

rij nascitur iudicatio, quæ est prima, & maxima ratio, in qua vis confirmationis consistit, quod omnia sunt argumenta conferenda.

Hæc autem quæ de statibus diximus, licet maximè spectent ad genus iudiciale, in quo & aduersarius, qui accusat, & crimen, de quo reus accusatur, semper apparent: tres illos status in quouis alio causarum genere licebit indagare. Nam in genere exortatiuo & deliberatiuo, is aduersarius habetur, qui possit nostris laudationibus, vel suasionibus aliquid obicere, ex quarum rerum conflictione nascitur status vel coniecturalis, vel finitionis, vel qualitatis.

Sed hæc etiam frequenter in usu sunt sacris oratoribus, quibus persæpe continget, vel cum peruersis hæreticis, aut cæcis idololâtris, aut impiis, vel parum

piis

piis Christianis pugnare, vel de
 veritate aliqua cognoscenda, au-
 fidei dogmate confirmando, au-
 legis aliquo præcepto defenden-
 do, aut prava consuetudine ex-
 tirpanda, disputetur. Sit exem-
 plum, si apud hæreticos de Pur-
 gatorio verba fiant, status eri-
 coniecturalis, an sit, vel non sit.
 Potissima ratio ad illud com-
 probandum erit animas persæpe
 hominum ex hac ad æternam vi-
 tam emigrare, iis obnoxias pœ-
 nis, quas hic ob admissa scelera
 non expenderint. Et hæc erit iu-
 dicatio causæ, in quam omnia ar-
 gumenta sunt conferenda. Si de
 purissima conceptione inteme-
 ratæ Virginis Mariæ agitur, sta-
 tus potest constitui finitionis
 hac ratione. Si beata Virgo sine
 peccato concepta est, redempta
 non est à Christo Domino, qui
 à peccato, in quod non decidit,
 erepta non fuit. Responsio erit

cùm

cum à peccato, in quod nō lapsa est, nō erepta fuerit, sed ab eo, in quod decidere poterat, præseruata sit, excellentiori quodam modo redempta est. Et sic ad statum pertinet finitionis an redempta dici possit, vel non, & iudicatio huius status, nempe ratio, cui ille potissimum innititur, erit hæc, excellentissimum redemptionis genus esse à peccato præseruari, quæ iudicatio erit quanta possit argumentorum & vi, & multitudine confirmanda.

Ad status qualitatē ferè omnes causæ vel exornatiui, vel deliberatiui generis spectant, vt hæc: Deus est super omnia amandus. Iudicatio erit, omnes rationes boni, omnes amoris causæ in Deo eminentissimè reperiuntur, quæ si, vt par est, exponuntur, & amplificantur, fieri non potest, quin in Dei amorem

exciten

excitentur audientes.

In confirmatione igitur, & refutatione iudicationis victoria causæ versatur, quæ argumentis & argumentatione comparatur; de illis actum est in prima parte Rhetoricæ, de hac agendum est modò.

CAPVT X.

Quid sit ARGUMENTATIO, & quotuplex.

ARGUMENTATIO est argumenti dispositio, cuius quinque sunt species, Syllogismus, seu ratiocinatio, Enthymema, Dilemma, Sorites, & Inductio, de quibus sigillatim agemus.

CAPVT XI.

De SYLLOGISMO.

SYLLOGISMVS est in quo
Sex duabus præmissis propo-
sitionibus tertia alia infertur,
vnde tribus partibus constat,
Propositione, Assumptione, &
Complexione, quæ à Dialecticis
Maior, Minor, & Consequentia
appellantur. Sed quoniam con-
cisa est Dialecticorum ratiocina-
tio, & spinosa, & quasi punctis
efficit, quod vult Orator, qui
non tantum docere, sed etiam
delectare, & flectere debet, Syl-
logismum quinque partibus ab-
soluit, nam propositioni subii-
cit probationem, & assumptioni
eiusdem item confirmationem
addit. Huius argumentationis
clarissimum est exemplum in
Ciceronis Miloniana, vbi pro-
positio est, insidiatores iure in-

terfici

terfici posse, illius probatio, e
quod necessitas barbaris, rati
doctis, natura animantibus vir
vi repellere persuaserit. Assum
ptio erit, Clodium insidiatorer
fuisse, eius autem confirmatio, e
quod armatus in equo expedi
tus, cum scelerata seruorum ma
nu, in agro Milonem vnâ cur
vxoꝛe, & symphoniâ pueri
lectica vectum, & nihil minu
cogitantem, aggressus fuerit.
Complexio erit, iuste igitur in
terfectum fuisse Clodium. Ha
c argumentatione quauis remo
tis probationibus, vsus in Phar

10.8.

isæos Christus Dominus, *Qui e
Deo est, verba Dei audit: propterea
vos non auditis, quia ex Deo non
estis.* Efficitur autem Syllogismus
renocata hypothesi, id est, cau
sa infinita ad thesim, id est, finitam.
Vt autem similitudo, quæ satie
tatis mater est, euitetur, non sem
per à propositione, sed nonnun

quar

uam ab assumptione, interdum
complexione exordiendum
est. Reliqua, & satis multa, quæ
e Syllogismo dici poterant, ad
Dialecticos potius, quam ad ora-
tores spectant.

CAPVT XII.

De ENTHYMEMATE.

SYLOGISMVM sequitur
ENTHYMEMA, quod Syl-
logismus oratoris dicitur, vel
truncatus, in quo vna pars defi-
leratur, vel propositio, vel as-
sumptio. Ex quo fit, vt ex vna
propositione, quæ à Dialecticis
Antecedens dicitur, altera nem-
pe Consequentia inferatur: vt, o-
mnes virtutes in actione confi-
sunt; ergo prudentia. hinc defi-
leratur assumptio, siue minor,
nempe prudentia est virtus. vel
sic disponi potest: Prudentia est

virtus;

virtus; ergo in actione consistit. Hic desideratur propositio, summa maior.

Rom.
14.

Adiungi etiam potest ac debet ab oratore, ut copiosa sit argumentandi forma antecedens propositioni sua probatio. Quod dicendi ratione usus est D. Paulus, *Omnes stabimus ante tribunal Christi; scriptum est enim: Vni ergo, dicit Dominus, quoniam mihi flectetur omne genu, atque omnis lingua confitebitur Deo. Itaque unusquisque nostrum pro se rationem reddet.* Hic desideratur assumptio, ita enim posset integer constitui Syllogismus: Omnes homines stabunt ante tribunal Christi pro se rationem reddituri, hæc est propositio; nos homines sumus, hæc est assumptio prætermissa quia perspicua erat; ergo omnes rationem reddemus, hæc est conclusio. Probatio autem antecedentis propositionis est in illis

verbis, scriptum est enim, &c. Fre-
quētius est autē Enthymema sine
propositione, *Memorare novissima* Ecl.
7.
tua, & in aeternum non peccabis.

C A P V T X I I I .

De D I L E M M A T E .

DI L E M M A syllogismus
cornutus dicitur, habet
enim duas partes, quarum si al-
teram neges, in alteram incidas
necesse est. Vt Cicero pro lege
Agraria, *Quanta calamitas populo*
si dixerit, quantus ipse questus si ne-
gauerit. Hinc illud Martialis in
Cinnam, lib. 7. Epig. 42.

Primum est, ut praestes, si quid te,
Cinna, rogabo:

Illud deinde sequens, ut citò,
Cinna, neges.

Diligo praestantem, non odi, Cin-
na, negantem.

Sed tu nec praestas, nec citò,

Cin

Cinna negas.

2. Reg. 18. Hinc vis illa argumenti, quo Elias Israëliticū populum urgebat, *Vsquequo claudicatis in duas partes? si Dominus est Deus, sequimini eum: si autem Baal, sequimini illum.* Fortissima est hæc argumentatio, si vtrumque illius cornu est certum, vel credis te rationem esse redditurum vitæ tuæ in supremo Dei iudicio, vel non. Si non credis, es hæreticus; si credis, & malè viuis, stultus.

CAPVT XIV.

De SORITE.

SORITES, quam, si necesse sit, Latino verbo liceat *acervalem* appellare, vulgo dici solet de primo ad vltimum, multa congerit, vt aliquid postea inferat. Hinc Themistocles filium suum nondum triennem totius

terra

terrarum orbis potentissimum
esse probabat. *Europa dominatur
orbi, Europa Gracia, Gracia Athe-
na, Athenis Themistocles, Themisto-
cli uxor, uxori filius; ergo filius or-
bi.* Fallax & captiosum esse solet
argumentandi genus: oportet
autem singula retexere, ut sic fa-
cilius vniuersa frangantur.

Hac argumentatione effecit
D. Paulus oportuisse in omnium
salutem Euangelium ab Apo-
stolis prædicari. *Omnis enim, Rom.*
quicumque inuocauerit nomen Do- 10.
mini, saluus erit; quomodo ergo in-
uocabunt, in quem non crediderunt?
aut quomodo credent ei, quem non
audierunt? quomodo autem au-
dient sine predicante? quomodo
verò predicabunt, nisi mittan-
tur.

CAPVT XV.

De INDUCTIONE.

INDUCTIO plures similitudines, & exempla ad vnum affectum congregat, vt diximus cap. 10. de amplificationibus, ex quo exempla peti possunt. Hinc illud: Age inter poma, quodnam generosissimum dices, an non id quod optimum est, & quis equus, piscis, ager, pratum, nonne horum id dicitur generosissimum, quod optimum? dicitur profectò. Quocirca inter homines generosissimum eum esse dicemus, non qui natalium splendore anteit cæteros, sed qui virtute, & probitate morum reliquis hominibus præstat. Delectantur non solum oratores, sed Poëtæ inductione, quæ est apud Ouidium frequentissima: vt 4. de Tristibus, Eleg. 3.

*Hectora quis nosset, felix si Troia
fuisset?*

*Publica virtutis per mala
facta via est.*

*Ars tua Tiphys iacet, si non sit in
aquoze fluctus.*

*Si valeant homines, ars tua
Phoebe iacet.*

Dup autem præcipue in In-
ductione cauenda: primum, vt
quod inducimus vel per simili-
tudinem, vel per exemplum,
eiusmodi sit, vt necesse conce-
datur; deinde vt id cuius con-
firmandi causa fit Inductio, si-
mile his rebus sit, quas vt cer-
tas ante induxerimus. Huius ar-
gumentationis insigne est exem-
plum Eccles. 44. & sequenti-
bus.

Exemplum imperfecta est In-
ductio; nam in inductione plu-
ra assumuntur, in exemplo, vno
tantum contenti sumus. Est au-
tem Exemplum rei gesta, vel

tanquam gesta, utilis ad persuadendum id, quod intenderis, commemoratio; iis autem verbis, *vel tanquam gesta*, parabola significatur. De hoc vide supra in secunda parte locum à Comparatis.

CAPVT XVI.
DE EPICHEIREMATE,
ENUMERATIONE,
SUBIECTIONE.

SOLET etiam inter argumentationes numerari **EPICHEIREMA**, quod bifariam ab authoribus sumitur, aliquando pro Syllogismo, aliquando pro breviter comprehensa ratione, quæ ad ipsum Syllogismum reduci potest. Sic illud Prophetæ, *Malum & amarum est reliquise te Dominum Deum tuum.* Ex quo ita Syllogismum conficies: Ma-

ter.
2.

ximum malum est à summo bono discedere, & maximè amarum fontem totius suauitatis, & dulcedinis reliquisse. hæc est propositio. Sed Deus est summum bonum, & perennis fons vitæ & dulcedinis. hæc est assumptio. Malum igitur & amarum est reliquisse te Dominum Deum tuum. hæc est complexio.

ENUMERATIO est in qua pluribus rebus expositis & cæteris infirmatis, vna reliqua necessario confirmatur. Quæ argumentatio à sufficienti partium enumeratione dicitur: vt, calliditas non est iustitia, nec fortitudo, nec temperantia, neque prudentia; ergo non est virtus. Vide quæ diximus in locis à partium distributione, & à genere, & specie.

Enumerationi finitima est **SUBIECTIO**: nam quidquid

enumeratione tractatur, multo elegantius per subiectionem reddi potest. Ea est cum quærimus quid contra nos dici potest, idque singulatim referimus, nobisque ipsis respondemus. Ut Cicero pro Cælio, *Dicet aliquis, hæc igitur est tua disciplina? sic instituis adolescentem, & quæ sequuntur.*

CAPUT XVII.

De COLLECTIONE.

SED inter omnes argumentandi formas Collectio est plenissima, atque ideo oratori maximè propria, quæ una superiorum argumentationum vim in se complectitur. constat quinque partibus, Propositione, Ratione, Rationis confirmatione, Exornatione, Complexione, siue conclusioni.

Propo

Propositio est, per quam ostendimus summatim quid sit, quod probare volumus.

Ratio est potissima causa, quæ demonstrat id verum esse, quod intendimus.

Confirmatio rationis est ea, quæ pluribus argumentis corroborat breviter expositam rationem.

Deinde sequitur Exornatio, vel expositio, in qua orator artis, & ingenij vim maxime ostendet: ea verò præcipue locum habet, cum ratio, aut confirmatio, aut etiam propositio latentem vim continet, quæ brevi oratione explicari non potest, quam ille suis coloribus inspicendam, & veluti spectandam omnibus proponet.

Exornationem sequitur Conclusio, illa adhibetur, cum oratio longius euagata fuerit, tunc enim totius argumentationis

summam, quàm breuissimè poterit, complectetur. Vt si quis de Dei amore agat, propositio erit, Deus est super omnia amandus. Propositio autem non nuda & obscura dicatur, sed si opus est definiatur, & diuidatur, vt hæc: Cum amare sit, alicui bene velle, & facere, Deo autem nihil nos conferre possimus, quod illi desit. Amare Deum erit, ad illum bene animo affici, de illius summa felicitate gaudere, illius laudem, & gloriam in omnibus desiderare, quòd non cognoscatur, & ametur ab omnibus, dolere, ad illius gloriam multa agenda proponere, in illius beneplacitum, & voluntatem sese resignare.

Explicata propositione sequitur illius ratio, quia est summum, & ex omni parte perfectissimum bonum, hæc etiam ratio explicanda, definienda & diuidenda est.

Sequi

Sequitur huius rationis confirmatio, quæ pluribus argumentis fiet, peritis ex locis tam propriis, quam remotis.

Hanc confirmationem sequitur vel potius comitatur exornatio, illa enim argumenta aliis, atque aliis rationibus exornanda, & amplificanda sunt.

Quæ omnia colliger, & amplectetur conclusio, quæ ad propositionem redit, nempe Deum ab omnibus, super omnia amandum.

Tria autem hic annotata esse velim. *Primum* posse totam orationem & causam vna collectione comprehendere, & per eius quinque partes optime disponi. *Secundum*, aliquando nunc hanc, nunc illam partem orationis, quæ aliter disposita fuerit, collectione confirmari vna, vel pluribus, si opus fuerit. *Tertium* tam hanc, quam reliquas omnes

argumentationes, quas diximus, ad Syllogismi formam reduci posse, atque ex illa vni omnem assumere.

Syllogismus autem, qui bene dispositus est perfectissima argumentatio, robur suum assumit ex primis his duobus principiis, dici de omni, & dici de nullo. Nam si procedit negando, probat id, quod de nullo superiore dicitur, de nullo inferiore sub illo contento dici.

Si autem Syllogismus procedit affirmando, probat quid quid dicitur de omni superiori, dici de omni inferiori contento sub illo. Hæc autem affirmatio & negatio reducitur ad primum illud, & maximum totius veri principium, quodlibet est, vel non est. Quod facile exemplis monstrari potest.

CAPVT XVIII.

*Quæ & quomodo sint CON-
FIRMANDA, &
REFELLENDÆ.*

ATQUE hæc de argumen-
tationibus, quibus causam
nostram confirmamus, & aduer-
sarij argumenta, quæ vel obiecta
sunt, vel obiici possunt, refelli-
mus. In quò plurimum laboris
& operæ ponet, ne quid quod
opponi possit, relinquat, quod
non infirmet. Id autem fiet, vel
negando, quæ falsa videbuntur,
vel si negari omnino non pos-
sunt, ostendet non adeò esse ve-
ra, ut illi putant, vel contra fir-
mam aliquam rationem, aliam
æquè firmam, aut firmiorem af-
ferat. Omnia enim quæ refelli
possunt, vel falsa sunt, vel partim
falsa, & partim vera, vel omnino

H 5 vera,

vera, quæ, vt nuper dixi, retundenda sunt, & veris vera, vel veriora opponenda.

In argumentis, quibus nostram causam confirmamus, id est aduertendum maximè, vt firmum argumentum in principio collocetur, firmissima in extremo, reliqua in mediam turbam coniciantur.

In confirmatione item caueat diligenter orator, ne sterilis sit, & ieiunus, res dialectico more, simplicibus verbis sine vlla amplificatione enuncians: vel e contrario, ne dum hoc vitium fugere studeat, rem eandem aliis verbis idem significantibus sine vlla figurarum, aut sententiarum varietate dicat, aut, quod multo foedius, & fastidiosius est, eandem sententiam frequenter repetat, quod vitium *ταυτολογία* appellatur.

Cum ab vno capite, vel argu-

mento

mento deueniendum est ad al-
tius transitioni locus est con-
cludendo, quod erit dictum pre-
uissimè, & proponendo, quod
sequitur. Variam tamen transitio
debet, & interdum ipse auditor
ad nouam attentionem breuiter
præparandus est. Data etiam oc-
cassione poterit vel necessitatis,
vel utilitatis causa digressiones
aliquas facere, non autè longas,
nec admodum frequentes, &
quæ iis, quæ dicuntur, bene co-
hæreant, nec à proposita mate-
ria animos longè distrahant, quæ
omnino non tam artis præceptis
instituenda, quam oratoris pru-
denti iudicio relinquenda.

CAP. V. T. XIX.

DE EPILOGO.

Ultima orationis pars est
Epilogus, vel perora-

tio, quæ ad excitandos animos auditorum pertinet, ubi omnes eloquentiæ fontes p[er]aperiendi sunt, ob hoc quoque & similia.

Constat autem enumeratione, & amplificatione.

Enumeratio est per quam res dispersæ, & fusiùs dictæ vnum sub aspectum coniiciuntur. Hæc semper, non eodem modo fiat, sed vario atque diuerso, vt suspicio, artificij, & satietas euitetur.

Fit autem duabus de causis, aut memoriæ reficiendæ, si longior fuerit oratio; vel causæ confirmandæ gratia, si conductis in vnum firmamentis, vis eorum maior futura sit.

Enumeratio verè fiet, aut res omnes quas dixeris, breuiter attingendo, aut in memoriam reduciendo quas partes in propositione exposueris, & quibus rationibus vnamquamque propo-

fitio

sitionis partem confirmaueris, aut per breuem comparisonem nostra argumenta cum aduersariis conferendo.

Potest etiam enumeratio diuersis figuris variari, modò interrogationibus, quæ suprà dicta repetant, aduersarium vrgendo, modò per Protopopœiam rerum inanimatarum, aut per Ethopœiam personarum, quæ cum amplificatione omnia reuocant in memoriam: modò exclamatione, admiratione, vel graui auditorum reprehensione, quæ etiam amplificationi seruiat, quæ est secunda perorationis pars.

Amplificatio verò, quanuis variè per totum orationis corpus peragenda sit, in fine tamen orationis quando auditor flectendus, vel à turpi actione deterrendus, vel ad honesta excitandus, præcipuas habet partes: commodissimè autem peroranda

iam

iam causa, velut strue lignorum
composita, affectuum flamma
confurget, quæ tanto erit arden-
tior, quanto probatio fuerit fir-
mior, & efficacior. Qui de re
non grauabor D. Aug. lib. 24. de
doctrina Christiana subicere
sententiam. Si qui audiunt, in-
quit sanctissimus Doctor, om-
nendi sunt potius, quam docendi,
ut in eo, quod sciunt, agendo non
torpeant, & rebus assensum, quas
veras esse fateantur, accommodent,
maioribus dicendi viribus opus est.
Ibi obsecrationes, & increpationes,
concoitationes, & coercitiones,
& quæcunque alia valent ad
commouendos animos, sunt necessa-
ria. Cum vero id docetur, quod
agendum est, & ideo docetur, ut
agatur, frustra persuaderetur verum
esse, quod dicitur, si non ita dicitur,
ut agatur. Oportet igitur eloquen-
tem Ecclesiasticum, quando facit
aliquid quod agendum est, non so-

lum docere, ut instruat, & delectare, ut teneat, verum etiam flectere, ut vincat. Sicut est autem, ut teneatur ad audiendum, delectandus auditor; ita flectendus, ut moueatur ad agendum: & sicut delectatur; si suauiter loquaris; ita flectitur si amet quod polliceris, timeat quod minaris, oderit quod angis, quod commendas amplectatur, quod dolendum exaggeras, doleat, cum quid delectandum predicas, gaudeat, misereatur eorum, quos miserandos ante oculos dicendo constituis, fugiat eos, quos cauendos terrendo proponis, & quidquid aliud grandi eloquentia fieri potest, ad commouendos animos auditorum, non quia agendum sit, ut sciunt, sed ut agant, quod agendum esse iam sciunt: si autem adhuc nesciunt, prius utique docendi sunt, quam mouendi. Hactenus Augustinus, qui eleganter Rhetoricæ finem, eloquentiæ vim, & oratoris offi-

ciui

cium describit.

Ultimam concionis clausulam finiet optimè grauis aliqua sententia, quæ sua vi & dignitate grauitè afficiat, & pungat vehementer auditorum animos. Bonus sæpe & erit concionis terminus per apostrophem ad Christum, vel ad Patrem aliquando, & ad beatam Dei Matrem, vel Sanctos, præsertim in eorum festis diebus. Poterit aliquando conuerſi oratio ad peccatorem, vel exorando, vel exhortando. Poterit excitato ingenti terrore sermo repente abrupti, vel cum ingens aliquis affectus aut tristitiæ, aut commiserationis, aut lætitiæ & desiderij commotus est. Curet etiam diligenter ne in fine intepescat oratio, qua de causa ne multum immoretur in affectibus vehementioribus excitandis, nec enim vehemens a-

nimi

nimi concitatio potest esse non brevis.

CAPUT XX.

*De DISPOSITIONE in
singulis causarum generi-
bus, & in primis DELI-
BERATIVO.*

ORATIONIS partibus explicatis, quanvis illarum præcepta omnibus causarum generibus deseruiant, quo tamen modo illa orator, præcipue Ecclesiasticus, ad singula possit accommodare, differamus, ac in primis de genere DELIBERATIVO.

Genus hoc continet suasionem, & dissuasionem. in quo attemptos præcipue facimus auditores, quanvis aliquando benivolentia, & docilitas captanda sit.

Narra

Narratio in huiusmodi causis
ferè locum non habet: propo-
sitio tamen, & interdum diuisio,
necessaria est, & scopus ante o-
mnia præfigendus, ne auditor
dubius hæreat, & incertus.

In suasionè valent maxime tri-
bonorum genera à nobis sæpius
repetita, honestum, vtile, & iu-
cundum, quibus adiungitur faci-
le, tutum, sine periculo, necessa-
rium: id autem est, quod ut fiat,
arbitrij nostri non est, sed tan-
quam ex diuina necessitate o-
mnino fit.

Aliquando præter communes
locos poterunt argumenta as-
sumpta aliunde, nempe tota ora-
tio partiri in hac tria capita.
Primo, id quod suadetur, quam in
Dei gloriam cedat. *Secundo*,
quam ad aliorum exemplum, &
edificationem. *Tertio*, quantum
valeat ad nostram utilitatem.

Poterit oratio etiam disponi.

Primo, proponendo præceptum Dei. *Deinde* promissionem ipsius Dei, post opem præsentem eius, minalque contrafacientibus intentatas. Quæ deinceps omnia Scripturis, authoritate Patrum, ac sapientum, rationibus & exemplis confirmabuntur.

In dissuadendo ordo desumetur ex contrariis omnino locis, ostendendo id, quod dissuadetur, quàm sit turpe, inutile, iniucundum, periculosum, non necessarium, quàm difficile, & impossibile esse ostendere contendat.

Persæpe, ut alibi diximus, contingit, ut eadem res honesta sit, non tamen utilis, aut iucunda, aut facilis, vel e contrario. Qua in causa quæ desunt minuenda sunt, quæ insunt rei amplificanda, & illis quæ desunt, præponenda.

In

In Epilogo enumeratis argumentis affectus concitandi sunt, quibus ad id, quod iam probauimus, efficiendum impellamus.

Illud etiam proprium Ecclesiastici oratoris est, comprobata iam causâ præcepta tradere, & viam aperire, qua auditor & virtutem sequi, & vitium possit effugere. Quamobrem videat diligenter Ecclesiastes, ne ea, quæ dicuntur, à suis moribus dissentiant. Atque in hoc genere optimus perorandi modus esse solet, non ad vnam aliquam virtutem, sed ad omnia virtutum officia exhortari. Quæ dicendi ratione epistola ad Romanos, & Hebræos clausit D. Paulus.

CAPVT XXI.

*De DISPOSITIONE in
genere EXORNA-
TIVO.*

PLURES rationes in dispo-
nendis eorum, qui commen-
dantur, laudibus assignari so-
lent.

Prima, & quæ maximè natu-
ralis est ratio, ad historicam pro-
pe narrationem accedit, cum ser-
uatur ordo temporum, & ita res
disponuntur, ut euenire: primò-
que loco dicantur ea, quæ or-
tum alicuius præcellerunt, cu-
iusmodi sunt genus, patria, pa-
rentes, & si qua præcellerunt di-
uina prodigia. Inde quæ ad vi-
tam spectant, ut educatio, pueri-
tia, studia; tum res in vita gestæ,
atque virtutes. Denique mors,
si quid habet illustre, & quæ
mortem consequuntur.

Aliquan

In Epilogo enumeratis argumentis affectus concitandi sunt quibus ad id, quod iam probauimus, efficiendum impellamus.

Illud etiam proprium Ecclesiastici oratoris est, comprobata iam causâ præcepta tradere, & viam aperire, qua auditor & virtutem sequi, & vitium possit effugere. Quamobrem videat diligenter Ecclesiastes, ne ea quæ dicuntur, à suis moribus dissentiant. Atque in hoc genere optimus perorandi modus esse solet, non ad vnam aliquam virtutem, sed ad omnia virtutum officia exhortari. Quam dicend ratione epistola ad Romanos, & Hebræos clausit D. Paulus.

CAPVT XXI.

*De DISPOSITIONE in
genere EXORNA-
TIVO.*

PLURES rationes in dispo-
nendis eorum, qui commen-
dantur, laudibus assignari so-
lent.

Prima, & quæ maximè natu-
ralis est ratio, ad historicam pro-
pe narrationem accedit, cum ser-
uatur ordo temporum, & ita res
disponuntur, ut euenire: primò-
que loco dicantur ea, quæ or-
tum alicuius præcellerunt, cu-
iusmodi sunt genus, patria, pa-
rentes, & si qua præcellerunt di-
uina prodigia. Inde quæ ad vi-
tam spectant, ut educatio, pueri-
tia, studia; tum res in vita gesta,
atque virtutes. Denique mors,
si quid habet illustre, & quæ
mortem consequuntur.

Aliquan

Aliquando hic ordo inuertitur, pro varietate locorum, & personarum, estque secunda ratio disponendi, vt à nouissimis ordiamur tanquam recentissimis, quem ordinem commodè seruamus, cùm postrema & proxima vim habeant excitandi auditores, ad reliqua omnia, quæ præcesserunt, commendanda.

Tertia disponendi ratio est, cùm nullo ordinis tempore conseruato, omnes alicuius Sancti laudes eiusque dicta, aut facta, ad summa quædam capita referimus, videlicet quomodo se gesserit erga Deum piè, erga proximos iustè, erga seipsum sobriè.

Quarta, forma est, cùm à minoribus ad maiora oratio, quasi per quædam incrementa & gradus, ascendit, ita vt semper crescat vsque ad summum.

Quinta est cùm res varias, & aliquando contrarias contexi-

mus:

mus: vt si de laudibus D. Pauli agens, dicas, quanta fuerit eius in aduersis tolerandis patientia, in arduis superandis fortitudo, quæ eius animi demissio, cum dixerit, *Non sum dignus vocari Apostolus, quia blaphemus fui;* quæ inuicta eius constantia cum addidit, *plus omnibus Apostolis laborari.* Hæc autem inæqualis varietas, cum parua magnis, humilia summis, læta tristibus conferuntur, maximum affert orationi splendorem.

Sexta potest esse disponendi ratio per comparisonem, quæ maximè in exornationibus valet, & aliquando oratio tota ex comparatione contextitur; sic cum Ioseph Patriarcha sponsus vt Beatissimæ comparatur à D. Bernardo.

Septima, potest orator ad hæc tria capita laudes alicuius Sancti reuocare. Primum vt explicetur

locus

locus aliquis Scripturæ qui ad rem faciat, desumptus plerumque ex Evangelio, vel Epistola eius diei, solent enim Evangelia ea legi in Sanctorum celebritatibus, quæ aliquid doceant, & contineant, in quo Sanctus, qui colitur, excellens habeatur. Post tractatum Scripturæ locum, & thesaurum aliquam, amplificabit egregia aliqua Sanctorum facta, ostendendo quàm illi conveniant, quæ supra in communi differuerit. Deinde tertio loco, debet transire ad locum suavorij generis, excitando ad imitationem laudatarum virtutum. Nuda enim persæpe ac sola laus non multum utilitatis affert. In miraculis verò, quæ imitari non possumus, nunc diuinam bonitatem, nunc ardentissimum Dei in suos amorem, paternam curam, singularem providentiam, infinitamque potentiam licebit

ostendere, quo plurimum commouentur auditores. Poterit etiam suis in locis appositâ exhortatio, atque etiam reprehensio adhiberi in eos, qui leuiores non præstant, cum Sancti ex eodem luto confecti tanto maiora præstiterint.

CAPVT XXII.

De genere DIDASCALICO, & aliis.

QUANTVS in quouis genere aliqua pars orationis docendis auditoribus persæpe concedatur, in hoc fere tota oratio ad illos instruendos pertinet, ita tamen vt motus non desit. Meminisse enim debet Ecclesiasticus orator maximum discrimen inter se & præceptore interesse, ille enim intellectum solum erudire studet, ipse volun-

I tatem

tatem etiam mouerè, & ad pietatis studium audientium animos inflammare, quod sæpius admonuimus.

In hoc genere dispositionis ordo, idem ferè est, qui inuentionis. Præfixo enim themate, quo docilis maximè reddendus est auditor, & si causa petit, attentus etiam & beneuolus, in re primùm quærendum est, an sit, deinde eius natura quæ sit, tertio loco proprietates, quas habet, postremò causæ à quibus pender, vel omiſſa quæſtione, an sit, si rem eſſe in dubium non vocatur.

Primum quid sit explicetur, tum quæ sint eius proprietates, quæ species, ac partes eius, gradus item, denique causas & effectus ostendere.

Cuius potest promptus esse ordo, quem in singulis materiis D. Thomas sequitur, qui planè in

seruan

seruanda methodo optimè excellit.

Aduertat tamen Ecclesiastes, ne semper eundem ordinem sequatur, sed pro re nata variet, nec retineat modos dicendi scholasticos, concisumque disputandi genus, sed dilatat, & amplificet orationem. exempli gratia. Si de patientia loquatur, explicet quid sit eius natura, & in quo vera patientia sita sit, quòdnam habeat obiectum, quos actus, idque non concisis definitionibus, sed explicando, atque amplificando aliquas, vel sacræ Scripturæ, vel sanctorum Patrum sententias. *Tertiò* quæ sint huius virtutis affectiones, & propriæ conditiones, & attributa, quàm sit meritoria, quantas secum perfectiones inuehat. *Quartò* quibus modis acquiratur. *Postremò* ad eius studium excitandus est auditor.

IN CONSOLATORIO genere, cum oratio funebris habetur, nec tota in laudibus defuncti, nec tota in consolationibus amicorum infumenda: sed tractato aliquo communi loco, qui utrique deserviat, præclara facta defuncti ostendantur, inde tertio loco consolationes amicorum petantur, quarto ad illius imitationem, qui velis ad aliquam aliam virtutem, vel piam opem, vel mortis memoriam orator excitet auditores.

In reprehensione idem ordo servandus, qui in dissuasiōe, scilicet ostendendo quam sit inipe- & impium, inutile, perniciosum, iniucundum, difficile, item ex sacris locis, argumentando ex Dei voluntate, contra quam peccatur, ex præceptis, quæ violantur, ex Dei minis, & poenis, quæ peccantibus imminent, in quam sententiam multa desumi pos-

III

I

I

sunt

unt ex sacris Scripturis, placet
puer ex Prophetarum oraculis.

C A P I T U L U M XXIII.

De variis EVANGELII tra-
ctandi rationibus.

Vel nemo intelligat per Ecce-
ptas ad quod ex supradit-
tis genus epistolae spectet, omni-
que ex illius præceptis disponat,
vel ex his modis, quos nunc as-
signabimus, quem in alterutro, se-
que[mur] et motibus et non
Primo, solum aliquis brevissimè
exponere totum Evangelium,
per modum Paraphrasis cuius-
dam, quod per summa capita
cum lepore & claritate facie-
dum est, repetendum, si opus fue-
rit, breviter superiora, ut con-
stantur præsentia, annotando lo-
ci & temporis circumstantias,
cùm res postulat, deinde unum,

liber

I 3

aut

aut duo capita seliguntur, quæ prædictum thema comprehenderit, tota concione disputanda, & explicanda.

Secundò, Evangelium totum percurritur, & explicatur per modum homiliae, quæ est quasi sermo valde familiaris, adhibendo aliquas licet modicas amplificationes, exhortationesque. Hæc dicendi ratio, quæ communis fuit sanctis Patribus, habet tres partes; *primò* præparationem per modum exordij disponentis auditorem, *secundò* partem didascalicam, in qua dicitur aliquid circa sensum literalem, *tertiò* exhortationem morum cum aliqua precatiuncula ad Deum, cum sese offert occasio.

Tertiò, distribuimus in aliquo membra totum Evangelium, & per se singula consideramus, & quodlibet membrum habet distinctas suas considerationes, &

doctrinæ

doctrinam morum, etiamsi inter se non habeant connexionem. Hic modus licet ad delectationem plerumque valeat, quia noua & speciosa, & magis varia afferri possunt, non tamen æquè ad vtilitatem valet; si enim orator nunc hunc, nunc illum affectum mouet, vix vnum assequetur, nam neutrum capit qui duos insequitur lepores, quid si quatuor.

Quarto, videtur plus habere grauitatis & ingenij, ac etiam commodi, si instituatur de vnaquapiam re disputatio, eaque tractetur per aliquas considerationes ex ipso Euangelij contextu erutas, ad eandem doctrinam pertinentes. Hic modus facile recipit omnem dicendi varietatem, amplificationes, ac motus animorum. Vt in tertia Dominica Quadragesimæ potest agi de regno tyrannico dæ-

monis. Vbi tria tractari possunt. Quis hic Tyrannus sit, qui in ipso Evangelio demonium mutum, fortis armatus, spiritus immundus dicitur; deinde vbi exerceat suam tyrannidem, nempe in mundo, & anima peccatrice, quæ regnum schismaticum, ac diuisum, atrium, & domus vacans, scopis mundata, & ornata ibidem appellatur; postremò quibus modis regnat, nempe reddendo subditos, cæcos, surdos, & mutos.

Quintò, ipsa Evangelica historia aliquando habet suam methodum, & partitionem, quæ seruari potest. Vt in historia diuitis epulonis, potest explicari. *Primò* vtriusque conuersatio in hac vita; *secundò* vtriusque ex illa migratio; *tertiò* vtriusque post hanc vitam status.

Sextò, potest de vna aliqua Evangelij sententia, thematis loco

assumpta

assumpta, ordinari concio. Ut super illo themate; *Ite, ostendite vos sacerdotibus, agamido confessione, & proponam quatuor. Primo, ite, accedite ad amorem confessionem; secundo, ostendite, simplicem ad sinceram futuram; tertio, vos, accusationem sui; quarto, sacerdotibus, obedientiam præstandam confessionis.* *Septimo, tota historia Evangelica, vel maior pars potest trahi & referti ad unam aliquam sententiam præcipuam Evangelij: ut in historia Lazari suscitati, posset agi de Christi amore, cuius in eo facto plurima sunt testimonia.* *Octavo, aliquando sola una vox, quæ in sacris literis, varias habet significationes, & vel in bonam, vel malam partem accipitur, occasionem præbet, ut methodum aliquam sequamur. Ut in illa verba. *Ego dico vobis non**

irasci, pollet agi de ira bona, & mala; & in illa, *calicem meum bibetis*, de calice Babylonis, & Christi.

Nonò, animaduertendum est diligenter, quis sit præcipuus Euangelij scopus, ab Ecclesia & Spiritu sancto intentus, & de eo potest agi; vt prima Dominica Aduentus, de duplici aduentu Christi, primò cum magna demissione, & humilitate, secundò cum potestate magna. & maiestate.

Decimò, in parabolis non est difficilis disponendi modus. *Primò* venari & explicare oportet parabolæ scopum. *Secundò* philosophari ex symbolica Theologia, exponendo similitudinem parabolæ, cum re, quam inuoluit, vt verbi Dei, cum semine; Christi, cum vite. *Terriò* ad mores explicare, & ad persuadendum, quod Christus intendit.

Vnde

Vndecimò, aliquando idem locus Euangelij diuerſas habet explicationes SS. Patrum; methodus poteſt eſſe ipſa loci tractatio, ſecundùm diuerſas expoſitiones. Vt in illa verba, *Niſi abundauerit iuſtitia veſtra*, &c. quàm debeat iuſtitia Chriſtiana non ſolùm ſiſtam iuſtitiam Pharifæorum, ſed veteris etiã legis iuſtitia ſuperare.

Duodecimò, ex Euangelio poteſt ſumi occaſio tractandi aliquam materiam neceſſariam, etiamſi valde diſcederet ab hiſtoria Euangelij, dummodo cauſa redderetur. Vt in Euangelio dæmonij muti, poſſet agi de confeſſione.

Decimotertiò, poterit Eccleſiaſtes *primò* totum Euangelium breui explicatione percurrere: *ſecundò* aggredi locum aliquem communem, vtilem, immorando in rebus maioris ponderis, huc omnes ingenij neruos intendat:

tertio, descendat, & applicet ad particularia, terreat, consoletur, horretur; aliosque affectus moueat, prout materia exigit; *quarto* ad perorationem veniat per aliquam exhortationem & amplificationem.

Quamvis ex supradictis modis poterit in Evangelica lectione tractanda observare, caueat autem, ne semper eodem modo procedat. Hoc enim in hac disciplina perpetuum est, ne quid perpetuò fiat. Iam sibi ab initio scopum finemque præfigat, & ad quem affectum auditores commoturus sit: in ipso exordio disponat optimè auditores, remoueatque impedimenta, quæ efficiunt ut minus persuaderi, aut moueri possint. Alij enim consuetudine potius, quàm studio proficiendi adducti, alij curiositatis affectu, alij negligenter & oſcitanter con-

cionibus interfunt, quibus malis præceptis attentionis magna ex parte poterit prouideri.

CAPVT XXIV.

De DISPOSITIONE in
aliis concionibus.

QUÆ de Euangelio tractando dicta sunt ad alias conciones applicari possunt. Aperiam tamen, & ostendam vias aliquas, in diuersis materiis obseruandas, quas etiam in explicatione Euangelij sequi aliquando possumus.

Primus modus erit, vt tractetur prius thesis aliqua vniuersalis, secundò descēdarur ad hypothesein. v. g. de ieiunio dicturus, loquar prius de illo in genere, deinde de quadragesimali. Thesi seruiunt loci communes, hypothesi multæ circumstantiæ par-

ticu

ticulares.

Secundò, potero sequi ordinem quatuor causarum, in quibus maxima & plurima latent argumenta, ad nostrum erga Deum obsequium probandum & persuadendum, & ad quamvis aliam materiam, si attentè considerentur, & excutiantur causæ.

Tertiò, possunt in primis explicari, quæ ad essentiam rei pertinent, deinde circumstantiæ, & accidentia: vt de mysterio Natiuitatis Domini, primùm dicam ipsum mysterium, quantum ad vnionem & assumptionem humanæ naturæ, omnes eius causas, deinde & circumstantias, loci, temporis, modi, & personarum percurrente.

Quartò, vnus aliquis actus potest ex diuersis obiectis considerari, & dilatari: vt explicaturus illa verba, *Nimis honorificati sunt amici tui Deus*, explicabo, quanto

in

in hac vita illos Deus viuos, quanto mortuos, quanto in æterna illos honore afficiat, vel illorum animas, corpora, ac res etiam minimas, & alioquin viles.

Quintò, si virtus, & actio aliqua bona sit suadenda, ex multis rationibus & argumentis feligam plerunque tria efficaciora, vt dicturus de eleemosyna, quàm similes nos Deo efficiat, quàm sit homini, maximè Christiano propria, quantis priuilegiis cumuletur à Deo, in hac & futura vita. Sic de ieiunij antiquitate, necessitate, & utilitate.

Sextò, potest tractari materia per modum quæstionis, quæ tamen nec nimis acuta sit, sed quæ ad mores spectet, nec scholastico more tractetur. In hac variaz sententiæ afferantur, quæ oratoris more refutentur, dein-

de

de ea adducatur, quam suadere velim. Ut acturus de causa peccati, dicam aliquos referri ad cœlorum influxus, alios ad malam complexionem, alios ad malam educationem, vel tentationes dæmonum; quibus confutatis, dicā esse malam voluntatem.

Septimò, cum ago de aliqua virtute, aut vicio, ex multis, de quibus disputant Theologi, aut Philosophi, ut sunt nomina diversa, natura, species, gradus, actus, proprietates, indicia, causa, effectus, contraria, remedia, seligam duo, vel tria, quæ tractem, ut de orationis affectibus, de humilitatis gradibus, de iustitiæ speciebus.

Octavò, acturus de aliquo subiecto, seligam aliquam sacræ pagina sententiam, & colligam ordinem ex eius verbis. e. g. si acturus de morte, sumam verba, *Memore esto iudicij mei, si eris tuius,*

mibi

mibi heri, tibi hodie. Vbi si singula verba expendero, modus erit tractandi, & ordinandi concionem facilis, grauis, & utilis.

Nono, potest concio tota continere aliquam similitudinem, vel parabolam, vel allegoriam, vel actum aliquem humanum, & per considerationem earum rerum considerabo aliquid spirituale: vt si de confessione agam, tanquam de medicina, vbi consideratur medicus confessorius, infirmus poenitens, morbi peccata, remedia, poenitentia peccatorum. Vel agam de confessione, tanquam de iudicij tribunali, vbi iudex est confessorius, reus poenitens, peccata, quæ examinantur, deinde fertur sententia; sic per effectus cibi corpori ostendam effectus sacrae Eucharistiae.

Decimo, non erit valde ab similis à superiore, qui sequitur, modus; is est, si proponatur ante

oculos mentis aliqua pictura, siue emblemata, siue imago, in qua describantur, quæ alicui rei spirituali conueniant. Sic ex vestibus sacerdotis Aaron, qualitates Christiani sacerdotis exquiram. D. Bernardus religiosos dentibus sponsæ comparauit.

Vndecimò, potest tractari aliqua cōcio per symbolicā Theologiam, quæ applicat rebus spiritualibus corporalia, & sensibilia: vt, *Ego sum lux mundi; Tu es Petrus; Vos estis sal terra*; tunc inuentis proprietatibus lucis, petræ, & salis, optimè licebit philosophari.

Duodecimò, potest orator scripturam vnā cum alia conferre, & figuram figurato comparare, notatis vtriusque circumstantiis; sic Eucharistiam per manna, Christum crucifixum per serpentem æneum explicabo.

Decimotertio, potest tractari aliqua doctrina tanquam para-

doxum

doxum aliquod : vt, nemo la-
tur, nisi à seipso. Maior est liber-
tas Ioannis vincti, quàm Hero-
dis liberi: vbi oportebit remoue-
re difficultates, quæ apparent, &
veritatem firmis argumentis sta-
bilire.

Decimoquarto, nominis ety-
mologia aliquando non solum
materiam præbet, sed etiam or-
dinem: vt de nomine Iesu actu-
rus, dicam illum totum esse sa-
lutarem, verbis, actionibus,
oculis, manibus, exemplo, vita,
& morte.

Decimoquinto, solet per mo-
dum dialogi institui concio,
quod potest fieri dupliciter, vt
solus concionator loquatur, re-
ferens colloquium inter perso-
nas, vel verè habitum, vel à se
fictum; vel possunt ipsæ perso-
næ loquentes introduci, vt in die
Annunciationis Angelum, & sa-
cratissimam Virginem. Quo in
dicen

dicendi genere, ita personarum decorem seruet orator ut meminerit se sacrum oratorem agere, non poetam.

C A P V T X X V.

De triplici alia DISPOSITIONE concionis.

PRIMO vna atque eadem materia solet per plures conciones disponi, ut de confessione, de præceptis Decalogi, de nouissimis, &c.

Potest vnaquæque concio à suo themate exordiri, quæ particularem illius concionis tractationem contineat: ut de incertitudine mortis acturus dicam, *Nescitis diem, neque horam*. Vel poterant omnes conciones idem thema proponere, *Memorare nouissima tua*, &c. singulae autem conciones ordinantur, per aliquem

quem ex supradictis modis, ad eum scopum, quem peculiariter sibi orator in præfenti oratione præfixerit, & ad quem impellere velit auditores, ut ad timorem mortis, quia incerta est. In hoc dicendi genere commodum erit breuiter repetere superiori concione dicta, quibus coniungat præsentem tractationem quam ita verfer, ita amplificet, variisque rationibus, & exemplis probet, ut sese intra cancellos propositi finis continens, non excurret ad ea, quæ sequentibus concionibus dicenda sint; poterit tamen, cum se res offert, vel in fine concionis se de illis acturum polliceri.

Frequens est alia dicendi ratio, quæ in enarrando celebriori aliquo exemplo versatur, quod ad id, quod volumus persuadere, accommodetur. Huic orationis generi deseruiant plurima, quæ

supe

superiùs dicta sunt, ea præcipuè, quæ de narratione diximus cap. 8. Tractato enim priùs loco aliquo communi, vel sententiæ aliqua sacræ Scripturæ, quæ mihi thema concessit ad finem propositum accommodatum explicata, omnia adiuncta, tam quæ rem præcedunt, quàm quæ comitantur, & consequuntur, expendenda sunt; rerum descriptiones, colloquia personarum, amplificationes euentuum, affectuum, peremotiones adhibendæ.

Possunt etiam fieri digressiones aliquæ, quæ non multum ab instituta oratione discedant, confirmari etiam quæ dicuntur breuioribus aliis exemplis appositis rationibus & sententiis.

Aliquando ad eundem finem duo exempla latiùs tota concione explicentur, inter se contraria, & per comparisonem collata, vt ad mortis memoriam com-

men

mendandā, vnius exitus felicissimus, & alterius infelicissimus. Quoquomodo autē instituatur oratio, claudenda est graui exhortatione, & suasionē, quæ urgeat, & pungat, feriatque auditores. Afferat autem exempla certa, & ex grauioribus authoribus deprompta; antiqua plus authoritatis, recentiora & noua plus motus habent.

Aliquando solet (hæc erit tertia concionis ratio ex tribus præpositis) longior aliqua historia, ex sacris literis potissimum assumpta, pluribus concionibus explicari, non cum maiori auditorum delectatione, atque utilitate. Solet vnum omnibus concionibus thema præponi, vel singulis proprium ex ipso historiae contextu desumi. Historia in plures conciones diuiditur, singuleque eius partes fusiùs dilatatae, variisque rationibus, & amplifi-

catio

cationibus ornatae ad hominum mores, ac virtutem aliquam suadendum, vel dissuadendum, vitium accommodantur, ut dictum est in superiori tractandi exempli ratione.

Commoda exordiendi ratio est in prima concione, si historia illa, tanquam exemplar, ex quo plurima vitae documenta peti possunt, proponatur, & commendetur, quod ad attentionem, docilitatem & benevolentiam plurimum valet, in reliquis concionibus poterit exordiri à breui repetitione praecedentis historiae, ut coniungat consequentem; dilabatur deinde ad thesim aliquam, locum communem, vel sententiam explicandam, ipsi historiae accommodatam; explicet deinde, & amplificet historiae partem praesenti concio-

ni assignatam, vt superiùs diximus, quam solita exhortatio, & amplificatio claudet.

Hæc autem animaduertet in citandis sacrarum literarum testimoniis, vt ea afferantur, quæ rei maximè conueniant, & quæ velut sponte cadant, non quæ violente trahantur inuita. Ne sint nimis crebra, ne trita & communia; eorum germanus sensus, ex alio eiusdem sacræ paginæ testimonio, vel ex communi SS. Patrum sententia explicetur; nec plures translationes, præcipuè si nihil habeant nouum, aut efficax, adducantur; præferat tamen semper vulgatam rem apertam, & perspicuam; non opus est pluribus testimoniis comprobare, & velut obruere, nisi posteriora prioribus aliquod addant, satius esset vnum aut alterum testimonium diligen-

tius expendere. Recitet fideliter, & seruata idiomatis, quo loquitur, proprietate, reddat & explicet fidelissimè.

* *

*





PARS IV.

De ELOQVVTIONE.

CAPVT I.

*Quid sit ELOQVVTIO, &
quæ eius virtutes.*



LOQVVTIO est idoneorum verborum, & sententiarum ad inuentionem accommodatio. In qua spectanda sunt præcipuè quatuor, vt propriè, vt perspicuè, vt ornate, vt congruenter dicamus. Tot enim sunt elegantis orationis virtutes, vt propria, vt perspicua, vt ornata, vt apta sit, de quibus quatuor virtutibus cum suo ordine dixerimus, quartam Rhetorica

rica nostræ partem, eamque oratori maxime propriam, absol-
uemus.

CAPVT II.

De PROPRIETATE.

PROPRIA, & emendata est oratio, quæ eius linguæ, quæ utimur, phrasæ, & syntaxim seruat. Ut si quis Latine loquatur, ita dicat, ut oratio propria & Latina videatur, non externa & Latinitate donata. Cui virtuti tria vitia opponuntur. *Primum* in singulis verbis, & dicitur Barbarismus, qui fit, cum verbum aliquod vitiosè effertur. *Alterum* est in verbis coniunctis, & dicitur Solæcismus, cum consequens verbum superiori non accommodatur. *Tertium* vitium est in linguæ pronunciatione, spiritu, & vocis sono, & dicitur

Barba

Barbaralexis, id est, barbara dictio, vel pronunciatio. De quibus Crassus 3. de oratore sic admonet: *Atque ut Latine loquamur, non solum videndum est, ut & verba efferamus ea, quae nemo iure reprehendat, & ea sic & casibus & temporibus, & genere & numero conseruemus, ut ne quid perturbatum aut discrepans, aut praeposterum sit, sed & lingua, & spiritus, & vocis sonus est ipse moderandus.*

Barbarismus fit, cum alicuius externae linguae vocem usurpamus: ut si quis Hispanas Latinis inferat, vel e contrario; vel quando dictioni pronunciandae addimus, vel detrahimus aut syllabam, aut literam, vel etiam vnam pro alia ponimus, vel transmutamus.

Solœcismus in contextu vocum consistit, cum voces quidem propriae sunt, sed malè con-

tra Grammaticæ præcepta copulata.

Barbaralexis est, cum syllaba alieno accentu pronuntiatur: ut docere, pro docère: vel consonantes, & vocales, non eo modo proferuntur, qui linguæ, qua loquimur, vel regionis, in qua versamur, proprius est: ut si quis duplex l, in voce illud, eo modo proferret, quo Hispani passim videntur in vocibus *llaues*, *lloro*, *llamo*, & similibus, quæ à verbis Latinis *clavis*, *ploro*, *clamo* sumuntur, in quibus prima consonans inigrauit in l, alterum, vel literam g, eodem modo pronuntiaret in linguæ verbo, ac in linguæ nomine, ubi post g, sequitur u, liquida.

Multa hæc Grammaticis disputanda relinquimus de speciebus & modis Solocismi, & Barbarismi, quos etiam ad figuratam transferunt constructio-

nem,

nem; repetat ibi, qui volet.

CAPVT III.

De PERSPICVITATE

orationis.

PRIMA & maxima hæc virtus orationis, ex sententia Aristotelis, & ratio, est evidens: nam ideo sermo est homini datus, vt sensa animi sui alijs aperiat; quare nisi sermo intelligatur, suo fine carebit.

Perspicuitas consistit tum in verbis singulis, tum in coniunctis: in singulis, si illis vtamur propriis, & significantibus, modo ne sint obscæna, & sordida, non afferamus verba antiquata, & obsoleta, & quæ ab vfu communi sint remotiora, nec quæ plures habent significationes, nisi explicentur. In verbis coniunctis consistit perspicuitas, si

rectus sit, non nimis inuolutus, nec implicatus dicendi ordo, nec sermo tam longus, vnde nec mentis intentione assequi possint auditores, si parenthesim nimis longam, si amphibologiam sermonis euitemus, si nimiam etiam & concisam breuitatem fugiamus. Quam etiam virtutem adiuuant omnia quae suprà tradidimus, Narrationis praecepta. Atque illud Ciceronis praecipue obseruandum apud rusticos rusticari summam esse eloquentiam: nec non illud Graeci prouerbij, *Quantumvis rudius dicito, modo clarius*. Et alibi, *Quis prodest loquutionis integritas, quando non sequitur intellectus audientis*. cum loquendi omnino nulla sit causa, si quod loquimur, non intelligitur.

Oratio verò ex suggestu clarior esse debet, cum & semel audienda sit, & nemini interrogare

liceat.

liceat. Vnde si qua sunt dicta
obscurius, possunt ac debent re-
peti: sententię etiam difficiliore
per interpretationes ac similitu-
dines explicari.

CAPVT IV.

De ORNATV orationis.

ORNATVS orationis. (de
congruitate agetur postea)
non est, vt plerique ineptę pu-
tant, exquisita quędam elegan-
tia, in qua magis verba, quàm res
laudantur. *An* ego, inquit *Quin-*
tilianus lib. 8. cap. 3, fundum cul-
tiorem putem, in quo mihi quis osten-
derit lilia, & violas, & amēnos
fontes surgentes, quàm ubi plena
nessis, aut graues fructu vites erunt:
steriles platanos, tonsasque myrtos,
quàm maritatas vlnos, & uberes
oleas præoptarem. Maximam igitur

curam orator in rebus ipsis, magnam in verbis adhibeat, si velit perfectum orationis ornatum comparare.

De rebus multa dicta sunt in inuentione, & dispositione, aliqua etiam dicenda postea, cum de figuris sententiarum agamus; nunc de verborum ornatu dicamus.

Hic etiam, ut proprietas, & perspicuitas, consistit in verbis singulis & in coniunctis. Verborum, si ea singula consideremus, alia sunt aliis grandiora, nitidiora, consonantiora, & quodammodo vocaliora. Consonantiora sunt, in quibus hæ vocales, a, o, u, sunt frequentiores, ut quam, moderatio, concertare, plusquam, et si, modestia, confingere; grandiora sunt, quæ pluralis significant, ut contrucidare, plusquam necare; nitidiora quæ honestius dici possunt, v

bos, non vacca.

His opponuntur exilia, humilia, & fordida. Exilia, ubi consonantiora non sunt; vel illa rei, vel orationis ratio postulat; v. surpari possunt: caueat autem orator ne eorum frequentatione nimis effœminata, & mollis reddatur oratio, ubi fortis & robusta esse debeat. Sordida, quibus offendi possunt castæ audientium aures, fugienda omnino sunt, vel circuitione dicenda: ut illud Plauti, *Iuit, quò satiri solent, pro ad latrinas.*

Humilia etiam euitentur, vel grandia fiant per synonymiam: ut abire, excessit, erupit, euasit; per comparisonem, ut acer, acerrius; per metaphoram, ut cupiditas, ardor; per Hyperbolem, ut currit, euolat; amor, ignis; per epitheta, ut immania pocula. Illud autem in vniuersum præcipi potest, ut rei gravitati, & dicen-

tis dignitati verba singula conueniant; si qua verò videbuntur duriora, excusationis aliqua formula præmuniantur, vt ita dicam, si licet dicere. Vt apud Ciceronem. Atque hæc siue beatitas, siue beatitudo, (vtrumque durum, sed vsu nobis verbum molliendum est) vix enim audebar pro beata vita, beatitudinem dicere. Sed verborum simplicium alia sunt inusitata, alia prisca, alia poëtica, alia translata, quæ diligenter animaduertet, qui idiomatis, quo vitur, elegantiam, proprietatemque cognouerit. Sic apud Latinos inusitata sunt quæ aded absoluta, & à communi vsu remota sunt, vt reuocari in illum non debeant, vt hoc maximè faciendum aduerte, pro maximè faciendum aduerte. His proximè accedunt prisca, & vetusta, quæ atavorum nostrorum temporibus vsurpa-

ta, iam ferè in obliuionem abierunt, vt Latine Auerruncasso, leuasso, pro auerto, leuo. Quauis aliquando huiusmodi verbum, si suo loco ponatur, sua non caret venustate. Poëtica etiam verba, & phrascs. euitet orator, præsertim Ecclesiasticus, imò caueat, ne det occasionem auditoribus suspicandi tales scriptores, lenes, & minus pudicos ab eo tractari. Translata, in quibus maximus est orationis splendor, sunt, quæ tropis à sua significatione in aliam transferuntur. De quibus nunc agendum est nobis.

CAPVT V.

Quid & quotuplex sit

TROPVS.

TROPVS est verbi, vel sermonis à propria significatione in aliam cum virtute mutatio.

tatio. Dicitur mutatio verbi, quia septem sunt tropi, vel translationum modi in vno verbo, Metaphora, Synecdoche, Metonymia, Autonomasia, Catachresis, Metalepsis, Onomatopœia. Dicitur sermonis mutatio, quia quinque tropi sunt in oratione, Allegoria, Ironia, Periphrasis, Hyperbole, Hyperbatō. Dicitur cum virtute mutatio, nam translata verba gratiora sunt propriis, quia, vt inquit Aristoteles, qui audit ex verbis translatis plus intelligit, & discit per quandam ratiocinationem, conferens rem, de qua est sermo, cum ea, de qua sumitur translatio, & animaduertens proportionem, & concludens quodammodo hanc esse illam. Nihil autem est ex illius sententia, quod ita delectet, sicut facile discere.

CAPVT VI.

De METAPHORA.

METAPHORA, Latine *translatio*, cum nomen, aut verbum transfertur ex loco, in quo proprium est, ad locum in quo proprium deest, aut translatum proprio melius est: vt lætas segetes, lætari proprium est hominis.

Tria autem in hoc tropo sunt obseruanda, quibus de causis fiat, quot modis fiat, & quid in eo fugiendum sit.

Metaphora vtitur, vel quia necesse est; quando enim non est verbum proprium, vsurpamus translatum, vt gemmare vites; vel quia significantius, quando translatum nomen plus significat, quàm proprium, vt incensus irâ, pro irato: vel quia decentius, quando translatum est elegan-

tius

tius proprio, ut lumen ingenij,
pro bonitate ingenij.

Fit quatuor modis; primo
quando transfertur nomen à re-
bus animatis, ad res animatas: ut,
Psal. 2. allatrat mihi. Et illa, *Quare fre-*
muerunt gentes. Secundo, à rebus
Zach 11. inanimatis ad res inanimatas, ut
concentus virtutum. & illa, *A-*
peri Libano porci tuus. Tercio, ab
animatis ad res inanimatas,
Psal. 95. *Tunc exultabunt omnia ligna sy-*
Zech 11. *uarum.* Quarto, ab inanimatis ad
res animatas. *Auferam à vobis cor-*
lapideum.

Vitiat metaphoram dissimili-
tudo, ut cæli fornices, si longè
deducta sit similitudo: ut Syrtis
patrimonij, si metaphora nimis
superlata sit, ut verruca, pro
monte. Modicus huius tropi v-
sus illustrat orationem, frequens
obscurat. *Quinque*

CAPVT VII.

De SYNECDOCHE.

SYNECDOCHE, Latine *con-*
Sceptio, vel *intellectio*, frequen-
tior est Poëtis tropus, & ad va-
riandum sermonem necessarius.
Fit octo modis. *Primò* cùm ex
parte totum intelligitur, vt ca-
rina, pro nauì. Virg. lib. 2.

*Non anni domuere decem, non
mille carina.*

Mucro pro gladio. *Num usque* 2. Reg.
ad internecionem tuus mucro de- 2.
seniet.

Secundò, cùm sumitur totum
pro parte, vt flumen pro aqua
eiusdem fluminis. Virg. lib. 1. *Æ-*
neid.

Pabula gustassent Troia, Xan-
thumque bibissent.

Ignis pro ligno aliquo incenso.
Vt, portabat in manibus ignem. Gen.

Tertiò, cùm singularis sumitur 22.
pro plurali. Virg. 2. *Æneid.*

-- *ut*

—uterūque armato milite complent.

Psal. Et illa, *Misit in eos cœnomyiam, &*
77. *comedit eos, & ranam, & disperdit eos.*

Quartò, pluralis pro singulari.
Virg. lib. 2. Æneid.

—& nos aliquod noménque, decusque

Gessimus.

ob 2. Et illa, *Si bona suscepimus de manu Dei, mala quare non suscipiamus.*

Quintò, genus pro forma, ut
apud Ouid. fera pro versa. lib. 4.
Trist. Eleg. 3.

Magna, minórque fera, quarum
regit altera graies,
Altera fidonias, utraque sic-
ca rates.

Isa. Et illa: *Nunquid non tu percussisti*
61. *superbum? idest, Luciferum,*

Sextò, forma pro genere, ut
Curius, pro homine frugi.

Qui Curios simulant, & Bac-
chanalia viuunt.

Ioseph, pro homine iusto. *Nihil patiebatur super contritionem* 5.
Ioseph.

Septimò, materia pro re, quæ fit
ex illa. Virg. Æneid. 6.

Ere ciere viros, Martemque ac-
cendere cantu,
pro tuba ænea. & ferrum pro
gladio: *ut, non ferro pugnando, sed* Iudic.
precibus sanctis orando deiecit ho- 4.
stes.

Octauum modum addunt ple-
rique, cum ex antecedentibus
sequentiâ intelliguntur, ut Vir-
gilianum illud: Eccl. 2.

Aspice aratra iugo referunt sus-
pensa iuuenti,
Et iam summa procat villarum
culmina fumant.

Ecloga 1.
Maiorésque cadunt altis de mon-
tibus umbra,
id est, iam ad uesperascit. Sed hîc,
meo arbitrato, nullus est tropus,
cum nullius vocis fiat significa-

tionis

tionis mutatio, sed est argumentum ab adiunctis consequentibus.

CAPVT VIII.

De METONYMIA.

METONYMIA, id est, *transnominatio*, quæ & Hypallage dici solet, fit sex modis. *Primo*, quando sumimus causas pro effectis, ut inuentores pro rebus inuentis; sic Ceres pro pane, Bacchus pro vino: ut Comicus in Eunucho, *sine Cerere & Baccho friget Venus*. Et illa aduersus Iacob, *in circuitu eius hostes*, id est, aduersus populum Israëliticum. *Secundo*, cum sumimus effecta pro causis, ut scelus pro scelerato, ita Comicus, *Vbi est scelus ille, quod me perdidit*; vel quod Poëtis est frequentissimum, cum id, quod proprium est effecti,

effecti,

effecti, tribuitur causæ, ita fugax
timor, pallida mors, & alia plera-
que, vt Virg. lib. 6. Æneid.

*Pallentesque habitant morbi, tri-
stesque senectus.*

Huius secūdi modi est illud, *Et*

Dan.

vit in tēplo abominatio desolationis,

9. 2

id est, abominali Antichristo; &

illud, *Siccine separat amara mors:*

Reg.

Tertiò, quando sumitur conti-

15.

nens pro contento, vt Roma pro

Romanis. *Desine Roma tuos hostes.*

Et illud, *surge illuminare Hieru-*

Isai.

saalem. Quarto, contentum pro

6.

continente, vt *vina coronant*, id

est, pocula. Sic illud, *Nec litteras*

Ath.

accepimus, id est, epistolas. *Quintò*,

28.

possessorē pro re possessa, vt, *An-*

ibal pro suis copiis. Hinc passim

licitur, eo ad D. Petrum, D. Pau-

um, &c. sic Virg. lib. 2. Æneid.

— Iam proximus ardet

Vcalegon — pro domo Vcale-

gontis.

Et illud, *debellabat Iudas filios*

Esau.

Esau, id est, Iudæi Idumæos. *Sex-*
tò, signum pro re signata, vt *fascēs*
 pro consulatu, *pālma* pro victo-
 ria. Hinc illud Ciceronianum,
Cedant arma toga, concedat lau-
rea lingua.

Psal. Hinc illud, *Ipsc reget eos in vir-*
ga ferrea.

CAPVT IX.

De ANTONOMASIA.

ANTONOMASIA com-
 mutatio nominis dicitur:
 fit, quando ex accidentibus pro-
 priam significamus personam,
 per epitheta, modò illa sint adie-
 ctiva, modò non. sic illud Virgi-
 lij lib. 6. *Æneid.*

Tros Anchisiade, facilis descen-
sus Auerni,

Iob 7. pro *Ænea*. Et illud *Iob*, *Peccavi,*
quid faciam tibi, ô custos hominum.
 Id frequentius fit, quando id

quod

quod pluribus convenit, vni
propter excellentiam tribuitur.
Sic Virg. lib. 8.

*Quid memorem infandas cedes,
quid facta Tyranni,*

id est, Mezentij. Sic illud, *Disci-* Ioan.
pulus ille, quem diligebat Iesus, pro 19.

Ioanne. In quo species illa est
Synecdoches, quādo sumitur ge-
nus pro forma. Epithetis natura-
libus, vt candida nix, liquidi fon-
tes. rarò ac ne vix quidem per-
mittuntur oratoribus; quanvis
in Miloniana Cicero dixerit, cæ-
am noctem, & mutam solitudi-
nem. Quæ verò epitheta empha-
sim habent, ornant maximè ora-
tionem, vt in Antonium Cicero
Philip. 2. *Tu istis faucibus, istis*
ateribus, ista gladiatoria totius
corporis compositione tantum vini in
Hippie nuptiis exhausisti, vt tibi
ecessu fuerit vomere postridie. Sic
illud, *Romphaa bis acuta omnis ini-* Eccli.
mitas. Multiplicata verò epithe- 21.

ta,

ta, quæ instar definitionis sunt, plurimum augent orationem, vt diximus 2. cap. de Amplificatione.

CAPVT X.

De tribus aliis TROPIS, qui sunt in vno verbo.

CATACHRESIS, Latine *abusio*, non habentibus nomen suum, accommodat quod in proximo est. Sic *Parricida*, pro eo qui patrem interficit. *Piscina*, pro quouis lacu. Ita Virg. lib. 2. *Æneid.*

*—Equum diuina Palladis artem
Ædificant.*

Est autem Hierosolymis probatica piscina. Differt à metaphora, nam illa ex re omnino diuersa cum similitudine transfer nomen, hæc ex re proxima it nomen accommodat, vt no

multum à sua significatione distet.

METALEPSIS, id est, *transumptio*, rarus tropus, & ad Poetas magis, quam ad oratores spectans, fit cum ex alio in aliud viam præstans, alicuius dictionis significationem denotat, & in re significata, est gradatio quædam ita Ovidius, Trist. Eleg. II.

*Ut sumus in Ponto, ter frigore
constitit Ister, Ævæque
Fæta est Euxini dura ter unda
damaris.*

Vbi, *Ister concretus* pro gelus, gelu pro hyemé, *hyemis* pro anno, & sic esto de vnda. Hinc illud Psalmi, *Labores manuum tuarum manducabis*. Labores enim posuit pro iis, quæ laborando acquirituntur.

ONOMATOPOEIA, id est, *Ætio nominis*, quando aptantes affectibus voces, verba novamus; sic Ennius,

Psal.
127.

At tuba terribili sonitu tarantata dixit.

Sic illud, *cymbalum tinniens, rugitus Leonis.*

Nouantur autem verba apud Latinos quatuor modis, similitudine, imitatione, inflexione, & adiunctione.

Similitudine nouantur verba, quando ad vnius similitudinem aliud inuenimus, vt, græcizo, latinizo. Græcismus, Latinismus. Hæc verba per similitudinem nouata sunt quadruplicia. In *urio*, quæ appetentiam animi significant, vt dormiturio, esurio; vnde *syllaturit*, id est, vult esse alter Sylla. In *sco*, rem inchoatam ostendunt, vt duresco, mollesco, lentescio, iam durus fio. In *izo*, imitationem, vt hebraizat, imitatur Hebræos, vnde Hebraismus. In *ur*, studium, & occupationem, vt, philosophatur, rusticatur, græcatur.

Imitatione nouantur verba, quando ipso nomine exprimimus naturam rei; vt mugitus bouis, clangor tubarum, atque id proprium est Onomatopœiæ.

Inflexione nouantur verba, quando ex vna dictione aliam deducimus; sic à penula, penulatus; ocrea, ocreatus, & à bibo, bibosus.

Adiunctione, quando ex diuersis aliud componitur, vt versutiloquus.

Nouatis verbis modestè nobis vtendum est, vt cum aliqua excusationis formula: vt ita dicam, si licet dicere, aut Lutherus erasmizat, aut Erasmus lutherizat.

Onomatopœiam nonnulli à tropis excludunt, quia nulla ibi fit nominis translatio, quorum mihi sententia non displicet.

CAPVT XI.

De TROPIS, qui fiunt
in oratione.

EXTROPIS, qui fiunt in
pluribus verbis, primus est
ALLEGORIA, quæ inuersio
Latinè dicitur, quæ aliud verbis,
aliud sensu ostendit, & est con-
tinuata quædam Metaphora. Sic
Horatius lib. 1. Ode 14.

*O naus, referent in mare te noui
Fluctus. ô quid agis! fortiter
occupa*

*Portum. nonne vides, ut
Nudum remigio latiss,*

*Et malus celeris faucibus Africo,
Antennaque gemant? &c.*

Vbi nauim pro Republica, flu-
ctuum tempestates pro ciuilibus
bellis, portum pro pace atque
concordia posuit. Hic autem di-
cendi modus per Allegoriam est
vltimatissimus in sacris literis. Ut

illa,

illa, Vineam de Agypto transiisti; eiecisti gentes, & plantasti eam; extendit palmites suos usque ad mare; & usque ad flumen propagines eius. ubi Propheta de Israelitico populo loquitur.

Si obscurior est Allegoria, transit in Aenigma, quod est sermo translatus, nodosus & involutus, atque ideo oratori fugiendus, quia perspicuitati repugnat orationis; aliquando tamen, ubi res postulat, poterit adhiberi. Ut illud,

*Mater me genuit, qua rursus
gignitur ex me.*

Et illud Sansonis, *De comedente* Iudic
exhibet cibus, & de forti egressa est 14.
dulcedo. per primum nix, per secundum fauus in ore leonis inventus ostenditur.

Huc etiam spectat PARABOLA, quæ frequens est in Evangelio. *Homo quidam fecit coenam* Luc.
magnam, & misit servos suos, &c. 14.

P A R O E M I A etiam , vel
P R O V E R B I U M , quæ est ce-
 lebris alicuius scriptoris, vel an-
 tiquitatis sententia. Ut Horatia-
 num carmen de Arte poëtica,

*Parturient montes , nascetur ri-
 diculusmus.*

Et illud, *Ut canis reuertens ad ve-
 mitum.* Et illud, *Medice cura te-
 ipsum,* quæ species quædam sunt
 Allegoriæ.

I R O N I A, Latinè *illusio* , con-
 trarium verbis , quam sensu o-
 stendit. ea intelligetur aut pro-
 nunciatione, aut persona, aut rei
 natura. Pronunciatione , cùm i-
 pso vocis tono irridentis animū
 ostendimus ; persona , cùm de-
 formem hominem , pulchrum
 appellamus ; rei natura , cùm ex
 ipsa re contrarium omnino cog-
 noscimus. Ita Turnus apud Vir-
 giliū lib. i i.

mèque timoris
Argue tu Drance , tot quando
stragis

stragis acervos

Tencrorum tua dextra dedit.

Sic illud Eliæ, *Clamate voce maiore* 3. Reg. 18.
re; Deus enim est, & forsitan loqui-
tur, aut in dinersorio est, aut in iti-
nere, aut certe dormit.

PERIPHRASES, quæ cir-
 cumloquutio dicitur, aut ornatus
 comparandi, aut foeditatis evi-
 tandæ causa, aut necessitatis sup-
 plendæ gratia, quod paucioribus
 verbis dici poterat, pluribus ex-
 ponit, Poetis tamen est, quàm o-
 ratoribus, frequentior. ita Ovi-
 dius lib. 1. Trist. Eleg. 3.

Iamque quiescebant voces homi-
nūmq̃, canūmq̃,

Lunaque nocturnos ultra re-
gebarequos,

id est, media nocte. Et illud, *Dum* Sap. 18.
medium silentium tenerent omnia,
& nox in suo cursu medium iter ha-
beret, &c. Ita D. Paulus, *Scimus* 2. Cor. 5.
enim, quoniam si terrestris domus
nostra huius habitationis dissolua-

tur, quòd adificationem ex Deo habeamus; domum non manu factam, æternam in calis.

H Y P E R B O L E, id est, superiectio, fit vel augendo vel minuendo aliquid supra veritatem; vt in Verrem Cicero, Versabatur in Sicilia longo intervallo, non Dionysius ille, nec Phalaris (tulit enim illa quondam insula multos & crudeles tyrannos) sed nouum quondam monstrum ex vetere illa immanitate; qua in eisdem versata locis dicitur; non enim Charybdim tam infestam, nec Scyllam nauibus; quam istum in eodem freto fuisse arbitror. Sic illud; Terrebit eos sonitus folij volantis.

Leu.
26.

H Y P E R B A T O N, id est, transgressio; diuidit dictionem; vel simplicem; quauis durius sit; vel compositam; quod elegantius est; vt paululum ordine perturbato dictionis sua-

uior

uior sit oratio. Sic Virgilius lib. 6.

*Hac Troiana tenns fuerit fortuna
secuta,*

id est, haec tenus. Et illa, *Usquequo* Prou-
piger dormies? pro quousque. 6.

Nonnulli *Hyperbaton* ex tro-
pis excludunt, quia vox non
transfertur ex sua significatio-
ne in aliam. Quamvis autem de
Latinae linguae tropis, & exem-
pla & praecepta tradidimus, non
difficile erit ea ad quamvis lin-
guam transferre; habent enim
singulae suas *Metaphoras*, *Cata-
chreses*, & *Onomatopœias* pro-
prias, & nouandi voces modos
speciales. Atque haec tenus de
ornatu, qui est in verbis singu-
lis, nunc eum, qui est in conjun-
ctis, explicabimus.

CAPVT - XII.

Quid, & quotuplex sit
FIGVRA.

ORNATVS, qui est in verbis coniunctis, sit per figuras, quas Græci dicunt *ῥήματα*. Est autem FIGVRA conformatio quædam orationis remota à communi, & primùm se offerente ratione. Nam simplici oratione dicere poterat Apostolus: Nulla res me separabit à charitate Christi. at quanto vehementius est, *Quis nos separabit à charitate Christi? tribulatio? an angustia? an fames? an nuditas, &c.*

rom.
8.

Sunt autem figurarum duo genera, aliæ verborum, aliæ sententiarum: verborum sunt, quæ venusta vocum collocatio-
ne constant, qua sublata, illa tollitur figura; sententiarum sunt, quæ non in verbis, sed in ipsis

re

rebus suam habent dignitatem.

Figura verborum quatuor maxime sunt modis, per adiectionem, detractionem, similitudinem, & dissimilitudinem.

CAPVT XIII.

*De FIGVRIS, quæ fiunt per
Adiectionem.*

PRIMA est REPETITIO, cum idem verbum, vel oratio crebro à primo repetitur. Vt Cicero Philip. 2. *Accusa senatum, accusa equestrem ordinem, accusa omnes ordines, &c.* Et illa, *Vox Domini in virtute, vox Domini in magnificentia, vox Domini confringentis cedros, &c.* Psal. 28.

CONVERSIO est, cum huiusmodi repetitio in fine orationis fit. Vt, *Pæros Populus Romanus institiã vicit, armis vicit, liberalitate vicit.* Et illa, *Vnusquis-* 1. Cor. 14.

que vestram Psalmum habet, doctrinam habet; Apocalypsim habet, linguam habet, interpretationem habet.

Psalm.
135.

COMPLEXIO est, quæ repetitionem, & conuersionem complectitur, vt Cicero de lege Agraria, *Quis legem tulit? Rullus; quis comitiis præsuit? Rullus. Et illa, Qui facit mirabilia magna solus: quoniam in æternum misericordia eius. Qui fecit calos in intellectu: quoniam in æternum misericordia eius. Qui firmavit terram super aquas: quoniam in æternum misericordia eius.*

ANADIPLOSIS congeminationo dictionis, quæ præcedentem versum claudit, vt incipit sequentem. Vt Virg. *Eclog.* 10.

*Pierides: vos hæc facietis maxima Gallo,
Gallo, cuius amor tantum mihi
creseit in horas.*

Et

Et illa, *Stantes erant pedes nostri, in atriis tuis Ierusalem, Ierusalem, quæ edificatur ut civitas, &c.* Psal. 121.

E P A N A L E P S I S, cum eiusdem versus idem est finis & initium. Ut Virg. 1. *Æneid.*

*Multa super Priamo rogitans,
super Hectore multa.*

Et illa, *Deus, quis similis erit tibi: ne taceas, neque compeſcaris Deus.* Psal. 82.

C O N D U P L I C A T I O, cum idem verbum nulla alia interposita voce geminatur. Virg. lib. 9.

Me, me, adsum qui feci, in me conuertite ferrum.

Et illa, *Ierusalem, Ierusalem, quæ occidis Prophetas, & lapidas eos.* Mat. 23.

T R A D U C T I O, cum verba paululum immutata ponuntur. Ut Cic. 7. in Verrem, *Certus Index, certa lex, certum tribunal.* & Virg. 4. *Æneid.*

Littora littoribus contraria, fluctibus unda.

Ephes. Et illa, *Vnus Dominus, una fides,*
4. unum Baptisma.

REGRESSIO semel propo-
 sita repetit, ut oratio clarior, & il-
 lustrior fiat. Ut Ovidius *Epist. 2.*

Demophoon ventis, & verba, &
vela dedisti,

Vela quero: reditu, verba ca-
rere fide.

Rom. Et illa, *Vide ergo bonitatem, & seue-*
ritatem Dei: in eos quidem, qui ceci-
derunt, seueritatem: in te autem bo-
nitatem Dei.

SYNONYMIA, cum verba
 idem significantia congregan-
 tur: ut illa *Ciceronis in Catili-*
nam Orat. 1. Egredere ex urbe
Catilina, patent porta, proficiscere.
Et illa, Peccauimus cum patribus
nostris, iniuste egimus, iniquita-
tem fecimus.

Psal
105.

POLYSYNDETON, con-
 iunctionum est repetitio, siue
 multitudo. Ut *Virg. Georg. 3.*

———— *rectumque, laetumque,*

Arma

*Armaque, Amyclæumque canem,
Cressamque pharetram.*

Et illa, Dominus conseruet eum, & Psal.
viuificet eum, & beatum faciat eum 40.
in terra, & non tradat eum in ani-
mam inimicorum eius.

GRADATIO quandam vel-
uti catenam verborum facit.
Vt Virg. Eclog. 2.

*Torna leena lupum sequitur, lu-
pus ipse capellam:*

*Florentem cythiſum sequitur la-
ſcina capella.*

Et illa, Tribulatio patientiam ope- Rom.
ratur, patientia autem probationem; 1.
probatio verò spes, spes autem non
confundit.

ARGUMENTATIO per
Soritem fit semper huiusmodi
gradationibus.

DISIVNCTIO fit, quando
vnicuique orationis membro
suum verbum apponitur, cum
satis vnum esset omnibus. Vt
Cicero pro Archia, Homerum

Colophonij ciuem esse dicunt suum.
 Chij suum vendicant, Salaminij re-
 petunt, Smyrnai verò suum esse
 confirmant. Et illa, Sine prophetia
 euacuabuntur, sine lingua cessabunt,
 sine scientia destruetur.

1. Cor.
 13.

CAPVT XIV.

De FIGVRIS quæ sunt per
 DETRACTIONEM.

PER DETRACTIONEM
 fit SYNECDOCHE, Latine
 conceptio, vel intellectio, non tro-
 pus ille, sed verborum figura,
 cùm subtractum verbum ali-
 quod satis ex cæteris intelli-
 gitur. Vt Cicero ad Brutum, ser-
 mo nullus, scilicet nisi de te, supple,
 habetur, vel aliquid huiusmo-
 di. Et illud, Thronus eius sicut sol
 in conspectu meo, supple, est, vel
 versatur.

Psal.
 88.

• APOSIOPESIS, quæ inter

senten

sententiarum figuras numeratur, fit; non cum vnum verbum manifestum desideratur, vt in Synecdoche, sed cum dictis quibusdam reliquum, quod coeptum est dici, relinquitur audientium iudicio, idque cum aliquius affectus significatione. Vt Virg. lib. I. *Aeneid.*

Quos ego? sed motos praestat componere fluctus.

Et illa; *Anima mea turbata est valde: sed tu Domine usquequo?* Et illud Isaia, *Dicite iusto, quoniam bene.*

Psal.
6.
Cap.
3.

DISSOLVTIO contraria Polysyndeto, cum sine coniunctionibus sententiae afferantur, redditque orationem concitatio-rem, vt Polysyndeton grauiorem. Vt Cicero pro Archia, *Hec studia adolescentiam alunt, senectutem oblectant, secundas res ornant, aduersis perfugium praebent.* Et illud, *Iubilare Deo omnis terra,*

Pf. 65.

Pfal

Psalmum dicite nomini eius; date gloriam laudi eius.

ADIVNC TIO contraria est disunctioni; in qua ad vnum verbum plures sententiae referuntur, quoquo loco illud collocetur. Vt Virg. 3. Aeneid.

Troiugena interpres Divinum, qui numina Phœbi,

Qui tripodas, Clary lauros, qui sidera sentis.

Ephes.
†

Et illud, Omnis amaritudo, & ira, & indignatio, & clamor, & blasphemia tollatur à vobis.

CAPVT XV.

De FIGVRIS, quæ sunt per Similitudinem.

PRIMA est ANNOMINATIO, quæ est verborum similitudo, & quædam veluti collusio in dissimili sententia. Sic Martialis lib. 1. Epig. 66.

Liti

*Litigat, & podagrâ Diodorus,
Flacce, laborat.*

*Sed nil patrono porrigit, hæc
chiragra est.*

Et illud, *Videte malos operarios, vi-* Philip
dete concisionē; nos enim sumus cir- 3.
cuncisio. Frequens est D. Bernar-
do mellifluo hæc figura: vt, *Mo-*
nachorum cella non sunt iam eremi-
tica, sed aromatica. Et alibi, *Hoc in*
cellis agant, quod Angeli in cælis.
Aduertendum est in vnoquoque
idiomate suas esse speciales an-
nominationes, quæ ad aliud
translatæ non eandem venusta-
tem seruare possunt.

SIMILITER CADENS,
cùm verba in eadem tempora, &
nomina in eisdem casus cadunt.
Ita Cicero, *Quid tam commune,*
quàm spiritus vinis, terra mortuis,
mare fluctuantibus, littus ciecitis. Et
illud, *Qui virum non contrista-*
uerit, pignus non retinuerit, & rapi-
nam non rapuerit, panem suum esu-

Ezech
18.

rienti

rienti dederit, & nudum operuerit
vestimento.

Eccl.
7.

SIMILITER DESINENS,
cùm siue casus sint in verbis, siue
non, similes tamen exitus sunt.
Quale est illud Ciceronis, *Non
modo ad salutem eius extinguen-
dam, sed etiam gloriam per tales
viros infringendam*. Et illud, *Me-
lius est à sapiente corripì, quàm stul-
torum adulatione decipi*.

2. Cor.
4.

COMPAR habet orationis
membra, quæ constant ex pari
numero syllabarum; vt est illud,
*Nequaquam mihi cum eo res est,
qui neque finem habet cupiendi, ne-
que modum statuit utendi, & multa
desideria egentis est regnum, & ni-
hil parcere egestatis est initium*.
Sic illud, *Persecutionem patimur,
sed non deuelinquimur; deiicimur,
sed non perimus*.

CAPVT XVI.

De FIGVRIS quæ fiunt per
DISSIMILITV-
DINEM.

CONTRAPOSITVM est
cùm verba verbis, & sen-
tentiæ sententiis opponuntur.
Sic illud Ouidij 1. Metamorph.
*Frigida pugnabant calidis, hu-
mentia siccis,
Mollia cum duris, sine ponde-
re habentia pondus.*

Et illud, *Et erit pro suavi odore fœ-
tor, & pro zona funiculus, & pro
crispanti crine caluitium, & pro
fascia pectorali cilicium.* Isai. 34

COHABITATIO genus est
contrapositioni, cùm res diuersæ in
eadem re, vel persona simul co-
pulantur. Vt, *sapienter indoctus,
& prudenter nescius.* Et illud, *Vi-
uo autem, iam non ego; uiuit uero in* Gal. 2.
me Christus.

COM

COMMUTATIO pertinet etiam ad Contrapositum, cum duæ sententiæ inter se discrepantes ita efferuntur, ut à priori posterior contraria proficiscatur. Ut Cicero pro Cluentio, *Vt sine culpa invidia ponatur, & sine invidia culpa plectatur.* Et illud, *Diligis odientes te, & odio habes diligentes te.*

2. Reg.
19.

CAPVT XVII.

De FIGVRIS SENTENTIARVM.

FIGVRÆ SENTENTIARVM, quæ non in verbis, sed in ipsis rebus quandam habent dignitatem, nullo certo numero, aut lege continentur. eas tantum apponemus de quibus inter authores plurimos constat.

Prima est INTERROGATIO, quoties non sciscitandi gratia

sumi

sumitur. Vt Virg. 1. Æneid.

*Sed vos qui tandem? quibus aut
venistis ab oris?*

Et illa, Magister bone, quid boni *Matt. 19.*
faciam, ut habeam vitam eternam?

*Sed fit interrogatio, quæ figura
est sententiarum, instandi, & vr-
gendi, & alicuius affectus expri-
mendi gratia: vt Sinon apud Vir-
gilium Æneid. 2.*

*Heu quæ nunc tellus, inquit, quæ
me æquora possunt*

Accipere?

*Et illa, Forsitan vestigia Dei com-
prehendes, & usque ad perfectum* *Iob 11.*
*Omnipotētē reperies? Excelsior ca-
lo est, & quid facies? profundior in-
ferno, & unde cognosces?*

R E S P O N S I O, cū aliud ro-
ganti aliud respondetur, quia sic
utilius. Vt Virg. Eclog. 3.

*Non ego te vidi Damonis, pessi-
me, caprum*

*Excipere insidiis, multum la-
trante Lycisca?*

Cui

Cui respondet,

*An mihi cantando victus non
redderet ille?*

2. Reg.
18.

Sic illud, *Est ne pax puero Absalom?* Regi autem David respondens Chusi, *Fiant, inquit, sicut puer, inimici domini mei regis.*

SUBIECTIO, cum orator interrogat seipsum, & respondet sibi. Ut Cicero pro Caelio, *Domus tibi deerrat? at habebas; pecuniâ superabas? at egebas.* Sic illud, *Infelix ego homo, quis me liberabit de corpore mortis huius? Gratia Dei per Iesum Christum.*

Rom.
7.

DUBITATIO, cum quærendum videtur orator, unde incipiat, aut ubi desinat, & quid dicat. Sic Virg. lib. 3. *Æneid.*

Eloquar? an fileam, gemitus lacrymabilis imo.

Auditur tumulto.

Iob
16.

Et illud, *Sed quid agam? si locutus fuero, non quiescet dolor meus: & si tacuero, non recedet à me.*

OCCV

OCCUPATIO, quæ illis, quæ nobis obijci possunt, prius ipsi respondemus. quæ figura tum pluribus in locis, tum maxime in procæmio locum habet. Vnde Cicero Diuinationem in Verrem est exorsus, *Mirabitur fortasse quisque vestrum, &c.* Sic illud, *Vbi abundauit delictum, superabundauit gratia.* Quid ergo dicemus? permanebimus in peccato, vt gratia abundet? absit.

Rom.
5.
Rom.
6.

CORRECTIO, quæ tollit sententiam aliquam, & aliã, quæ magis idonea videtur, emendat & corrigit. Quale Petrarchæ epigramma de puero,

*Vix mundi nouus hospes eram,
vitaque volanti.*

*Obuia mors fallor, oëuia vita
fuit.*

Sic illud, *An Iudeorum Deus tantum? nõne & Gentium? Imò & Gentium.*

Rom.
3.

COMMVNICATIO, cū no-

M

stræ

stræ causæ confidentes vel ipse
 iudices, vel aduersarios, vel au
 ditores consulimus. Ut, *Vos inte*
rogo, quid tandem fieri oportuit? con
munem rem agi putate, ac vos hu
 rei prepositos esse. Et illud, *Circu*
 vias Ierusalem, & aspiciate, & con
 siderate, & querite in plateis eius
 an inueniatis virum facientem in
 dicium, & querentem fidem: & pro
 pitius ero ei.

HYPOTYPOSIS illustri
 explanatio rei, & quasi gerantur
 sub aspectum, subiectio. Quali
 est, illa. Ciceronis in Verrem
Quod si istum Iudices vestris sen
tentiis liberaveritis: statim sicut
cauca leo emissus, aut aliqua teter
rima bellua soluta ex catenis voli
tabit, & vagabitur in foro, acuen
dentes inuisos in cuiusque fortuna
in omnes amicos atque inimicos, ne
ros atque ignotos incusans, aliorum
famam depeculans, aliorum caput
oppugnans, aliorum domum atque

fam

familiam perfringens, Rempublicam funditus labefactans. Hinc illa descriptio equi apud sanctum Iob, Terram ungula fodit, Cap. exultat audacter: in occursum per-³⁹git armatis. Contemnit pauorem, nec cedit gladio. Super ipsum sonabit pharetra, vibrabit hasta & clypeus, feruens, & fumans sorbet terram, nec reputat tubæ sonare clangorem. Vbi audierit buccinam, dicit: Vah, procul odoratur bellum, exhortationem ducum, & ululatum exercitus. Sic describuntur loca, tempora, res creatæ omnes, actiones item variæ, vt bellum, conuiuium. Personæ item, vt Rex, miles, sacerdos. mores item personarum tam in bonum, quàm in malum, vt detractoris, irati, inuidi. Fit aliquando descriptio cum apposita similitudine, & dicitur imago, vt detractoris sub cane, luxuriosi sub sue. Aliquando fit cum sermocina-

tionem, cum datur sermo personi
seu verè, seu fictè, ut dicetur in
Prosopopœia.

ΕΤΗΡΟΡΡΕΙΑ imitatio vita
vel morum alienorum, quando
fingimus quidnam alij dixerint
vel fecerint: ut Dido moriens
apud Virgilium lib. 4. Æneid.

*Incubuitque toro, dixitque nonis-
sima verba.*

*Dulces exuvie, dum fata, Deus-
que sinebant,*

*Accipite hanc animam, meque
his exolvite curis.*

*Vixi, & quem dederat cursum
fortuna, peregi,*

*Et nunc magna mei sub terras
ibit imago.*

*Urbem præclaram statui; mea
mœnia vidi:*

*Uta virum, pœnas inimico à
fratre recepi.*

*Felix heu nimium felix: si littora
tantum*

Nunquam Dardania tetigissent

nostra

nostra carina.

Et illud, Dixerant impij cogitantes Sap.
apud se non rectè: Exiguum & cum 2.
radio est tempus vita nostra, & non
est refrigerium in fine hominis, &
non est qui agnitus sit reuersus ab
inferis, &c.

PROSOPOPOEIA cùm re-
bus mutis, & hominibus vita de-
functis vocem, & iis quæ corpo-
ris expertia sunt, corpus etiam
tribuimus, & tunc appellatur
Idolopœia. Sic Cicero in M. An-
tonium, Quod si nunc ille Brutus
reuiuiscat, & hic ante pedes vestros
adsit, non hac uteretur oratione? Ego
Reges eieci, vos Tyrannos introduci-
tis: ego libertatem, quæ non erat, pe-
peri; vos partem seruare non vul-
tis: ego capitis mei periculo patriam
iberavi; vos liberi sine periculo es-
se non curatis. Sic illud, Sapientia Pron.
lamitat, & prudentia dat vocem 8.
nam, dicens: O viri, ad vos clamito,
& vox mea ad filios hominum. In-

telligite paruuli astutiam, &c.

Cap.
44.

APOSTROPHE, cùm lo-
quentes cum aliis ad alios ser-
monem conuertimus, frequens
tam Poetis, quàm oratoribus o-
mnibus. Egregia est illa Isaia:
Deleui ut nubem iniquitates tuas.
Et quasi nebulam peccata tua: re-
uertere ad me, quoniam redemi te.
Laudate cali, quoniam misericor-
diam fecit Dominus; iubilate ex-
trema terra, resonate montes lauda-
tionem. Metri gratia Apostro-
phem sæpius efficiunt Poetæ. Vt
illa Ouidij lib. 3. Trist. Eleg. 8.

Nunc ego iactandas optarem su-
mere pennas,
Sine tuas Perseu, Dadale si-
ne tuas.

EMPHASIS altiore præ-
bet intellectum; quàm quæ
verba ipsa declarant; cuius dua
sunt species. Altera, cùm ex ipsis
verbis latens aliquid intelligitur.
Vt Virgilius lib. 2. *Æneid.*

Demissum lapsi per funem.

ex quo quanta esset equi altitudo colligitur. Et cum sacra Scriptura de Goliath dixit, *Hasta illius quasi liciatorium texentim.*

2. Reg
21.

Ut prodigiosum illius corporis vastitatem depingeret. Altera species Emphasis est, quæ posita est in voce, quæ aliquando omnino vel supprimitur, vel etiam abscinditur. Ut Cicero pro Ligario, *Quod si in tanta fortuna bonitas intacta non est, quam tu per te, per te, inquam, obtines, intelligo quid loquar.* Tacuit enim illud, non deesse homines, qui Cæsarem ad crudelitatem impellerent. Sed hanc nonnulli Apostrophe vocant, quam semper Emphasis comitatur, de qua supra. Illa autem frequentior est Emphasis, quæ vel in pronominebus, vel in nominebus propriis consistit. Ut Virg. lib. I. *Æneid.*

Ast ego, quæ Divum incedo re-

*gina Iouisque**Et soror, &c.*

Ioan. Illa est elegantissima, Tu mihi la-
13. *has pedes? Et illa, Ego sum, ego sum*
15. 43. *ipse, qui deleo iniquitates tuas pro-*
pter me, & peccatorum tuorum no-
recordabor.

SYSTENTATIO qua diu sus-
 penduntur auditorum animi, &
 aliquid postea, vel grauius, ve-
 leuius subiungitur. Vt Martialis
 lib. 6. Epig. 51.

Quod conuiuaris sine me tam sa-
pe Luperce:

Inueni, noceam qua ratione
tibi.

Ira scar, licet usque voces, mitas-
que, rogesque.

Quid facies? inquis. quid fa-
ciam? veniam.

Iob Et illud, *Quis mihi tribuat, ut scri-*
19. *bantur sermones mei? Quis mihi*
det, ut exarentur in libro stylo fer-
reo, & plumbi lamina, vel celo
sculpantur in silice? scio enim quod

Redem

Redemptor meus vinit, & in nouissimo die de terra surrecturus sum: & rursum circumdabor pelle mea, & in carne mea videbo Deum meum.

PRÆTERMISSIO, cūm dicimus nos præterire, aut nescire, aut nolle dicere, id, quod tunc maximè dicimus. Vt Virg. lib. 10. *Æncid.*

*Quid repetam exustas Erycino
in litore classes?*

Quid tempestatum Regem, ventosque furentes

Æolia excitos? aut actam nubibus Irim.

Sic D. Paulus post longam exemplorum inductionem, *Et quid adhuc dicam? deficiet enim me tempus enarrantem de Gedeon, Barac, Samson, Iephthæ, David, Samuel, & Prophetis, qui per fidem vicerunt regna.* Heb. 11.

LICENTIA est orationis libertas, atque fiducia liberiùs affectum mentis explicans. Sic

Cicero pro Sylla, *Adeste omne animis, qui adestis corporibus, erigite mentes, & aures. Ego consul, cum exercitus perditorum civium clandestino scelere conflatos crudelissimum, & luctuosissimum exitum patriae comparasse scirem, cum ad occasum interitumque Reipublica Catilina in castris: in his autem templi, atque tectis dux Lentulus esset constitutus, meis consiliis, meis laboribus, mei capitis periculis, sine tumultu, sine delectu, sine armis, sine exercitu quinque hominibus comprehensis atque confossis, incensione urbem, internecione ciues, vastitate Italiam, interitu Remp. liberaui, egrediam vitam omnium civium, &c.* Sic & Moyses ad Deum, *Aut dimitte ei hanc noxam, aut si non facis, dele me de libro tuo quem scripsisti.*

Exod.
32.

C O N C E S S I O, cum orator videtur iniqua pari, atque concedere, ac parumpendere. Ut quae post subiunxerit, graviora videat

dear

deantur. Sic Cicero 7. Act. in Verrem, *Sit sacrilegus, sit fur, sit flagitiorum vitiorumque omnium princeps; at est bonus Imperator.* Sic sanctus Ezechiel, cum longa oratione Ierusalem flagitia plurima, & maxima persecutus esset, quasi nulla essent, & exigua, addit, *Et accidit post omnem malitiam tuam (va va tibi, ait Dominus Deus) & edificasti tibi lupanar, & fecisti tibi prostibulum in cunctis plateis.*

Ezec.
10.

PERMISSIO concessioni non dissimilis, sed illa multo est grauior, & amarulentior. Vt Cicero in Catilinam, *Egredere ex urbe Catilina, patenti porte, proficiscere, confer te ad Manliana castra, concita perditos ciues, excita perditam iuuentutem, &c.* Sic illud, *Latare iuuenis in adolescentia tua, & in bono sit cor tuum in diebus iuuentutis tue, & ambula in viis cordis tui, & in intuitu oculorum tuorum,*

Ecccl.
11.

*& scio quòd pro omnibus his addu-
cet te Deus in iudicium.*

IRONIA sententiarum, quæ
ferè semper comitatur permis-
sionem, differt à tropo : nam illa
breuior est, & apertior, & vno
tantum verbo fieri potest : hæc
longior est & obscurior, & to-
tius voluntatis fictio. Qua exor-
sus est Cicero orationem pro Li-
gario, *Novum crimen C. Caesar, &
ante hunc diem inauditum, &c.* Illa
usus est Ieremias, cum denuncia-
to Chaldaeorum aduentu, adiun-
git, *Preparate scutum, & clypeum,
& procedite ad bellum ; iungite
equos, & ascendite equites : stare in
galeis, polite lanceas, induite vos lo-
rieis. Quid igitur ? vidi ipsos pavi-
dos, & terga vertentes, fortes eorum
casos.*

Cap.
46.

DEPRECATIO cum opem
alicuius imploramus, ut Virg.
lib. 1. Georg.

vos o clarissima mundi

Lumi

Lumina, labentem cælo, qua ducit is annum:

Liber, & alma Ceres.

Et illa, *Exurge, quare obdormis* Psal.
Domine? Exurge, & ne repellas in 43.
finem.

OPTATIO, quæ voti alicuius & desiderij præbet significationem. Vt Virg. Eclog. 9.

Sic tua Cyneas fugiant examina taxos:

Sic cythis pasta distentent ubera vacca.

Et illud, *Quis mihi hoc tribuat, ut* Job
in inferno protegas me, & abscon- 14.
das me, donec pertranseat furor
tuus.

EXECRATIO, quæ malum alicui imprecamur. Vt Virg. lib. 8. Æneid.

Quid memorem infandas cedes,
quid facta Tyranni

Effera? DI capiti ipsius, generique
reservent.

Sic illud, Pereat dies in qua natus Job 3.

sum,

sum, & nox in qua dictum est: Conceptus est homo. Dies ille vertatur in tenebras, non requirat eum Deus de super, &c.

ETIPHONEMA fit, cum iam narrata & approbata, illi sententia aliqua, quæ summam re totius comprehendat, acclamamus. Ut Virgilius lib. 4. Georg. postquam apum industriam, & in melle conficiendo laborem exposuit, addidit.

*Tantus amor florum, & generanda
copia mellis.*

Cant. Et illud, *Postquam sponsa pulchritudo descripta erat. Quam pulchra est, & quam decora charissima in delitiis.*

EXCLAMATIO, quæ aliquem exprimit affectum per rei cuiuspiam compellationem, quæ his persæpe declaratur particulis, ô heu, pro, & similibus. Sic Horatius lib. 2. Ode 14.

Eheu fugaces, Postume, Postume,

*Labuntur anni. nec pietas mo-
ram*

*Rugis, & inſtanti ſenecta
Afferet, indomitaque morti.*

*Et illa, O vos omnes, qui tranſitis Thre.
per viam, attendite, & videte ſi eſt 1.
dolor ſicut dolor meus.*

ADMIRATIO ſtuporem &
animi affectum re aliqua conci-
tatum exprimit, non diſſimilis
Epiphonemati, quanvis illud
ſemper rei comprobatae iam, &
expoſitae acclamatio ſit, hæc ve-
rò vbicumque locum habet. Sic
Horatius lib. 1. Ode 24.

*Quis deſiderio ſit pudor, aut
modus,*

*Tam cari capitis? præcipe lu-
gubreis*

*Cantus, Melpomene: cui li-
quidam pater*

Vocem cum cithara dedit.

*Ergo Quinctiliū perpetuus ſo-
por*

Urget?

Sic

Thre. 4. Sic illud, *Quomodo obscuratum est aurum, mutatus est color optimus, dispersi sunt lapides sanctuarij in capite omnium platearum.*

ADHORTATIO, qua orator grauitè, & vehementer incitat auditores, impellitque ad aliquid faciendum. Sic Virg. lib. 9. *Æneid.*

Ferte citi ferrum, date tela: scandite muros.

Isai. 1. Sic illud, *Lauamini, mundi estote, auferite malum cogitationum uestrarum ab oculis meis: quiescite agere peruersè, discite bene facere: querite iudicium, subuenite oppresso.*

ADIVRATIO, cum per rei cuiuspiam attestationem aliquid ab auditoribus contendimus. Vt Cicero pro Deiotaro, *Per dexteram te istam oro, quam hospes hospiti porrexisti. Et illa, Adiuro vos filia Sion per capras cernosque camporum, ut ne*

susci.

suscitetur, neque enigilare faciatis dilectam.

INTERRUPTIO est brevis declinatio à proposito, ut maior vis addatur iis, quæ dicuntur: parenthesis dici solet, si brevior sit, si longior, digressio. Ut Virg. Eclog. 9.

Vare, tuum nomen (superet modo
nobis Mantua nobis,

Mantua va misera nimium vicina Cremona)

Cantantes sublime ferent ad sidera cycni.

Sic illud, Sicut scitis, quæ liser
unumquemque vestrum (sicut pa-
ter filios suos) deprecantes vos, &
consolantes, &c. 2. Tb.

CAPVT XVIII.

De FIGVRIS, quæ ex locis
topicis dimanant.

NON NVLLI, nec imme-
ritò, argumentorum locos
ad sententiarum lumina refe-
runt, quoties non probanda
causa, sed exornanda orationis
gratia assumitur. Prima est,

DEFINITIO, præcipuè de-
scriptiua, de qua inter amplifica-
tiones, & in Antonomasia dixi-
mus, quoties res ornatus gratia
definitur, vt, *Ira furor brevis est.*
Et illud, *Quem persequeris, Rex*
Israël? quem persequeris? eandem
mortuum persequeris, & pulicem
unum.

1. Reg.
24.

A partium distributione ema-
net DIVISIO quæ non per-
spicuitatem modò, sed ornatum
etiam affert orationi: ibi proba-
tionis causa, hîc splendoris gra-

tia

tia defumitur. Vt illud Ouid. Ep. 1.

*Iamque aliquis positâ monstrat
fera praelia mensâ,*

*Pingit & ex igno Pergama to-
ramero.*

*Hac ibat Simois, hic est Sigeia
tellus,*

*Hic steterat Priami regia cel-
sa senis.*

*Illic Æacides, illic tendebat
Ulysses,*

*Hic alacer missos terruit Fle-
tor equos.*

Sic illud, Tres species odiniit anima Eccli. 25.
*mea; pauperem superbum; diui-
rem mendacem; senem fatuum &
insensatum.*

DISTRIBVTIO procedit
ex eodem loco, quæ inter orna-
menta sententiarum ab omnibus
numeratur, cum aliquid in plu-
res partes distribuitur, quarum
unicuique ratio sua subiungitur.
Vt Cicero in Catilinam, *Is es Ca-
tilina, ut te nec pudor à turpitudine,*

nec

Rom.

12.

nec metus à periculo, nec ratio à furore reuocarit. Et illa, Solitudine non pigri: spiritu feruentes: Domino seruientes; spe gaudentes; in tribulatione patientes, orationi instantes.

Ex argumento à genere & forma sumitur species illa *Synecdoches*, qua genus pro forma, & forma pro genere capitur; & *Antonomasia*, in qua quod pluribus conuenit, vni tribuitur propter excellentiam, de quibus supra.

SIMILITUDO, quæ ex argumento à simili sumitur, illustrat maximè orationem, cum rei exornandæ causa affertur; tunc enim nihil probat, sed rem ante oculos ornate repræsentat, quod passim à Poetis fieri conspicitur. Vt Virg. lib. 12. *Æneid.* de Turno loquens,

*Attollitque animos Pœnorum
qualis in aruis*

Sancius ille graui venantum

vulne

vulnere pectus,

*Tum demum mouet arma leo:
gaudetque comantes*

*Excutiens cervice toros, fixumque
latronis,*

*Impavidus frangit telum, & fre-
mit ore cruento.*

*Haud secus accenso gliscit vio-
lencia Turno.*

Et illa, *Memento quaso, quod sicut* Iob
lutum feceris me, & in puluerem re- 10.
duces me. Nonne sicut lac mulisti
me, & sicut caseum me coagulasti?

IMAGO refertur ad hunc
locum, quæ à Similitudine tan-
tùm differt, quòd illa breuior
est, hæc longior, nec multum dis-
similis Hypotyposi: differt tamen
ab illa, quòd omnis imago est
Hypotyposis, non tamen omnis
Hypotyposis est Imago. Hypoty-
posis enim res ipsas describit vt
geruntur, at verò Imago res sub
aliqua similitudine depingit. Vt
est illa Ciceronis, qua Verrem

sub

Iob
15.

sub belluæ è cauea emissæ imagine depingit, vt suprà in Hypotyposi. Sic impius sub timidi militis forma describitur. *Cunctis diebus suis impius superbit, & numerus annorum incertus est tyrannidis eius: sonitus terroris semper in auribus illius: & cum pax sit, ille semper insidias suspicatur; non credit quòd reuerri possit de tenebris ad lucem, circumspiciens undique gladium. Cum se mouerit ad quarendum panem, nouit quòd paratus sit in manu eius tenebrarum dies. Terrebit eum tribulatio, & angustia vallabit eum, &c.*

Ex loco ab oppositis exit contrapositum, cohabitatio, & commutatio.

Per adiuncta fiunt hypotyposes, & Ethopœiæ.

Per causas & effecta permissiones, concessiones, ironiæ, exhortationes, dehortationes & aliæ.

A com

A comparatis exit exemplum,
quod rem ornatiorem facit, cum
nullius rei, nisi dignitatis causâ
sumitur. Sic Ovidius de discessu
suo loquens i. Trist. Eleg. 3.

*Quocunque aspiceres, luctus,
gemitusque sonabant:*

*Formaque non taciti funeris
intus erat.*

*Femina, virque meo pueri quo-
que funere mœrent:*

*Inque domo lacrymas angu-
lus omnis habet.*

*Si licet exemplis in parvis
grandibus uti:*

*Hac facies Troia, cum capere-
tur, erat.*

Sic illud, *Vidit Mathathias, & do-
luit, & contremuerunt renes eius, &
accensus & furor eius secundum iu-
dicium legis, & insiliens trucidavit
eum super aram, sicut fecit Phinees
Zamri filio Salomi.*

1.
Mach.
2.

CAPVT XIX.

*De FIGVRIS quæ ex variis
affectibus dimanant.*

INTER figuras sententiarum numerantur omnes illi dicendi modi, seu figuræ, in quibus à communi forma dicendi ita discedimus, vt, cùm possemus aliter dicere, tamen ex arte recipiat oratio nostra diuersum quasi habitum, remotumque ab vsitato & ordinario. Tòtque efficiet orator figuras, quot ipse induerit affectus, eisque vocem & actionem accommodarit, vt cùm obsecrat, indignatur, obiurgat, miratur, optat, &c. Præter plures ex supradictis figuras, quæ ex iis affectibus oriuntur, vt adhortatio, admiratio, obsecratio, execratio & aliæ, frequentes sunt sacris oratoribus, grauiores sæpe affectus commouentibus,

D E

DEHORTATIO, cum auditores orator dehortatur, & auertit ab re aliqua. *Nolite fieri sicut equus & mulus.* Psal. 31.

COMMINATIO, cum minas alicuius mali intentat. *Ve vobis Scribae & Pharisei, quod sepius eodem capite à Domino repetitur.* Mat. 23.

EXULTATIO, qua lætitiæ animo conceptam significamus. *Cantemus Domino, gloriose enim magnificatus est.* Exod. 15.

COMMISERATIO, qua tristitiam & animi moerorem exprimit. *Absalom fili mi, fili mi Absalom quis michi tribuat ut ego moriar pro te.* 2. Reg. 18.

EXPOSITIVATIO, cum contendimus cum aliquo indignationem animi ostendentes. *Vsquequo Domine, clamabo, & non exaudies?* Hab. 1.

OBIVRGATIO, cum alios reprehēdimus. *Haccine reddis Do-* Deut. 32.

N *mino*

mino popule stulte & insipiens?

Sic admiramur, promittimus, gratias agimus, indignamur, atque alios huiusmodi affectus ostendimus, vnde fit, vt alij plures, alij pauciores enumerent sententiarum figuras, atque etiam verborum, nos eas tantum adduximus, in quibus scriptorum plurimi conueniunt.

Omnia non idem, nec multiplex, nec affectatus debet esse usus, sed illæ frequentiores erunt, quæ minus artificij habere, plus ad rerum naturam, causæ, temporis, ac loci opportunitatem accedere videntur, cuiusmodi sunt omnes, quas varij concitant affectus, & quibus naturâ ipsa duce vtuntur, qui nunquam artem didicerunt. Atque hæc de orationis ornatu.

CAPVT XX.

De quarta orationis virtute,
nempe CONGRUITATE.

EGIMVS de proprietate, perspicuitate, & ornatu orationis; nunc quarta eius virtus, nempe CONGRUITAS excutienda nobis est, quæ est modulata quædam, & concinna verborum, sententiarumque structura, quæ in ordine, iunctura, & numero consistit, de quibus singulis agemus.

Ordinis obseruatio est in verbis singulis, & in coniunctis. In singulis, vt forti fortius addatur, si crescit oratio; infirmius infirmo, si decrescit. Vt Cicero in Verrem, *Non furem, sed raptorem, non raptorem, sed sacrilegum, non sacrilegum, sed hostem sacrorum.* Sic illud, *Predica verbum, in sta* 2. Tim. 4.

opportune, importune: argue, obse-
tra, increpa.

In verbis contextis idem ser-
uandus est ordo, vt sententia
semper augeantur, si crescit ora-
tio, & e contrario, si decrescit
Vt Cicero in Verrem, *Facinus est*
vincire ciuem, scelus verberare, pro-
pè parricidium necare, quid dicam
in crucem tollere? Sic illud, *Collegii*
furorem suum in me, & comminans
mibi, infrenuit contra me dentibus
suis; hostis meus terribilibus oculis
me intuitus est.

Ordo etiam seruetur natura-
lis, vt dies ac noctes, viros ac foe-
minas, Solem & Lunam.

Iunctura, & concinnitas in o-
ratione est, quando verba in ver-
bis copulantur, vt oratio nec as-
pera sit, nec hiulca. Asperam fa-
ciunt orationem consonantes
asperiores, si frequentantur: illae
sunt Z, X, R, T. Vt exercitus re-
gis Artaxerxis. qua in re videtur

pecca

peccasse Ovidius, sed de industria, cum dixerit lib. 1. de arte amandi,

*Arte cito, veloque rates, remoque
reguntur.*

Hiulcam faciunt orationem plurium vocalium, earum præcipue, quæ pleniores sunt, & quodammodo vocaliores, cōcursus. Vt Cicero, *Ego omni officio, ac potius pietate, & alibi, viro optimo obtemperare.*

Vasta item fit oratio, si verbi prioris ultimæ syllabæ sint primæ sequentis. Vt, *res inuisa, visa sunt; sibila lambebant.* Monosyllaba malè continuantur, si multa sunt, vt, *hac in re rex, non est dux.* Breuia verba velocem reddunt orationem, longa tardiorē, se causæ accommodabit orator. Sic Virgilius pluribus vsus est spondæis cum Regis loquentis gravitatem describit, lib. 12.

Olli sedato respōdet corde Latinus.

Pluribus dactylis cū equorum
animositatem depingit lib.8.

*Quadrupedante putrem sonitū
quatit ungula campum.*

Numerus est modulata ora-
tionis compositio, quæ in inci-
sis, membris, & periodis specta-
tur. Incisum, seu comma est ora-
tionis pars nondum quicquam
absolutè significans, sed nomina
& verba aliqua differentia di-
stinguens. Vt Cicero contra Ca-
tilinam, *Egredere ex urbe Catili-
na, patent portæ, proficiscere, con-
ferte ad Manliana castra, concita per-
ditos ciues, &c.* Sic illud, *Tradit il-
los Deus in reprobum sensum, ut fa-
ciant ea, quæ non conveniunt, reple-
tos omni iniquitate, malitia, forni-
catione, avaritia, nequitia, plenos in-
vidia, homicidio, contentione, dolo,
malignitate, susurrone, detractores,
Deo odibiles, contumeliosos, super-
bos, &c.*

Membrum, siue colon est ora-

tionis

Rom.

1.

tionis pars, absolutam aliquo modo complectens sententiam, sed aliô tamen relatam. Vt Cicero pro lege Manilia, *Testis est Italia, quam ille ipse victor Lucius Sylla huius virtute & consilio confessus est liberatam. Testis est Sicilia, quam multis undique cinctam periculis, non terrore belli, sed celeritate consilij explicauit. Testis est Africa, que magnis oppressa hostium copiis, eorum ipsorum sanguine redundauit. Testis est Gallia, per quam legionibus nostris in Hispaniam iter Gallorum internecione patefactum est. Testis est Hispania, qua sapissimè plurimos hostes ab hoc superatos, prostratosque conspexit. Testis est ierum & sapius Italia, que cum seruili bello, tetro, periculosoque premeretur, ab hoc auxilium absente expetiuit. Sic illud, Qui ergo alium doces, te ipsum non doces: qui 2. predicas non furandum, furaris: qui dicis, non mœchandum, mœcharis;*

Rom.

2.

qui abominaris idola, sacrilegium facis; qui in lege gloriaris, per prauaricationem legis; Deum inhonoras.

Periodus est perfecta & absoluta sententia. Fit ex vno membro, si id longius excedat, & dicitur, monocolos, fit ex duobus, dicolos, ex tribus tricolos, ex quatuor tetracolos, vltra procedere vitiosum est, nisi membra sint breuissima. Vt Cicero pro lege Manilia, *Quanquam mihi semper frequens conspectus vester multo iucundissimus, hic autem locus ad agendum amplissimus, ad dicendum ornatissimus est visus Quirites: tamen hoc aditu laudis, qui semper optimo cuique maxime patuit, non mea me voluntas, sed mea vitæ rationes ab ineunte etate* Heb. 1. *suscepta prohibuerunt. Sic illud, Multifariam multisque modis olim Deus loquens patribus in Prophetis; nouissime diebus istis locutus est nobis*

nobis in filio, quem constituit heredem uniuersorum: per quem fecit & sacula: qui cum sit spendor gloriae, & figura substantiae eius, portansque omnia verbo virtutis suae, purgationem peccatorum faciens, sedet ad dexteram maiestatis in excelsis: tanto melior Angelis effectus, quanto differentius pra illis nomen hereditauit.

Incisa commate, seu virgula distinguuntur membra duobus punctis, periodus vno, interrogatio sua nota, admiratio & epiphorema virgula super punctum posita. Erit autem perfecta, & absoluta periodus, quæ numerum seruet. Hic autem numerus est duplex, naturalis & artificialis. naturalis est positus in aurium iudicio, hic enitat asperitatem consonantium, hiatumque vocalium, sentit quæ plena sunt, & parum expleta desiderat; suumque habet vnumquodque idio-

ma numerum, suam naturalem modulationem, & propriam pronunciationem, quam, licet peregrina nobis sit, oportet obseruare, illamque ex iis discere, qui maximè excellunt. Artificialem numerum inuenit ipsa obseruatio naturalis, & ex iis, quæ auribus arridere animaduertit, præcepta desumpsit. Sua erunt vniuscuiusque linguæ propria, sed si oratorem Latinum instituiamus, dicamus artificialem numerum constare ex pedibus poeticis. Hoc tamen discrimen inter numerum poeticum & oratorium versatur, nam ille suarum legum est obseruantissimus; hic verò liberior est & solutior, imò, quantum potest, à poematis similitudine refugit, sicque facile pedem vnum pro alio ponit, vt pro dactylo anapæstum, vel creticum.

Initia, & media periodi paulo

negli

negligentiùs sunt instituenda, ita tamen, vt ab aurium iudicio non discrepent; quod fiet, si quæ dicta sunt de ordine, iunctura, & numero, periodique ratione, exactè seruentur.

Extrema periodi, quoniam in eis aures conquiescunt, & orationis voluptate capiuntur, accuratiorem postulant diligentiam: quæ in sex vel septem vltimis syllabis seruanda est, vt, susceptæ prohibuerunt, nomen hæreditauit. Quæ qui sigillatim scire velit, hoc animaduertat. Dichoreus pulcherrimè cadit, maximè præcedente cretico, dactylo, iambo, vel spondeo, vt, ab interitu vindicasti, solatia seruitutis, virum cum viro comparetis, sedes collocasse. Creticus & spondeus claudunt optimè periodum, vt, depellendi criminis causa. Dichoreus etiam & spondeus, timendum fuisse censeatis.

Dactylus & molossus, esse videbatur. Creticus solus, vel duplex cogitans, sentio. Tribachus cum spondæo, fortasse videatur. Duo vel tres spondæi, maximè si iambus præcedat, me consulem declaravit.

Hæc tamen omnia, quæ de quarta hac virtute orationis dicta sunt, ita seruentur ne operosæ fiant, nam esset tum infinitus tum puerilis labor. Imò aliquando optimi oratores, ut inartificiosam eloquentiam ostendant & negligentem quandam diligentiam, hac in re de industria peccant, ut ille, qui pompam Pompeianam dixit. Nec tamen omnibus in locis numerosa oratio requirenda est, sed variae causæ varium dicendi genus postulant, & diuersæ orationis partes diuersam quoque orationis formam efflagitant, ut subsequenti capite dicemus.

CAPVT XXI.

*De TRIBVS dicendi GE-
NERIBVS.*

NON semper eodem cursu & tenore præterfluit oratio, sed nunc grandior, & velut inflatior, nunc etiam pressior, & humilior. Hinc fit, vt ex grauissimorum authorum sententia, tria constituentur dicendi genera. Vnum submissum, quod humile etiam, acutum, tenue, & subtile appellatur. Alterum huic contrarium, quod grande, vehemens, graue, & copiosum dicitur. Tertium medium, quod suaue, temperatum, mediocre vocatur.

In genere submisso, quod scribendis familiaribus epistolis, mutuis amicorum colloquiis, disputationibusque conuenit,

forma

forma debet esse orationis libera, & soluta vinculis numerorum. Diligentia conglutinandi verba prætermittenda est, & omnis insignis ornatus remouendus; ponentur tamen crebræ accuratæque sententiæ, ornamenta verborum, & sententiarum parè adhibebuntur.

Generi temperato, quod ad docendum, ad narrandas, scribendâsque historias pertinet, omnia dicendi ornamenta conueniunt, in idem cadunt lumina omnia, & verborum & sententiarum, ea præcipuè quæ minus habent roboris, plus suauitatis.

Genus graue, quod ad maiores causas, & vehementiores conciones pertinet, omnem vim postulat orationis, fortiores figuras, emphases, exclamationes, prosopopœias, amarulentas permissiones, & reliquas huiusmo-

di

di: hîc amplificationes adhibenda, hîc sunt omnes affectus excitandi.

Præterea cùm tria sint officia oratoris, mouere, docere, & delectare: humile dicendi genus ad docendum, ad delectandum temperatum, ad mouendum vehemens accommodabitur. In varijs etiam causis varia esse debet dicendi ratio: in paruis humilis, in modicis media, in grauibz copiosa. Sed eadem oratio mutat stylum, in confirmando humilem, in narrando temperatum, in mouendo requirit grauem; summaque eloquentiæ est suo quæque in loco adhibere.

Qui igitur parat concionem, reputet secum, qua in parte debeat vti genere demisso, vbi moderato, vbi sublimi. Fugiat tamen in quouis genere vitia proxima, in submisso, ne humi repat, exilisque & ieiuna dictio

fit.

fit. in temperato, ne luxu nimio
lasciuiat, & pigmentis inanibus
eneruetur; vel e contrario, genus
orationis sit dissolutum, sine
structura vagum & fluctuans: in
sublimi, ne efferatur inturgidum,
inflatum, & affectatum. Aduer-
tat etiam non diu posse audito-
res ferre, si longa texatur oratio
vehementioribus affectibus; qua-
propter recurrendum est ad mo-
deratum dicendi genus, ut rursus
ad grande redeatur, & varietate
dicendi non solum delectetur,
sed etiam trahatur auditorum
animus, ad id quod suadet o-
ratio..




P A R S V.

De MEMORIA.

CAPVT I.

*Quid sit MEMORIA, &
quotuplex.*

 M E M O R I A, quæ quarta
Rhetoricæ pars con-
stituitur, est firma ora-
tionis perceptio, sine
qua muta, vel mortua ea videtur
eloquutio, quam in scriptis legi-
mus authorum, ea quodammo-
do animatur, cùm ex memoria
thesauro rerum omnium de-
prompta, pronuntiatur.

Memoria autem tam est sacro
oratori, & cuius literarum stu-
dioso necessaria, vt certum illud

esse

esse videatur, nos tantum scire quantum memoriæ mandamus.

Est autem Memoria, vis quædam, & potentia à natura tributa, qua res comprehenduntur ac retinentur; & tanquam ancilla voluntatis & intellectus, quid illi amandum, quid huic credendum proponit. Sed id distinctius explicemus ex Alberti Magni sententia, qui triplicem in memoriam constituit. Vnam vocat conservatricem rerum sensui obiectarum, quæ deseruit rationi: altera inest superiori parti rationis, & appellatur retentio, vel essentialis conservatio similitudinis omnium rerum: tertia est conservatrix specierum intelligibilium, quæ rationi subest, & hæc communiter Memoria appellatur, quam felicissimam aliquos habuisse antiquitas celebrat. Vt Mithridatem Regem Ponti, qui duas & vigin-

ti linguas, tot enim nationibus imperabat, assecutus fuerat. Cyrum item Persarum Regem, qui omnibus in exercitu suo numerosissimo militibus nomina reddebat. Hæc memoria posteriori parti cerebri inhæret. Inde fit ut in ea parte acceptum vulnus plurimum memoriæ noceat, & in occipite tumor felicitis memoriæ signum esse dicatur. Qui celeriter apprehendunt, plerumque non admodum memoriâ valent; tardi autem diutius recordantur, ut imagines blandæ ceræ sigillo imprimuntur facile, facile etiam delentur; sed duriori materia impressæ difficilius abolentur, & conseruantur diutius. Iam quod diuturna memoria in multis simus, in aliis verò fluxa, & labili, bifariam fit, primum vehementi impressione, cum notio ipsa multo vehementique spiritu à phantasia in me-

moriam

moriam defertur: unde manet
alta mente repostum, quod in-
gentem nobis dolorem, timo-
rem, vel lætitiā attulit, deinde
aliquid sit diuturnum crebra re-
petitione.

Memoria igitur est duplex,
naturalis vna, artificialis altera;
de illa adiuuanda, de hac com-
paranda dicendum nobis est.

CAPVT II.

De MEMORIA NATV- RALI adiuuanda.

MEMORIÆ excolendæ &
adiuuandæ subsidia, alia
labor & industria pariet, alia na-
tura concedet.

Primum illud sit, vt quæ man-
daturus es memoriæ rectè intel-
ligas; memoria enim retinet &
conseruat, quæ intellectus per-
cipit, & inde fit vt difficilè reti-

ner:

neri possint, quæ non bene intellecta, & percepta sint.

Secundo, faciliùs lecta, quàm audita discimus, & scripta quàm lecta, & nostra quàm alieno labore composita, & à nobis exarata, quàm ab aliis conscripta, vel typis excusa; quod enim manuscribitur, quasi memoriæ imprimitur, qua de causa etià ipsa, quæ ex libris ediscenda sunt, satius ac melius esset transcribere, & ex chartis ediscere. Disce ex iis, quæ primùm scripseris, exéplaribus, nō ex iis, quæ emendatiùs, & niti-diùs scripseris; illa enim, quæ in primo exemplari delentur, interpunguntur, malè scribuntur, & adduntur, memoriæ fauent.

Tertiò, iis, quæ dicturus es methodum aliquam & ordinē, numerumque præscribe: nam cum methodus, ordo, & numerus tollat confusionem, mirum in modum iuuat confirmatque me-

mo

memoriam.

Quarto, poteris totā orationem & concionem in partes aliquo diuidere, adnotatas ad marginē vel notis arithmeticis, vel alphabeticis literis, vel quouis alio signo, dummodo illud notissimum sit, & si fieri potest, proportionem habeat aliquam, cum iisque annotantur. Noui ego quendam, qui totam concionem inter Sanctos, quos præcipua religione colebat, partiebatur, adscribēsq; margini eorum nomina, singula singulis commendabat, quampiam industriam tum ad pietatem, tum ad memoriam valere maximè expertus est.

Quinto, si quis locus, aut sententia aliqua difficilius memoriæ hæreat, vel ne elabatur, times, adice speciale aliquod signum præ cæteris. Hæc de iis, quæ ediscenda sunt; dicamus nunc de tempore, loco, modo, personâ-

que

que discentis.

Sextò, tempus maximè memoriæ aptum est matutinum, cùm & cibus decoctus est, corporis etiam habitus ad obsequendum animo magis accommodatus, liberior curis animus, & recens viribus.

Septimò, sub somnum aliquid ediscere, & sæpius attentius legere, matutino tempore repetendum, non erit inutile: maturantur enim & quasi cōcoquuntur ipso somno nuper memoriæ ingesta, & illa quæ sunt recenter facilèque impressa, effluunt facile. Non tamen probarim, ut à cœna labores in discendo memoriter, tempore destinato quieti; importunus est enim labor, importuna vigilia, quæ si longa est, plurimum obest memoriæ, quam non minus lædunt nimis brevis somnus, quàm multus cibus & potus. Quòd si no-

ete

Iste etiam præcedente concionem vigiles, postridie neque animi, neque corporis vires ad agendum, dicendumque cum alacritate, vi, ac robore, quibus opus est, suppetent.

Octavo, locum elige solitarium ab omni strepitu liberum; & quem impedire non possit, nec quæ audiuntur, nec quæ videntur.

Nono, circa modum annotanda sunt aliqua. Quintilianus admonet, ubi longior est oratio, ut superius attigimus, ediscendam per partes, quæ tamen non sint perexiguæ, nec nimis multæ, quia multitudo mentem obruit.

Decimo, non tacite discendum est, sed voce submissa quasi murmure; vel clara etiam & perspicua, non tamen nimis elata & contentiosa; nam ut illa immurmuratio expressioque verborum

altiùs

altiùs menti res infigit, sic clamor & contentio quodammodo perturbat, & impedit memoriam. Nec probo, vt eodem die, ante concionem clara voce declames solus, ne accedas ad suggestum iam lassus, & exhausto priuatim affectu, frigidior in publico sis.

Vndecimò, pueris ad verbum ediscendum est, & iis etiam, qui alieno idiomate loquuntur, nisi id quàm optimè compararent. Nam si ita verbis addictus es, tanquam ex scripto pronuncies, posset ea cura inter dicendum anxium & titubantem reddere, quod turpe est, nec quæ memoriter pronunciantur, possunt cum ea vi proferri, qua opus est, vt omittam alia plurima, quæ ex hac nimia seruitute nascuntur incommoda. Rerum igitur vim, ordinemque bene complectatur, nec verbis se vllò modo alliget,

si fortis ac liber velit esse in dicendo. Quapropter si eas etiam quas citat, & affert sanctorum Patrum sententias, & sacrae paginae testimonia non ita fida memoria teneat, ut possit sine ulli hæsitatione, &, quod in primo observandum est, fidelissimè a verbum pronunciare, satius esse patria lingua illarum sensum reddere fideliter, quàm in recedendis ad verbum turpiter hære. Bene præmeditatus ad concionem accedat, nihil enim in memoriam dicentis turbare actionemque impedit, quàm quæ dicturus est non bene cum decoxisse, satiusque esset, convenientius repente, aliàs quæ conceperit, eructare, quàm non bene concepta parturire.

Duodecimò, ipsa exercitia quotidiana memoriæ est præcipua maximaque ars ad eam mandam & augendam, quæ

colendo, sicut alia omnia, auge-
tur. Sed non debet memoria lon-
go & continuo discendi tempo-
re fatigari, quod plurimum ca-
piti nocet, sed aliquod inter-
ponendum est tempus, quo re-
creetur.

Decimotertiò, frequenter etiam
versare, & repetere sæpius ne-
cesse est quod recordari velis,
quia consuetudo est altera na-
tura, & ut Aristoteles *lib. de Me-*
moriam, & *reminiscentia* ait, me-
moriam est positio sub ordine, &
frequens meditatio per remi-
niscentiam.

Decimoquartò, quoad perso-
nam discantis illud præcipien-
dum in primis est, ut animus
sit à curis liber, vacuus ab occu-
pationibus, liber à perturbatio-
nibus, & à vehementi quacum-
que affectione, odij præcipuè;
sed maximè, & præ cæteris, libi-
dinis, & voluptatis.

Decimoquinto, præter hæc, quæ dicta sunt, alia concessit memoriæ adiuuandæ præsidia natura. Ea sunt corporis valetudo, & optima constitutio, à crapula, & luxuria, temperantia, cerebri custodia, somnus non brevis, isque susceptus corpore non in dorsum, sed in latus dextrum exporrecto; victus salubris & temperatus: cibi crassiores, ut caseus, lac, olera, legumina, & vinum lædunt memoriam. Cœnandum parcius, & inter somnum & cenam vel sesqui horæ intervallo sit: septem ad summum octo horas dormire vel pueris satis est. longior somnus, & memoriæ salutem officit; illo spatio, quo brevior fuerit, plus vitæ addet, quæ nihil est carius homini, præcipuè literarum amatori, & studioso, de qua tanto minus detrahitur, quanto plus somno detrahatur. Salutis & virium haberi

est ratio; suas quisque consulat; sciat tamen posse pederentim, sensimque aliquid temporis detrahendo, sine salutis dispendio, ad paucas horas dormiendi tempus contrahere.

Decimosexto, felicissimam facit memoriam æqua, & optima humorum & primarum qualitatum temperatio, siccitatis, frigiditatis, humiditatis, & caloris; qui eam partem cerebri, in qua situs est memoriæ, humidam, & calidam habuerint, ut plerumque pueri, facile percipiunt, sed citò etiam obliuiscuntur; si prætalet siccitas, retinent diutius, licet tardius ediscant. Qui humidi & frigidi sunt, ut senes, non multum valent memoria, illi autem vel nullam, vel exiguam, qui frigidum, & siccum occiput habuerint. Atque hac de causa, si frigida qualitas memoriam infestat, adiuuatur nuce myristica, ros-

marini flore, amaraco, melisso-
phyllo, cassia, cynamomo, ac
zinzibere viridi melle condi-
to, ac reliquis omnibus vel me-
dicinis, vel cibis, qui calidioris
sint naturæ: sæpius etiam eam
capitis partem, quæ maximè fri-
gore afficitur, perfricare mani-
bus vel panno, vel linteo aspe-
riore: si memoriam siccitas per-
uertat, quæ plerumque etiam
somnia corpori, & sanitatem
menti adimit, cōferunt cortices
citri conditi, glycyrrhiza, nym-
phæa, buglossa, vuz passæ, exem-
ptis præsertim vinaceis, mel, sac-
carum, butyrum, oua recentia. V-
tile est interdum pedes abluere
decocto foliorum lauri, & flos-
marini. Aliquando eadem te-
penti aqua caput intingere ante
somnia: coriandri item grana
saccaro induta sumpta post co-
nam: fel perditis arteriis illitum
iuvat memoriam: corda pullo-
rum

rum columbarum in testa combusta, redacta in puluerem, vino epota memoriam stabiliunt. Hęc autem & reliqua huiusmodi ex præceptis potius medicinę quàm Rhetoricę, ex pharmacopolarum, quàm oratorum officina depromenda sunt, & tutius, & facilius, & efficacius est memoriam industria quàm medicina adiuuare.

CAPVT III.

De MEMORIA ARTIFICIALI.

EA altius, & diutius memorię inhærent, quę oculis, quàm quę auribus percipiuntur: vt sapienter dixit Horatius in arte poetica,

*Segnius irritant animos demissa
per aurem,*

*Quam quæ sunt oculis subiecta
fidelibus, &c.*

Vnde Memoria artificialis eam spectat, ut res non videatur audire, sed videre. Atque hac de causa memoria artificialis locis constat & imaginibus. Loca sunt pro charta, imagines pro literis. De locis hæc erunt annotanda.

Primo, ut communis aliquis locus eligatur, cuique notissimus, amplius, speciosus, partium varietate conspicuus, qualis esse solet vel templum, vel cœnobiũ alicuius, vel palatii peristylum.

Secundo, huius communis loci partes; & loca singula debent esse maximè nota, & insignia, & aliqua ratione diversa: ut sunt fenestræ, portæ, columnæ, anguli, & cætera quæ inter se maximè distinguantur: nam quæ uniformia sunt, & similia, ut plures eiusdem rationis ianux, fenestræ & columnæ, memoriam potius

pertur

perturbant, quàm adiuuant.

Tertiò, hæc loca sint aliquâ distantia inter se disiuncta, nam nimis coniuncta memoriam confundunt, longiùs distantia distrahunt, minimum quinque aut sex pedes distent: ita sint oculis obiecta, vt veluti manibus tangi possint, nec in terra iaceant, nec sint ab illa nimis eleuata.

Quartò, hæc loca sint ab hominum frequentia, si fieri potest, separata, non obscura, sed nec nultum illustrata Solis splendore.

Quintò, locus, in quo hæc loca notantur, sæpius repetendus, frequentandus, lustrandus mentis oculis, vel etiam corporis, vt quæ in eo priuata notantur loca altiùs in memoria hæreant. hæc co plura sunt notanda, quo plura sunt ediscenda: sunt qui ducenta, & quadringenta, vel mille, vel eo plura eligenda esse di-

cât, nec id esse difficile. Nec multum interest, vtrùm in eis assignandis à dextra, vel à sinistra incipias, dummodo constans in assignata ratione perseueres, nec ordinem perturbes. Hæc de locis; quæ sequuntur de imaginibus obserua.

Primò, imagines sunt rerum, vel etiam verborum, quæ meminisse volumus, similitudines in assignatis locis collocandæ. Rerum similitudo facilis, cùm simplex quoddam signum rem totam possit repræsentare, vt anchora nauigationem, gladius bellum, aratrum agriculturam. Verborum imago difficilior est. Ea autem est cuiusque imaginis functio, & huius totius artis vis, vt memoriam excitet naturalem; quare illæ inueniendæ sunt imagines, quæ id maximè præstent.

Secundò, imagines sint rebus,

qua

quarum sunt notæ, maximè similes, quæque illas ad viuum repræsentent.

Tertiò, sint stabiles & fixæ, sed acres, & viuæ, & energiam habentes ad aspectum commouendum, quo maximè excitatur memoria. Mouent autem res nouæ, admirabiles, insigniter pulchræ, vel deformes.

Quartò, personæ designantur per earum attributiones, ætates, habitus, vt Rex sceptro, literatus libro, miles gladio, & artifices per eorum instrumenta.

Quintò, personarum affectus, vt amor, lætitia, iracundia, & similes, vel per personas, quæ iis per motionibus affici solent, vel per constitutionem imaginum eos affectus exprimentium. Ad quod proderit humani corporis partium significationes memoria tenere: nam caput erectum superbiam denotat, summissum

tristitiam, dimissi oculi pudorem, suspicientes reuerentiam, torui & ardentes iracundiam, elatus nasus irrisiionem, auris memoriam, pectus nudum sinceritatem, coopertum fallaciam, cor amorem, fel iram, manus pendentes dolorem, vel desperationem, manus coniunctæ sursum deprecationem, eleuatae parum & separatae admirationem, aperta & extensa liberalitatem, contractæ & compressæ auaritiam, dextra in altum eleuata comminationem, & tunc in pugnum complicata fortitudinem, humeri patientiam, index ori admotus silentium, lingua locutionem. Affectus etiam humani per animalia aliqua significantur, ira per leonem, per columbam simplicitas, per serpentem prudentia, per canem sagacitas, per hircum, vel suæ luxuria, per agnū innocentia.

Sexto,

Sextò, effectus & operationes personarum, per earum gestus, vt si spoliare, scribere, interficere, significare velis, personarum imagines constitues spoliantes, scribentes, interficientes.

Septimò, facta & euenta, vt bellum, naufragium, triumphum, per eorum imagines.

Octauò, res omnes repræsentantur facile per earum effectus, proprietates, & figuras: vt cæli, Sol, Luna, elementa, & aliæ; similiter per earum subiecta, vt albedo per niuem, vel cygnum, calor per ignem, dulcedo per mel, & sic de aliis: aut per eorum contraria, vt lucem per tenebras, mortem per vitam, quoniam contrariorum eadem est disciplina; vel etiam per relata, vt dare, & accipere, magistrum, & discipulum, quorum vnum non est sine altero.

Nonò, in vno loco non sunt

plures

plures imagines collocandæ, nisi illæ ad vnam actionem spectent, & tunc quo pauciores rem possint referre collocentur. Si res gesta plures actus habuerit, eorum imagines in plura loca distincta distribuuntur.

Decimo, eorum quæ diuturna memoria retinere velit, imagines sunt per sua loca sæpius mentis oculis respiciendæ: eorum verò, quæ in hunc vel illum vsum ediscuntur; post illum, vel non repetitæ euanescent, vel mentis quasi manibus disturbentur, vt vacua aliis imaginibus loca relinquunt.

Vndecimo, verborum vocumque imagines acriori industria, & maiori prudentia inueniendæ sunt. Exempla in Alphabeto Hebraico collocemus, modosque aliquos assignabimus.

Primo, verbum ipsum, & vocem ad imaginem aliquam per-

sonæ,

sonæ, vel rei, quæ vocem aliquo modo repræsentet, transferam, illamque pro voce, cuius meminisse volo, collocabo. Vt si velim recordari literæ *Aleph*, ponam imaginem aut hominis Alphonfi nomine, vel Elephantis animalis, vel herbæ, quæ apud nos *Alphalpha* dicitur, harum enim imaginum nomina quandam videntur habere similitudinem cum *Aleph*.

Secundo, vocem ipsam mihi minus notam, per aliam mihi notiozem repræsentabo. Vt si meminisse velim secundæ literæ Alphabeti *Beth*, fingam balantem ouem, & inclamentem, *Be*. sic *Aleph* per *Alleluia*.

Tertiò, per aliquam imaginis effectæ actionem: meminero literæ *Dalet*, si fingam hominem alteri vt percutiat imperantem, voce Hispana *Dale*, id est, percutite. In eo enim tota hæc res confi-

stit,

stit, vt quæ audiuntur, ad aspectum transferantur. Et quæ minus nota sunt notioribus percipiantur. Vt cuidam contigit, qui cum in re pecuniaria esset solertissimus, in Christiana tam erat hebes, vt orationem Dominicam illam sepius aggressus nunquam didicisset, donec à prudenti viro eductus est ita. Puta debere tibi centum nummos *Pater noster*, totidem *qui es in cælis*, ducentos *sanctificetur*, totidem *nomen tuum*. Dic mihi, quoniam tibi sunt debitores. Respondit, *Pater noster*, qui es in cælis, *sanctificetur nomen tuum*.

Præterea si meminisse velit orator alicuius sententiæ vel dicti, fingat illud authorem pronunciantem, exempli gratia Isaiam cælum contestantem, si dicturus est, *Audite cali, quæ loquor, &c.*

Si plures voces inter se compositas, quæ sensum efficiant, ve-

lit tenere, ex earum initialibus literis vocem sibi compingat, vt singulæ literæ suam vocem in memoria referant. Vt, *Momentaneum & leue tribulationis æternum gloria pondus operatur*. Ex his octo dictionibus, octo assumens literas, vocem efficiam, *Meltaggo*.

Huiusmodi enim literarum combinatio adiecta aliquando vocali proxima ad coniungendas consonantes, multum prodest memoriæ, vt si velim vtriusque sacræ paginæ tam veteris quàm nouæ libros, qui in legales, historiales, sapientiales, & prophetales diuiduntur, memoriâ tenere, reuocabo in illam has quatuor voces:

Gelnude, G. Genesis, E. Exodus, L. Leuiticus, Nu. Numeri, D. Deuteronomium, E. Euangelia quatuor.

Iirrpeticima, I. Iosue, I. Iudicum, R. Ruth, R. Regum qua-

tuor,

tuor P. Paralipomenon duo, E. Esdræ duo, T. Tobia, I. Iudith, E. Esther, I. Iob, M. Machabæorum duo, A. Acta Apostolorum.

Psapcese Pauca, Psa. Psalmos David, P. Prouerbia, C. Cantica, E. Ecclesiastes, S. Sapientia, E. Ecclesiasticus, Pau. Pauli Epistolas 14. Ca. Canonicas 7.

Iibeddna, I. Isaias, I. Ieremias, B. Baruch, E. Ezechiel, D. Daniel, Du. Duodecim minores, A. Apocalypsis.

Oratio adstricta numeris facilius memoriæ commendatur, ac retinetur diutius: vnde fit, ut ea, quæ velimus meminisse, carmine contexantur.



P A R S VI.

De PRONVNCIATIONE.

CAPVT I.

Quid sit PRONVNCIATIO, & quæ eius partes.

PRONVNCIATIO est corporis & vocis exrerum & verborum dignitate moderatio: cuius vis tanta est, vt ex sententia Quintiliani, mediocris oratio commendata viribus actionis plus habitura sit momenti, quàm optima illâ destituta: non enim tam refert qualia sint, quæ intra nos composuimus, quàm quemadmodum efferatur. Actionem dixit Cicero esse, quæ domina-

tur,

tur, hanc Demosthenes omnibus Rhetoricæ partibus præposuit hanc maximam oratoris laudem esse dixit. Inueniendi acumen disponendi prudentia, eloquæd venustas; & memoriæ felicitas non tã celebrem oratorẽ faciunt quàm sola actionis dignitas illustrat. Si reliquæ partes natura, arte, & exercitatione comparantur: ad hanc vnã maiora naturæ subsidia expetenda sunt, hæc omnibus præceptis instruenda, hæc maiori exercitatione, labore, & industria excolenda, & quod caput est, hic affectus & ardor animi ad commouendos auditores à Deo est summis precibus postulandus.

Duas habet partes actio, vocem & motum; vocis mutationes toridem debent esse, quorū animi. De hac prius dicemus, deinde de motu & gestu corporis.

CAPVT II.

De V O C E moderanda.

VOx, si ratione quantitatis examinetur, est parua, magna, & media; parua, quę longiùs exaudiri non potest; magna quę longè latèque porrigitur, & media inter vtramque.

Vox item tribus tonis accommodatur, graui, acuto, & medio. *Primo* respondent duę Musicę notæ, *ut, re*; *secundo* duę, *sol, la*; *tertio, mi, fa*. Qui vocem ita à natura accipere, vt submissum tonum sonet, qui *Basis* reliquorum dicitur, non admodum sunt apti concionibus, nec enim poterunt in affectibus concitatoribus tantum vocem attollere, quantum necesse est: nec qui supremam quam dicunt ex quatuor vocibus habent, nec enim possunt cum dignitate vocem, cum

neces

necesse est, deprimere. Illa vox est concionatoribus apta, quæ tenorem, & altum, ut dicunt, perfonet, hæc enim & ascendit, & descendit facilius, & suavius. Obseruet autem quisque penitusque cognitam habeat naturam suæ vocis, ut probè teneat, quantum eam contendere, quantum possit deprimere.

Vox, si qualis sit inquiratur alia est lenis, alia aspera, alia clara, alia obscura, alia explicata alia implicata, alia flexibilis, alia dura, alia firma & constans, & in sua dignitate permanens; alia infirma, & quæ passim deficit; sed ut labore de bona fit melior, ita etiam per sæpe de mala bona.

In vocis moderatione easdem assignat virtutes Quintilianus, quas in Eloquentione, ut sit emendata, dilucida, ornata, & apta.

Erit emendata pronuntiatio

si omni vitio carebit, si nihil rusticitatis, nec asperitatis habeat, si modum pronunciandi regionis, & nationis emendatiorem sequatur.

Erit dilucida, si clara, canora, articulata, expressa, non velox, non tarda, non obscura fuerit, si syllabæ & literæ rectè pronuncientur, ita tamen, ut non numerentur, nam aliquando syllabæ deuorari, aliquando destitui solent plerisque extremas literas non proferentibus: si distinctio- num habebitur ratio, si pro ratione punctorum magis minúsque quiescet, si spiritus suis locis antequam deficiat, sumat.

Erit ornata pronunciatio, cui suffragatur vox facilis, flexibilis, firma, dulcis & clara, & pro rerum varietate suis figuris & formis expressa, nunc lenis, nunc vehementior, modò accelerata, modò tranquilla. Contra hanc

varie

varietatem pronunciandi tyrones siue ex timore, siue ex verecundia ferè peccant, aliquando ab initio quandam lamentabilem vocem assumunt, & in hac querimonia & luctu ad finem usque perseverant; alij statim in clamores efferuntur, idque putant esse efficaciter concionari; cum nihil aliud sit quàm delectando, docendo, mouendo auditores, verba facere: nam, ut quando priuatim loquimur, non semper eodem loquendi modo vtimur, sed alio narramus, alio interrogamus, alio indignamur, alio blandimur; idem in suggestu faciendum est, sed contentione maiori, quia amplificationes verborum & rerum sunt maiores, & quia multi sunt apud quos dicimus, vox attollenda est, ut ab omnibus audiamur.

Apta pronunciatio est, qua omnibus affectibus, motibúsq;

seruit

seruit animorum. Vox igitur letis in rebus plena, simplex & quodammodo hilaris erit; in certamine erecta & fortis; in blandiendo, satisfaciendo, fatendo, rogando lenis & submissa: suadentium, monentium, pollicentium & consolantium grauis; in metu & verecundia contracta; in adhortationibus fortis; in miseratione flexa, flebilis; & consultò quasi obscurior; in expositione, ac communi sermone recta. Attollitur autem concitatis affectibus, compositis & sedatis descendit pro vtriusque rei modo vel altius, vel inferius: vitandaque maximè illa quæ Græcis Monotonia dicitur, quando eodem tenore vocis tota decurrit oratio; sed & verba ipsa singula diuersam postulant pronunciationem; aliter enim miser & pauperculus; aliter fortis & vehemens pronuncianda

P

sunt;

sunt; & verba mutatâ pronun-
ciatione indicant, interrogant
irrident, eleuant, quæ proprieta-
& aptitudo nisi accedat, aliu-
animus, aliud vox significabi-
t. Hoc maximè præcepto rectè
pronunciatio continetur, v-
t quisque ita dicere statuât & ce-
netur, vt ipsa nos docet natura
in quotidianis sermonibus lo-
qui, sed elata magis voce, curâ
que maiori. Statim igitur in ipsi-
orationis initio modum voci
assumat, quo solet inter domesti-
cos vti, ita tamen, vt possit a
omnibus ipsum thema propo-
nens exaudiri. Ne nimis crebre
passimque per totam concio-
nem clamores edat, qui enim sæ-
pe clamat defatigatur, cûmqu-
opportunum erit, edere clamo-
rem, non facile poterit. Audito-
res etiam defatigantur, & assue-
ti clamoribus, non facile vbi o-
pus est, commouentur. Tempe-

stiu

stui clamores vtilis sunt , præsertim si vox sit clara, dulcis , robusta , non aspera ; non obtusa , non exilis , & nimium acuta , & si ex animi sensu , & affectu in re graui , quæ probè explicata , probataque rationibus sit , erumpant , mirabiles motus efficient.

Temperanda & coërcenda est summa diligentia festina , & præceptus oratio : nā ingenti imbri similis , qui repentè effusus terram eluit , non humefacit , dum multas sententias , alias super alias rapidè euoluit , nihil auditor arripere & seruare potest. Nam , ut inquit Seneca , huiusmodi orationis cursus nihil habet utilitatis , inanitatis , & vani multum : nam oratio , quæ sanandis mentibus adhibetur , descendere in nos debet : remedia non profunt , nisi immorentur , lenienda sunt , quæ me exterrent , compescenda , quæ irritant , discutienda quæ

fallunt, in hibenda luxuria, corripienda auaritia, quid horum raptim fieri potest? Quis medicus ægros in transitu curat.

Neque tamen dum celeritas fugitur, in contrariam incidendum est tarditatem, ut ita dicas, quasi verba adnumeres: nam affectus omnes languescunt, & auditores oscitatione soluuntur. Modus sit in rebus, & orator, si nec nimis velox, nec tardus fuerit, facile vocem à contentione, & clamore ad sedatum, & naturalem modum remittet, & prout expedierit, variabit. Ex sententia Quintiliani prima rectè pronuntiandi ratio est æquabilitas, ne sermo subsultet imparibus spatiis & sonis, elata summis, acut grauibz commiscendo.

Aliqui igitur dum monotoniā fugiunt, modò attollunt modò deprimunt vocem, ut ne alta intelligi, nec submissa possi

aud

audiri. Hoc vitium euitabitur, si
vsum communem omnibus lo-
quendi sequamur, quémque à
natura sumus edocti: nam iuuari
ab arte natura, ac perfici debet,
non vitari.

C A P V T III.

De M O T V & G E S T V
C O R P O R I S.

G E S T V S motusque corpo-
ris voci consentiant, & v-
trumque, vox scilicet & gestus,
animo simul pareat. Quantum
verò gestus corporis habeat in
oratione momenti, satis vel ex eo
patet, quòd pleraque etiam citra
verba significant. Nec debet esse
nimius, nec valde artificiosus, sed
naturalis & simplex, vt videatur
omnino natus, & ex rebus, quæ
dicuntur, & ex affectu dicentis.
Actio non debet esse scenica, vel

histrionica, vt si quis medicum
pingens, sibi tentet arterias; ve
si venatorem, videatur currere
vel si militem, gladium stringe
re. Grauis debet esse orator, &
cordatus, memineritque se do
ctorem agere, non histrionem.
Vt igitur à toto corpore ordia
mur, status eius sit erectus atque
cellus, qui magnum, constan
tem, & fortem demonstrat, non
incuruatus, quia rusticitatem
non vacillans, quia leuitatem
non deiectus, quia animum mol
lem, & effœminatum indicat.
Concitata & frequens in vtram
que partem corporis mutatio
reprehendi solet: quod qui fa
ciunt, quasi è lintre loquantur.
Non nimis corpus abiiciat, nec
submittat, nec saltitet. Quod ve
rò ad singula membra attinet,

Caput sit rectum, & secun
dum naturam, modicè in ante
riorem partem inclinatum: deie

etc

cto humilitas, lupino arrogancia, in latus inclinato languor, præduro ac rigenti barbaries quædam mentis ostenditur: nec leuiter caput circumagat, quasi portam in cardine; illud iactare, & comam rotare phanaticum est.

Vultus accommodari debet rebus, hilaris in lætis, mœstus in tristibus, seuerus in obiurgatione, aeris in sollicitudine, ardens in iracundia, conturbatus in conqueſtione, deiectus ac demissus in verecundia, in omnibus grauis & maturus, vt nunquam habeat aliquid dissolutum, aut indecorum, nihil immodicum & affectatum.

Vultum ita componat ac moderetur orator, vt omnes auditores quantum fieri potest, eius os intueri queant, nec in alteram partem ita se vertat, vt aliquo modo faciem ad maiorem audi-

torum partem conuersam non habeat.

Frons modicè demissa & corrugata pudorem; serena & explicata hilaritatem, & clementiam ostendit.

Supercilia sublata arrogantiam, demissa verecundiam indicant, crudelitatem, cùm alterum est sublatum, alterum deiectum.

Oculorum, qui animi sunt indices, maximè habenda est ratio, ardentes iracundiam, intenti attentionem, suspicientes anxietatem, nimium deducti stoliditatem significant. Non vno obtutu semper eosdem auditores aspiciant, nec ab omnibus se auerant, nec parietes & tectum aspiciant, quasi ibi essent aures.

Nares corrugatæ illusionem indicant, eas sine causa frequentius emungere, eisque subito impulsu spiritum excutere vitiosum est.

Labia

Labia porrecta stultorum sunt, cum mordentur iratorum, ea lambere indecorum erit; collum nec debet deduci, & in altum erigi, quia sic fatigatur vox; nec pectori mentum affigi, quia minus claram reddet vocem presso gutture. In demonstratione, & probatione inclinandæ ceruices sunt, nam proximè vultum auditoribus admouemus, cum eos docere, aut instigare volumus.

Manus loquacissimæ sunt, nam cæteræ partes loquentem adiuuant, hæ verò, prope est, ait Quintilianus, ut ipsæ loquantur, sine quarum motu trunca ac debilis fit omnis actio. Pectori admouentur, cum de se quis loquitur; cum de alio, illum intenduntur, cum sensu & incipiant & deponantur: quanuis leuiter iactandæ non sint, rarò tamen quiescant, semper loquentem

ambæ comitentur : nec infra pectus depromantur, nec ultra humeros attollantur ; sint semper aliquantulum compressæ , non nimium exporrectæ , ac extensæ , ac si velint alapam impingere , non disiungant , ac dissipent digitos ; pollex poterit aliquando extendi , aliquando indici admo-ueri. Manuum motus in proponendo sit tardus & spatiosus , in enarrando gravis , sed facilis , in confirmationibus acrior , & velocior , ut videantur ex iis præcordiis argumenta manibus depromi , & in aures auditorum immitti. Quæ distinguenda & diuidenda sunt , & hac & illa manu singillatim diuidentur , vel diuisionem index dextræ , in sinistræ manus digitis efficiat , qui motus maximè deseruit acutis argumentationibus. Vtraque manus eleuata , & velut resupinata admirationem denotat : eleuata

exten

extensæ & applicatæ Deum deprecantis sunt: digitis implicitis & cancellatis ad pectus admotæ dolentis, & miserentis. Oculos semper sequantur manus, quocunque se illi attollant, depri- mant, conuertant. Sinistra manus sola nunquam moueatur, sed semper dexteram comitetur: dextra sola indice extenso demonstrat, eleuata vltra humerum comminatur, exporrecta vrget & incitat, in vehementioribus affectibus vel extensa palma, vel compresso pugno poterit aliquando suggestum quatere. Manus sæpius complodere vitiosum est, in fine grauis alicuius rationis non displicet. Totigitur debent esse motus manuum, quot oculorum, quot vocis, quot animorum, grauis tamen, & qui oratorem Ecclesiasticum deceat: nam illi ferri non possunt, qui brachiorum iactatione,

& irrequieto corporis motu digladiari, non dicere, satagere potius, quàm agere videntur.

Hæc de Pronunciatione, quæ præcipua est Rhetoricæ pars, maxima oratoris laus: quæ vna, si qua alia labore est comparanda, industria excolenda, & exercitatione perficienda. Non est vnus diei aut opera, aut opus, diu est insudandum. Animaduertat ab ipso tyrocinio orator, & admoneri ab aliis velit, quæ in sua pronunciatione vitia sint, & nunc hoc, nunc illud corrigat diligenter, caueat ne abeant in consuetudinem, quæ difficile expellitur. Obseruet attentis oculis non solum præstantes in dicendo oratores, sed quosvis, etiam pessimos, quid in illis placuerit diligentissimè imitetur, quid in his displicet, fugiat pro viribus: non solum patiatur, sed amet etiam & gaudeat se ab aliis

corri

corrigi. Mirum est enim, quot labor improbus excellentissimos oratores fecerit in dicendo, in quo perrarò exoritur aliquis excellens.

CA P V T IV.

*P R A X I S praeceptorum pro
sacris oratoribus.*

CONCIONEM si multis antè diebus parauerit, pridie ante agendum attentius meditetur, vt recenti dicendorum memoria, & consideratione affectus incalescat, & meditatione exardescat ignis, quo incendat alios.

Si non bene paratus accedit, hæsitabit, timebit, languescet, frigescet, obliuiscetur.

Per capita potiùs & argumenta annotet, scribátque concionem, nam ad verbum scriptam

edisce

ediscere puerile est, & alligatus verbis non poterit pro dignitate agere.

Prævideat non solum quid, sed etiam quomodo dicturus, & quid submisso dicendi genere, quid medio, quid vehementi dicendum.

Animo concepta Deo attentus & supplex repræsentet, ut eius luce illustrentur, igne accendantur, referat ad eius gloriam, proximorumque salutem; interponat Beatissimæ Virginis, sanctorum Angelorum, quibus auditores commendati sunt, & aliorum Sanctorum, animarum item Purgatorij intercessionem. Concipiat quantum possit Dei amorem, & zelum, pro quo certat, in eius bonitate infinita, cui soli innitatur, fiduciam, perditorum hominum, quos fratres suos esse putet, commiserationem, scelerum, in quæ pugnat, odium,

odium, suæ industriæ, labori, & dicendi facultati diffidat; deinde tamen se legatum esse meminerit, & omni timore deposito, animi fortitudinem, & dicendi libertatem, se reliquis superiorem ut loco, ita etiam munere intuens comparabit: præmittat ieiunium, corporis aliquam macerationem, & si salutis, & libertati actionis non repugnat, cilicio instructus ad dicendum ascendant. Ut firma, quæ dixit Cicero, latera habeat, se strictiori zona constringat, vultu surgat ad modestiam, grauitatēque simplicem, sine vlla affectatione, composito. Antequam incipiat, paululum commorabitur, statu, ut diximus, recto: manus in pulpito ita apponantur, ut videri possint, vel iunctæ, vel seiunctæ parum. Interim obseruabit, qui sint auditores, & in qua loci parte, ut si quæ facienda sit ad hos vel illos

con

conuersio, nihil peccet.

Cùm se signo crucis religiosè premunierit, thema proponat, ab eoque auspicabitur tono, qui in tota concione potissimum seruandus est; ad quem post vocis commutationem suis locis factam facile redeat. Atque ita incipiat vt ab omnibus exaudiatur. Graui itaque vtetur exordiens voce, & moderata, nisi aliquando abrupto, concitato, & vehementi vtendum sit exordio; sed ab hoc sono ad temperationem redeundum erit, à quo ferè incepisse potuissimus. Gestus sit totius corporis cum leni laterum inflexione, eodem spectantibus oculis: manus vel sint immotæ, vel solùm dextera modestissimè moueatur.

Ita breuiter præfatus, exposito themate, & scopo orationis proposito, claudet acutè & breuiter exordium, ne diutius deti-

neat

neat auditores, Spiritus sancti gratiam Beatissimæ Virginis interuentu postulans, quam ipse etiam cum cæteris deprecabitur obnixè.

Rursus eodem tenore vocis incipiat, narrationemque vel expositionem thematis, aut loci communis aggrediatur, illa magis claram & contentam vocem postulat, magis distinctum gestum, & aliquem manuum motum. Hæc omnia attollet, cōtrahet, moderabitur prout narrationis, vel expositionis varietas & natura postulabit.

Confirmatio vocem grauiorem, acriorem, & agiliorem postulat, & quendam gestum maiorem, quem animi motus suppledit.

Refutatio, & reprehensio vocis & motus vehementiores postulat commotiones.

In digressionibus vox solet

esse

esse remissior, & expers contentionis, nisi illæ sint eiusmodi, ut aliud petant.

Epilogus omnem varietatem vocis, gestus & affectus petit, qua de causa optimè teneat, seruèque diligenter, quæ de apta pronuntiatione dicta sunt. Fortissimam rationem, grauissimam sententiam, & vehementissimum affectum in finem referuet: & sensim, ac tempestiuè receptui canat, ne fastidium pariat auditoribus, breuior esse malit, quàm longior, æternam omnibus ardenti voce felicitatem deprecetur. Commodum erit aliquando in re præsertim causaque grauissima, & cum commotos viderit auditores abrupto desistere, ut si de maximis Christi cruciatibus, vel de indignissimæ eius morte, vel de æternis pœnis concionem habuerit.

Duo restant finita concione pericula superanda, pusillanimitatis, & deiectionis, vnum, si non bene successerit; vanæ gloriæ, & inanis lætitiæ, alterum, si aliis & sibi placuisse putauerit. Facile vtrumque superabit, nec illo, nec hoc commouebitur, si soli Deo placere studuerit, qui non tam opus, & euentum, quàm agentis operam, conatùmque intuetur. Atque ille optimè & præclarè dixisse, egisseque putandus est, licèt ab omnibus irrideatur, & explodatur, qui solam Dei gloriam ante oculos sibi proposuerit; ille operam perdidisse & oleum dicendus est, licèt in cœtū miris laudibus extollatur, si hominibus placere studuerit, quia Christi seruus non est.

Plura quæ de Pronunciatione, ac eius praxi dicta sunt, ex obseruationibus deprompta

sunt

sunt P. Hieronymi MONTESINI, quas non tam scriptis, quàm reipsa, & exemplo suo docuit, utpote, dicendi laude percelebris, & excellens, qui ante triginta duos annos, meus in Rhetorica facultate discipulus, nunc multis ac maximis partibus est supra Magistrum.



P A R S V I I .

& vltima.

E L E N C H V S *eorum, quæ
optimo oratori Ecclesiasti-
co seruanda; quæ item fu-
gienda.*

S E R V A N D A .

C A P . I .

Circa S E I P S V M .

1. **I**NSTRUMENTVM
se Dei, ad eius glo-
riam, animarumque
salutem querendam,
esse meminerit; enitatur igitur
totis viribus tanto muneri satis-
facere.

2. Pro

2. Pro Christo legatione fungitur, strenuè quouis labore superato, suum officium exequatur.

3. Ne temere tantam prouinciam suscipiat, sed à Deo non obscuris signis vocatus, vel à superioriore compulsus.

4. Animarum pastores verbi diuini pabulo illas pascere tenentur, per se, vel per alios.

5. A Deo se vocatum intelligens, ex superioris iussu, ne absconditi talenti reus fiat, nullam illius exercendi occasionem prætermittat.

6. Volens libensque non frequentiam hominum, sed animarum lucra quærat etiam in vilissimis pagis.

7. Numquam verus ac dignus in Ecclesia Dei orator erit, nisi virtutum illustretur splendore.

8. Eô sua studia, laboresque conuertat, vt soli Deo placeat.

9. Dei

9. Dei & Christi amore ardeat, si alios velit accendere.

10. Prædicationem oratio semper comitetur, iuxta Apostolicum axioma, *Nos autem orationi, & verbo Dei instantes erimus.*

11. Summa in Deum fiducia, quasuis subortas difficultates tolerabit.

12. Proximos fraterno, imò materno affectu diligat, ut non modò sua, sed se etiam pro illis libenter impendat.

13. Vbicunque magnam præferat cordis humilitatem.

14. Paupertas Apostolica Christi legato conuenit, ut cum Paulo dicat, *Non vestra, sed vos querimus.*

15. Fortiora sint exempla quàm verba, curet vbique, ut quos verbo hortatur ducat exemplo.

16. Quas Christus Dominus verbi Dei præconibus regulas

assigna

assignauit, studiosè legat, diligenter obseruet.

17. Non solùm vitæ sanctitate, sed scientia quoque illustrare debet esse, ne claudicet prædicationis.

18. Sacras in primis literas legat, intelligat, verset, meditetur, ut sibi primùm, deinde alii proficiat.

19. Legitimum earum sensum ex sanctorum Patrum interpretatione rimetur.

20. In scholastica Theologia sit saltem mediocriter versatus.

21. In sanctorum Patrum lectione sit assiduus, eorum non solùm res, sed spiritum etiam hauriat, sententias crebrò vsu petat.

22. Sacrorum Canonum, catechismi, controuersiarum cum hæreticis, Græcæ & Hebraicæ linguæ, liberalium artium, & historiarum notitia, non debet esse

se omnino destitutus.

23. Facundiam comparēt se dignam, à natura datam exercendo, artis præceptis excolendo, optimos oratores audiendo, & æmulando.

24. Tyro se intra priuatos parietes exerceat, habeat fidum admonitorem, etiam veteranus cū sit, nam plus vident oculi, quàm oculus.

25. Ad D. Paulum nimium afficiatur, eius epistolas quotidie legat, eo protectore gaudeat, eūque imitetur. Ex sanctis etiam Patribus aliquem, vel aliquos sibi patronos asciscat.

C A P V T II.

Circa ipsam O R A T I O N E M.

I. **O** R A T I O non eloquentiam futilem, & prurientem auribus, sed seriam, &

Q

gra

grauitate sententiarum impellentem auditores postulat.

2. Christiana eloquentia fortis debet esse, non mollis, & luxurians; superfluum ornatum fugiat, & omnem suspicionem leuitatis.

3. Cùm finis dictionis sit persuadere, in quauis concione idoneam materiam seligat, & in quauis concione certum sibi aliquid, quod suadeat.

4. Ad eum scopum omnia argumenta, tota actio & industria tendat.

5. Ad finem consequendum, auditoris mens primò docenda, deinde voluntas impellenda: delectandus est autem auditor, vt se moueri & doceri sinat, non mouendus & docendus, vt delectetur.

6. Ea præclara est eloquentia, quæ grauitèr delectat, præclarior, quæ disertè docet, præcla-

rissi

rissima, quæ fortiter mouet.

7. Considerato auditorum statu, sumat materiam vel ex via purgatiua ad deterrendos à vitiis, vel ex illuminatiua ad suadendas docendâsque virtutes, vel ex vnituiua ad illos perficiendos, & Dei amorem inflammandum.

8. Ea præcipuè tractet, quæ mores instruant, peccatorum penitentiam commendent, & diuinorum præceptorum obseruationem.

9. Locos topicos, & theologicos communes, & peculiare cuiusvis generis, optimè calleat, ne desint efficacia argumenta.

10. Eos locos peculiari studio consulat, qui ad Christi mysteria pertinent, vt Christi amorem, & Christianos mores auditorum animis inferat.

11. Diuinæ Scripturæ testimonia accuratè verset, fideliter affe-

rat, cum maiestate proferat: vsurpet frequentius historicos sensus, quàm allegoricos.

12. Variis vtatur argumentationibus, exemplis, similitudinibus, sententiis grauib; Sanctorum potius, quàm Ethnicorum, rarissimè vel nunquam Poetarum, & ad excitandos motus amplificationibus.

13. Mouebit facilius affectus, quos ipse in se induerit, res ipsas & verba penetrando, & quæ dixerit meditatione decoquendo, & cælestem ignem oratione postulando.

14. Plurimum valet ad mouendum concepta de oratoris virtute bona opinio, quam acquireret & conseruabit bono vitæ exemplo, etsi eius conciones proximorum salutis studium, Christi amorem, & Pauli zelum redoleant, & spirent.

15. Facile persuadebit oratio,

si audietium se moribus & ingenis, loco, tempori, materia, & dicentis personæ accommodauerit.

16. Res inuentas, prout genus causæ varium postulat, disponat.

17. Quæ dicenda sunt ad capita, si partitione opus est, ad summum quatuor referat, quorum propositione & diuisione docilem in principio faciat auditorem.

18. Exordium grane sit & aptum, narratio breuis, dilucida, suauis & vera.

19. Confirmet sua efficaciter, contraria refutet neruose, & modeste. Digressiones sint breues. Peroratio per cohortationem excitet affectus.

20. Triplex dicendi genus optinè teneat, & gråditer, moderate, & submissè, prout res postulat, loquatur. Semper autem

emendatè, propriè, dilucidè, & aptè, vim potius præferat, quàm flores.

21. Sit simplex & Ecclesiasticus stylus, in quo res magis, quàm verba emineant.

22. Figuræ sententiarum & verborum opportunæ reddunt orationem efficacem & viam, maxime graues descriptiones, quæ rem oculis subiiciant.

23. Memoriam iuuat methodus in rebus, signa quædam ediscendis addita, diuturna exercitatio, præsertim matutina.

24. Utatur voce clara, naturali, æquabili, varianda pro rerum, quas elicit, natura.

25. Gestus respondeant rebus, & sententiis, & ad ea quæ dicuntur, se graui, & naturali decoro, & decenti actione accommodet.

CAPVT III.

*Circa PRVDENTIAM &
INDVSTRIAM ora-
toris.*

1. **H**O c, si quod munus pru-
dentiam maximam re-
quirit, suas vires probè cogno-
scat, vt nihil supra illas audeat, vt
se reprimat, si naturæ sit vehe-
mentis, vrgeat si timida.

2. Se loco, tempori, & captui
auditorum aptet, zelus sit secun-
dum scientiam. Quæcunque di-
cenda præmeditetur.

3. Ne præbeat suis verbis oc-
casionem liberioris vitæ sectan-
dæ, quæstiones parum vtilis
omittat.

4. De se suisque rebus rarò, vel
nunquam loquatur.

5. Humilitatem & patientiam
semper præseferat, tunc maximè
cùm quid contra se dictum aut

Q 4 factum

factum nouerit, quod maximè conciliat auditores.

6. Feruorem spiritus & dicendi ardorem, qui est concionis anima, alet precibus, corporis castigatione, librorum spiritualium lectione, ac meditationibus.

7. Inter orandum renouatur attentio, interpellando, monendo, interrogando, varia oratione ad viuum rerum exprimente, actione efficaci, & seria, & promissione veritatis.

8. Libertas sit in dicendo, sine vlla suspitione vanæ timiditatis, vbi Christi causa, & proximorum salus agitur; sed non sit audax, nec extra fines modestiæ, sed charitati & humilitati consentanea.

9. A thesi transeat ad hypothesein, vt auditor in specie discat, quid, & quomodo sit agendum, & memoria teneat, medi-

tatio

tatione ruminet, & opere perficiat.

10. Apud rusticos dicat, quæ facile intelligant, inculeet peccatorum poenitentiam, & præceptorum observationem.

11. In aulis Principum nec aduletur, nec imprudenter arguat; nunquam, si fieri potest, in illis versetur, ne qui tangit picem, inquinetur ab illa.

12. Habeat paratam rerum sylvam, ex qua pro varij status ratione, singulis hominum generibus suum pabulum proponat.

13. De eligendo statu cogitantes ad Dei voluntatem cognoscendam, & sequendam adhortetur.

14. Omnia peccata acriter insectetur, acrius verò, quæ consuetudine inualuerunt; acerrimè, quæ obduruerunt: in desperationis ac impoenitentiae barathrum dilapsis, opportunè in-

portunè remedia adhibeat.

15. Habeat contra peccati grauitatem copiosam segetem locorum, & argumentorum.

16. Pœnitentiam peccatorum maximè commendet, actus explicet, confessionis vsum assiduum omnibus modis inculcet.

17. Ita in peccata inuehatur, vt peccatores non exulceret, sed omnes sanet, oleum & vinum adhibeat bonus Samaritanus.

18. Ita Superiores & Ecclesiasticos arguat, vt nihil de eorum reuerentia apud plebem deperdatur.

19. Caueat ab adulationis suspicione, & veritatem sincerè proferat, potius in seueriorem partem, quàm in laxiorem inclinando.

20. In via illuminatiua ad progressum in virtutibus, Christi imitationem, & mysteriorum eius considerationem exhortetur,

tur,

tur, vt peccata venialia fugiant, conscientiæ curam habeant, torporis vitium ablegent.

21. In via vnitiua, de statu perfectionis, de Religiosorum felicitate, de ardenti cælestis vitæ desiderio.

22. Sæpius ad Dei amorem, & fraternam charitatem exhortetur.

23. In quærenda proximorum salute, præsertim in missionibus sibi primùm inuigilet, omnes pusillanimitatis angustias, amoris proprii affectus, & inordinatas corporis concupiscentias abiciat.

24. Prudenter intelligat, quibus operibus sit magis insistendum, cum quibus personis diutius agendum, & media quærat, quibus se omnibus beneuolum & officiosum præstet.

25. Magno pietatis affectu feratur ad pauperum misérias sub-

leuandas, in quo maius emolumentum recipit, qui dat, quam qui accipit.

26. Habeat collecta multa consilia, & monita, quibus auditores ad praxim Christianæ & spiritualis vitæ instruat.

27. Præparationem concionis præcedat oratio, inuenta rectè disponat, disposita corrigat, addat, detrahat, perpoliat.

28. Habiturus concionem separet, corporis castigatione, Missæ sacrificio, atque aliis precibus.

29. Accedens ad pulpitum rectam intentionem ac zelum renouet.

30. In concione consideratè loquatur, verba non proiciat, sed ponat. Absoluta concione Deo suum laborem offerat, pro erratis veniam petat, pro beneficiis Deo gratias agat.

31. Habiturus plures concio-

nes, per aliquot dierum secessum, spiritualibus commentationibus se exacuât.

32. Ea semper prædicet quæ aptiora & vtiliora auditorum salutis futura intelligat, nec minus exemplo, quàm voce prædicet.

FUGIENDA.

CAPVT IV.

Circa suam PERSONAM.

1. **E**RRANT, qui non vocati, sed quodam dicendi pruritu, vel honoris, aut lucri cupiditate, se ad concionandum ingerunt.

2. Qui non cogitant tanti muneris dignitatem & pericula, ut illo vel planè abstineant, vel cautè aggrediantur.

3. Qui animarum curam gerentes, vel gregem non pascunt, vel eos concionatores quærunt,

qui

qui floribus, non solido cibo pascant gregem.

4. Qui id munus, quod Christus ante trigésimum annum non usurpavit, ante maturam ætatem assumunt: nisi à superiore compulsi.

5. Qui vocati idonei, à superioribus electi, hoc munus detrectant, vel laboris, vel non placendi metu, vel eo prætextu, ut suæ salutis vacent.

6. Qui magnarum urbium suggestus ambiunt, rusticos pagos & homines fugiunt, vel ob nominis sui famam, vel ob maiora vitæ commoda.

7. Qui vita & moribus expungunt, quæ verbis docent, ut dici illis possit, *Medice cura te ipsum.*

8. Qui Dei gloriam & animarum salutem sincerè non quarunt, sed se magnificè prædicari gaudent, alios cælesti pane pas-

scunt

scunt seiplos fumo , si fumus pascit.

9. Qui ita prædicationi vacant, vt eam non ex meditatione & oratione, sed ex humano studio & industria desumant, vt Ethnicī oratores:

10. Qui in difficultatibus despondent animum, & ab incepto ad Dei gloriam opere desistunt. Quis agricola non seminat, vel colligit messem, pruinam vel æstum timens.

11. Qui non vruntur sancto zelo, cū tot Deo iniuriæ inferantur, tot homines pereant, suoque muneri satisfacisse putant, si horam expleuerint.

12. Qui sua magnificè prædicant, & salutationes in foro, domique ambiunt.

13. Qui in victu, vestitu, viatico Apostolicam non amant paupertatem, & seiplos, non Christi gregem, videntur pascere.

14. Qui

14. Qui colloquiis sæcularium, & conuiuiis delectantur, eorum negociis se immiscent, nec silentij, & secessus amatores sunt.

15. Qui sacrarum literarum nec lectioni, nec meditationi admodum student.

16. Qui sacros libros ita legunt, vt non suos mores instruant, sed vt docti habeantur, caue ne dum alios doceas tibi noceas.

17. Qui vix theologicas quaestiones attigerunt, & eas disputare temere audent.

18. Qui sanctorum Patrum volumina non euoluunt, sed in scribendis aliorum concionibus, præsertim quæ vanitatem sapiunt, toti sunt.

19. Qui pauca de Dei præceptis, & sacris literis, multa de prophanis historiis afferunt. *Ite*, ait Christus Apostolis, *predicate*

Euan

Euangelium, non Aristotelis argutias, Ethnicorum historias, Poetarum figmenta.

20. Qui eos imitantur concionatores, qui populari facundia non Ecclesiastica pollent, vel quæ vitiosa sunt, vel suæ naturæ minimè idonea.

21. Qui concionum periodos suis numeris rotundant, easque ut scripserunt pueriliter recitant.

22. Qui non se priuatis concionibus exercuerunt & ab aliis instrui, & admoneri nolumus.

23. Qui Christum nec multum in corde, nec in ore habent, de eius amore, & mysteriis serò ac frigide loquuntur, quæ serò & tepide meditantur.

CAPVT V.

Circa ipsum OPVS.

1. **E**A est vitiosa eloquentia, quæ delectandis auribus, non componendis moribus, seruit: nam ipsa verborum dulcedo distrahit animum à rerum vtilitate.

2. Cùm nullus certus scopus præfigitur, & nec orator quid suadeat, nec auditores quid suadeatur intelligant.

3. Cùm maior & prima pars concionis in subtilibus argumentis & inutilibus consumpta, de motu animorum & institutione morum languidè, & ieiunè postea agitur.

4. Cùm thesis aliqua congesto eruditionum aceruo ornatè explicatur, de hypothesi parum aut nihil.

5. Cùm subtilis aliqua quæstio disputatur, nec ea docentur au-

ditores

ditores quæ scire oportet vt faciant, non vt docentem laudent.

6. Cum descriptionibus inutilibus & facetiis recreantur auditores; cum concio ridet, diabolus ridet, & Deus sæpe irridetur.

7. Cum tam parum frigide agens, commouerit auditores, vt non minus frigidi venerint, quàm discedunt.

8. Cum controuersia aliqua inutiliter disputatur, vbi vel ipse orator iudex est, vel rudis plebs, vtrumque absurdum.

9. Cum Scripturæ noui sensus, omiſſa SS. Patrum auctoritate, afferuntur, id non est tutum, & quod probatur sapientibus, nouum esse non potest.

10. Cum multa ex sacris literis loca afferuntur, orator suam venditat memoriam, confundit alienam,

11. Cum

11. Cùm multæ afferuntur allegoriæ, præsertim propriæ ingenio inuentæ, lenitas est multa, vtilitas aut exigua, aut nulla: cùm fabula Ethnicorum ac Christiana sacra traducuntur stulta temeritas.

12. Cùm Scripturæ testimonia afferuntur parum fideliter, & peius transferuntur, vel duriù extorto sensu, & non phrasi propria explicantur, vel negligentie vel imperitiæ orator arguitur.

13. Cùm oratio similitudinibus vilibus, sordidis, vel pluribus, vel longis, vel poeticis fordescit. Nequid nimis, nequid minus.

14. Cùm exempla nec auditoribus, nec tempori accommodata, vel dubia, vel non ex probatis authoribus afferuntur. Qui si dem facit dubiis, abrogat cæteris.

15. Cùm res inutiles amplifi-

cantur.

cantur, eloquutionis prophana
iactatio est, sacrae iniuria.

16. Cum alios vult accendere
ipse frigidus, ignem pictum ad-
hibet, cum sit incendenda silex.

17. Cum moratam ut faciat
orationem, eas virtutes ostendit,
quas non habet, histrionem agit.

18. Cum eodem modo ad iu-
venes, ac senes, doctos, ac rusti-
cos, religiosos, ac saeculares ver-
ba fiunt, eodem calceo omnium
pedes induuntur.

19. Cum oratio ordine caret,
& prolixis digressionibus assui-
tur, indigesta est rerum moles,
auditores confundens, orato-
rem turbans.

20. Cum exordium, vel est
prolixum, vel commune, vel sa-
libus aspersum, vel phaleris or-
natum: humano capiti cervicem
pictor equinam iungit.

21. Cum orator tumido ore
exorditur, & ut mos parturit, ti-

meat

meat ne nascatur ridiculus mus: cum exordiens nimis fatigatur summa contentione, forte deficiet in via: cum nimis submisce loquitur sibi canet, auditor discedet surdus.

22. Cum oratio in multa membra diuiditur, vel longissima futura est, vel nullum suasionis scopum habitura: primum intolerabile, secundum inutile.

23. Cum ad sua confirmanda, & refutanda aliena leues rationes affert, auditorem si quo impellet, ad suimet contemptum impellet.

24. Cum hæreses, ubi non sunt, confutantur, stultum est, si ubi sunt leuius arguuntur, iniuria est catholicæ veritatis. Cum SS. Patrum sententiæ, quæ excusari possunt, reprehenduntur, audacia est; sunt Patres, sunt Sancti, vtrumque nomen est venerabile.

25. Cum

25. Cùm Epilogus semper repetitione terminatur, præsertim longa, vel eadem, affectatus videbitur, & frigidus.

26. Cùm concio aliqua faceria, quæ moueat risum, dimittitur, circulator garrit, nõ orator.

27. Cùm sublime dicendi genus se inflat in turgidum: moderatum sine structura & nervis dissoluitur: demissum humi serpit & reptat abiecte. bonum vinum acescit.

28. Cùm variorum idiomatum notitia ostentatur, ridiculum est. Qui Hebræas & Græcas inculcat sententias, surdo canit: sed breuissimo aliquo Hebræo, aut Græco versiculo mysteria Scripturæ innuere laude non caret.

29. Cùm nullis figuris, & tropis oratio distinguitur, inornata est, cùm figuras habet, sed sine pondere sententiarum, arbor est foliis viridis, sed sine pomis in-

frugi

frugifera. Quòd si plus a quo & importunè adhibeantur, conuiuium parabit totum ex melle.

30. Cùm plurium authorum catalogus percensetur, loci citantur ad vnguem, longiores sententiæ ad verbum afferuntur, plus est negotij, quàm pretij. Qui effundit plurima, aut parum, aut nihil infundit.

31. Cùm verbatim orationem discit orator, repuerascit, balbutiet, subridebitur.

32. Cùm semper & nimium clamat molestus est, & vim tempestiui clamoris obtundit; cùm præceps fertur, non trahet auditores; cùm guttatim verba stillat, tædio illos enecat; cùm vocem passim attollit ac deprimit, abeat ad mare, vbi iam clara sydera, iam tartara nigra fluctuando tangat.

33. Cùm nimius in gestu est, omnia membra leuiter agitat.

crebrius pulpitem , & palmas
percutit , meminerit se non in
scena esse histrionica.

CAPUT VI.

*Contra PRUDENTIAM
peccat.*

1. **Q**ui quæ & quanta hoc
munus postulat igno-
rans, illud temere suscipit, nec
laudem meretur, si non aberrat,
nec veniam si aberrat.
2. Qui nec animi, nec corporis
vires perspectas habet, ne supra
illas aliquid moliatur. Longè di-
uersa sunt facile & multa loqui,
& prudenter & aptè dicere.
3. Qui non præmeditatur di-
cenda imprudens est. Ter ve-
niant verba ad limam, prius-
quam semel ad linguam; volat
irreuocabile verbum.
4. Qui de maiestate Dei pa-

Rum

rum circumspectè loquitur, de Sanctis non honorificè, de peccatis etiam obscœnis non honestè, aut nugas & scurrilia miscet, imprudens est orator, & imprudens nugator.

5. Qui ambiguè loquitur, ut possint verba in malum vel perniciosum sensum trahi, imprudens est: nam apud iudices se loqui putet, qui perplexè dicta in pessimam rapturi sunt partem.

6. Qui aliquid se non bene dixisse aduertit, imprudens & superbus est, si non corrigit statim; satius est erratum delere, quàm duplicare.

7. Qui dubias opiniones proponit, temerarius est, & dementia per abrupta incedere, cùm plana patent spacia.

8. Qui se nimium iactat, & ostentat, plurimum apud auditores deperdit. Nemini placet, qui sibi nimis placet.

9. Qu

9. Qui suam causam multis argumentis & querelis agit, dum criminationi, quæ latebat inter paucos, satisfacere vult, suæ est buccinator vel iniuriæ, vel infamiae. Si te concio laudabilem nouerit, ipsa te etiam tacentem tuebitur.

10. Qui ita reprehendit, ut auditores vel designando, vel despiciendo exulceret, non peccata corrigit, sed odia colligit.

11. Qui sine feruore verbum facit, iniuriam Dei verbo inurit, quod est omni gladio ancipiti penetrabilius. Si vitio tuo, miles delicatule, non ferit, non culpa est gladij, ignauo homini omne telum obtusum est.

12. Qui prolixè loquitur, stomachum mouet, & replet. Hic si à mensa recedit auidus, redibit auidius, nutrietur salubrius.

13. Qui timidè agunt, veritatem qua decet libertate non pro-

mulgant, causas animarum leuiter tractāt, Apostolica cathedra indigni sunt; vae nobis ac mundo si timidos habuissemus Apostolos.

14. Qui singulos pro suo statu non instituit, nec praxim rei bene Christianæ gerendæ docet, similis est medico de medend arte in schola differenti, non ægros in nosocomio visitanti.

15. Qui se rudium hominum ingeniis non accommodant, nec labores patienter tolerant, minus ignorant concionatoris; nec enim orator sibi futurus est, sed auditoribus.

16. Qui in Principum aulicis versantur, errant, si aulicum spiritum Apostolico commutant vel si inter concionandum adulantur, vel liberiores sunt in arguendo. Inrer vtrumque volabis tutus.

17. Qui aures demulcet leuiculis sententiolis, nec cor acri oratione ad peccati detestationem pungit, ardentissimum incendium fidibus canens, vel flores spargens, conatur extinguere.

18. Qui ita reprehendit, ut oratio non paternum zelum, sed satyricam mordacitatem sapiat, officiet, non proficiet. Vrat, si opus est, veruntamen non ira, sed charitas.

19. Qui in homines magis, quam in vitia inuehuntur, imprudenter agunt. Hominem si insectaris, fratrem insectaris, & peccas. Vitium si insectaris, hostem insectaris, & vincis. Illi imprudentius, & impudentius, qui superiores & Ecclesiasticos ita reprehendunt, ut magis infamare, quam sanare velle videantur. Concionator es, sed filius es, pudenda patris tui tege, ut benedi-

caris; qui deridet, maledicetur.

20. Qui indulgent iis, qui dicunt, loquimini nobis placentia, puluillos sub omnium cubitis consuunt, latam viam ostendunt, quæ admonitore non indiget. Arcta via, quam terunt pauci, & inueniunt pauci, est indicanda, & ad illam compellendi cuncti.

21. Qui non curat, vt auditor bonus fiat melior, & qui iustus est iustificetur adhuc; non bene pascit oues; bonus pastor curat, vt oues vitam habeant & abundantius habeant.

22. Qui pauperum eleemosynas parum curat, & negligenter commendat, nec diuitibus, nec pauperibus prodesse vult. Qui corrogatæ stipis vbertate gloriatur, sibi noxius est, dum aliis prodest.

23. Qui concionem ita habent, vt nec preces præmittant ad Deum, nec ex corde rem agant, nec post concionem si quid erratum

tum

tum est recolant, & vel animum despondent, si non cessit ex votis, vel inaniter efferuntur si laudentur, Ethnici sunt, vel saltē politici declamatores. Necesse est ut ordiaris à Deo, prosequaris cum Deo, concludas in Deum.

24. Qui post multas conciones in paucis fructum extare videt, in mutandis moribus, in alienis restituendis, in Sacramentis crebrò usurpandis, timeat, ne id sua culpa contigerit. Malleus est Dei verbum conterens petras: at ventis brachium, pueri brachium est imbecillis, & imbecillis quem speras ictum?

FINIS.

Ex Typographico
IOANNIS ANARD.



RESTAURO del LIBRO ANTICO
Cav. G. DI GIACOMO
PESCARA

AGO. 1970

